

طنز لر تۇپلمى

سۇكيش هم پول بۇلر اېكن!

محمد حليم يارقين

كابل - ۱۳۸۹/۱۰/۲۰م.



كتاب بېلگىلرى:

كتاب آتى: سۇكيش هم پول بۇلر اېكن!

يازووچى: محمد حليم يارقين

تيراژ: ۱۰۰۰ جلد

مقوا و بېتلر دېزايىنى: ژكفر حسينى

باسىلگن يېلى: ۱۳۸۹/۱۰/۲۰م.

نشر اېتىووچى: غزنفار بانک

باسىلگن يېرى: كابل، خراسان انتشارات مؤسسەسى



فهرست

بیتلر	عنوانلر
۱	یپتی پشتم شاعر، اما مبن...!
۵	شو هم سیزگه یخشی سوژه!
۸	ساجیم نی نېگه بویه دیم؟! غلهموس!
۱۳	فولکلورشناس توریستلر
۱۸	پولیس بیلن یاردملشینگلر!
۲۲	ساوغات آلیش مغازه سیده
۲۹	مسافرلیک نمازلری
۳۶	مخصوص شعر!
۳۸	قۇلیز درد کۆرمه سین!
۳۹	وقتگه اعتبار بېرینگ!
۴۲	باله نینگ رأیی گه بارینگ!
۴۸	سیناوا!
۵۵	آنت ایچمسلیککه آنت ایچگن قیشلاقلیکلر!
۵۸	باله لیک شۇخلیکلری
۵۹	حیوانلر باغیده
۶۵	ایتلر سوداگرچه سی!
۷۲	سؤکیش هم پول بۇلرا بکن!
۷۶	باله لی اوی بازار....!
۸۰	

سېورمىش و گاه - گاهيدە او - بو نرسە لرنى كاغذ يوزىگە توشىرىپ، شاعر
اۋرتاقلرىكە كۆرسەتەيپ يورگىنىش!

ھە عزيز دۇستلار، يېتى پىشت، آنە، اوکە لر، اۋغىل و برچە عايەلە شاعر
بۇلە توريپ، دريخ كە نېگە دير خداوند (ج) يلغوز مېن بېچارە نى اوشبو
عايلىوى نىمىتدن بې نصيب قىلگن. عينا شو باعث، ايرىم دۇستلرىم مېن
يىلن ھزلىشىپ، كترە و كنايە ايتە دىلر. بىركونى اولردن بىرى حسرت و
كنايە يىلن:

- حيران من، بو شاعرلر عايەلە سىدە بىر سىز خودى پلغىدە بۇلگن
يومورتقە (غلە، تخم) گە اۋخىش، نىمە اوچون شاعر بۇلمىب سىز؟! دېدى.
مېن اسە بونداق سۇراقلرگە ھردايم كۇپ دوچ كېلگىم اوچون،
اۋياتچن باشنى اېگىپ اېندە مە دىم.
بشقە بىرى:

- اي دۇستىم، بو نېچە نسل شاعرلرنىنگ تىزمە زنجىرىدە بىر سىز
قنداق بۇلىپ زنگ اورگن حلقة بۇلىپ قالىپ سىز؟ دېب طعنە قىلدى. يەنە
جىم تورماقدن اۋزگە چارەم يۇق اېدى...!
شاعر دۇستلرىمدن ايرىم لرى تشويقات قىلىپ، مېنى قنداق بۇلسە
ھم اورونىپ كۆرىنگ، بىرار نىمە ايتىسنىگىز - چى! دېب شعر ايتىشگە
اوندەب تورردىلر.

بىر كونى اولردن بىرى:
- شكر عايلىوى پشتوانە نىگىز بۇلسە، بىلىم و معلوماتىنىگىز ھم يېترلى
بۇلسە، اوستىگە - اوستگ چىرايلى ادبى ذوقىنىگىز ھم بۇلسە، اېندى نىمە
اوچون بىر اورونىپ كۆرمەيسىز؟ اخىر تىزمە دەگى بۇشلىقنى ھم
تۇلدېرەسىز و آدملىرىنىنگ دايمىگى طعنە و كنايە لرىدن ھم قوتىلەسىز،
دېدى!

مېن اسە: قنداق قىلىپ؟ زۇردن ھم شعر ايتىپ بۇلەدى مى - اخىر؟
دېدىم.

- نېگە بۇلمىس اېكن. مە كۇپلر آغلرلىگە كېلگن نرسە لرنى شعر
دېب ايتىپ، نشر قىلىپ يورىدىلركو! ھېچ بۇلمىسە مە يىنگى ايتىلە دىگن
شعرلردن ايتىنگ! وزن سىز مى، آقى مى يا قرەسى مى، يازىنگ!
- بۇلمەيدى، مېن اوچون قىين!

كىرىش سۆزى اۋرنىگە:

يېتى پىشتىم شاعر، اما مېن ...!

آتەم رحمتلىك چوچوك سۆزلى و خوش قريحە ذواللسانين شاعر
اېدىلر. بوبەم اسە نە يلغوز دانگ ترەنگن يېتوك شاعر؛ بلكە آتاقلى عالم و
اىدىب ھم اېدىلر. او كىشى نىنگ آتە لرى ھم شاعر اېكنلىگى، قالدېرگن
اثرلريدن مېنگە بېللى اېدى.

بوبەم گە آتە لرى حكاية قىلىشلىرىچە، او ذات نىنگ آتە لرى و بوبە
لرى ھم شاعر اۋتگن اېكنلر! قالە بېرسە اۋشە لردن قالگن روايتلرگە كۆرە
اولرنىنگ آتە - بوبە لرىگە ھم اولوغ تېنگرى شاعرلىك استعدادىنى نصيب
ايلە گن اېكن...!

ھە دۇستلر، شاعرلىك نىنگ توغمە تىزمە استعدادى خاندانىمىزدە
ازلدن ميراث بۇلىپ كېلگن اېكن. شو اوچون بۇلسە كېرەك، سېويملى آنەم
بشقە زورىاتدن بۇلسە لر ھم، آتەم نىنگ عايەلەلرلىگە قۇشلىگنلريدن سۇنگ
يوزلب مقال، قۇشيق و سبزمىن اۋرگىنىپ، اۋزلرى ھم سبزمىن وزنىدە ايرىم
يىتلرنى ايتە باشلەگن اېكنلر!

ايتىشلىرىچە، بو عايلىوى يوقىملى استعداد اوکە لرىم ھمدە
سىنگىللىرىمدن بىرلىگە ھم آز - ماز كۆرىنماقدە اېمىش! يەنە خبرلرگە
كۆرە، اۋغىللىرىمدن بىرى ھم شعرگە اۋتە مراق كۆرسە تىپ، شعرنى

- قيين دېڭىز نېمە! مثال اوچون منە شونداق نرسە نى ايتىسنگىز
بۇلە بېرە دى - كو:

سېوگلىم!

شېرىن خيالىنگ نى،

ياقىملى آغىر اويقو كىي

كېرىكلرىم قوينىدە قوچىپ آلگنىمدە،

سېن قە يېرلردە ابدىنگ؟!

- يۇغ اي، بونىنگ اۇخشە تيش و كوچە يتىرىشلىرىنى بىر قرەنگ!

شونداق نرسە نى آتەم توگول، اۇتگن بوتون زورىاتيىم هم ايتالمە گنلر!!

- كۇپ اۇزىنگىزگە قيين آلە سىز - دە. بىر نرسە نى كىشى قنچە

اۇزىگە قيين آلە، اۇشنىچە قيين بۇلەدى، دېدىلر - اخىر! منە قرە نىگ،

بونىسى جدا آسان:

اي يانغاق درختى،

عجب اولكن - صلابتلى سن!

بىراق،

مېوە نىگ مېدە - مېدە، دومە لاق - دومە لاق!

لېك عجب!

بو زمان آدملىرى دېك:

يوزىنگ چوچوك، ايچىنگ اچىق اېمس،

يوزىنگ اچىق، ايچىنگ چوچوك دىر!

- اي قۇيسنگىز - چى. قديمىن ايتگنلر كە "كۇترالمە گن تاشنى،

اۇيىب قۇي!" مېن شاعىلىك تاشىنى الە قچان اۇيىب قۇيگنمن! خدا

نصيب قىلمەگندە، زۇردن شاعر بۇلىش قيين. مېنى زۇرلە مىگ...

هە عزيز اۇقووچىلر، چىندن هم شونداق. يېتى - سكىز نسل شاعىرلر

سالالە سىدە، فقط مېن بېچارە شاعىرلىكدن پلغدە چىقىب، شعر ايتالمەى،

اۇزگە لرنىنگ كترە و كنايه لرىنى اېشىتىب يورىيىم. لېكن بونگە قرەمەى،

اولوغ تېنگرى مېنى ادب گلزارىدن بوتونلەى قوروق هيدەب يىبارمەگن.

بشقەلرگە گل بېرگن بۇلسە، مېنگە زقوم نى مناسب كۇرگن!

هە، گپ شو يېردە قالسىن - دە، يېتى پشتمدە بۇلمەگن نرسە نى
خدا مېنگە لطف اېتگن. يعنى "طنزچىلىك" استعدادىنى مېنگە نصيب
قىلگن. شونىسى گە هم شكر!

كابل: قوس ۱۳۸۹

اۇرتاقلريم اره سیده، اینیقسه تورانزاده بو ایشده بشقه لرگه کۆره مېنگه اشدی همکار و حتی غمخوار دېسم مبالغه بۆلمهیدی! او سفردە می، حضرده می، قە یېردە بۆلمە سین، مېن اوچون سوژه اویلهیدی و سوژه ایزلب تاپەدی!

مېن بیلن تورانزاده بیر اداره و حتی بیر اتاقده ایشله ییمیز. او، ایش آقیمیده، دفترده هرقدانق قیزیقارلی واقعه یا ایش یوز بېرسه، مېنینگ فکریم بۆلگن بۆلمه گنیگه قره مە ی دراو مېنی خطاب قیلیب:

– "شو ھم سیزگه یخشی سوژه" دېب اېسلب قۇیەدی!

گاھیدە بیراودن، اینیقسه همکارلردن نازک حرکت یا قیلیق کۆرینسە، او نزاکتنی رعایه قیلیب، بشقه لرگه سېزدیریپ یا اېشیتتیریپ اېمس؛ بلکه اېرینمىدن اۇرنیدن توریپ قاشیمگه کېلەدی و قولاغیمگه سېکین گینه شیپیرل:

– فکریزدی آلینگ، "شو ھم سیزگه یخشی سوژه" اونوتمنگ، دېب کېتەدی!

تورانزاده نینگ "سوژه" ایزلشی یا تاپیشی یلغوز ایشخانه میزدە چېکلنمەیدی؛ بلکه او شھر و بازارده، یۆلدە یا اوییدە بۆلسە ھم "سوژه" تاپەدی و دراو مېنگه قۇنغیراق قیلیب، واقعه نی ایتیپ، کېین: "شو ھم سیزگه یخشی سوژه"، دېب اونوتمىسلیگیم نی تآکیدلەیدی!

بیر قتله کېچە نینگ یریمیدە تورانزاده قۇنغیراق قیلیب قالدی. حیرتلەنیپ، نیمە گپ، تینچلیک می؟ دېسم، بیلە سیز می، او یریم کېچە دە نیمە دېدی؟ او اۋشە کونلر توغیلگن شھریگه عایلە سینى کۆرگنی کېتگن اېدی. او، اوییدە یوز بېرگن بیر-ایکی واقعه نی اۋتە ذوق بیلن قصه قیلیب، اداغده: "شولر ھم سیزگه یخشی سوژه" بۆلە دی، دېب ایتدی! ھە، شونداق قیلیب تورانزاده قچان و قە ی وضعیتدە بۆلگنیدن قطع نظر، بیرار "سوژه" نی اوچرە تگنیدە، چیدالمە ی، دراو قۇنغیراق قیلیب "سوژه" نی مېنگە خبر بېردی!

بیر آقشام دۇستلریمیزدن بیرى تۇیگە خبر قیلگن اېدی. سالونده موزیک شونچەلیک بلند اېدی کە حتی یانمە – یان اۇلتیرگنلر ھم بیر – بیرلری نینگ سۆزینی اېشیتالمىدیلر. شو باعث، هرکیم اۋز اۇرنیدە خودی اېگە سی اورگن میموندىک جیم قاتیپ اۇلتیرگن اېدی!

شو ھم سیزگه یخشی سوژه!

بیر خبرنگار اتاقلی تورک طنزچیسی عزیز نسین بیلن قیلگن مصاحبه سیده اوندن:

– سیز طنزچیلیکدە مونچە خیلە – خیل سوژه و موضوعلرنی قنداق و قە یېردن تاپە سیز؟ دېب سۇره گن اېکن.

مشھور طنزچی: مېن کۆچە – کۇیلر، بازاراچارلر، محفل و ییغینلردە، قیسقەسى قە یېرلرگە بارسم و کیملر بیلن اوچرە شسم، کیشیلرنینگ حرکتی، سۇزلری، معاملە سی، مناسبتی و قیلیقلریگه دقت قیلیب، قیزیقارلی لرینی اېسیمدە سقلەیمن و کتابچەمدە یازیپ قۇیەمن. کېین بو موضوعلر اوستیگە بیر آز اۋیل، ایشل، سۇنگ داستان شکلیدە یازە من، دېب جواب بېرگن اېکن.

چیندن ھم یازووچیلیک، اینیقسە طنزچیلیکدە شونداق. خداوند کیمینە گە بېپایان لطف دېنگیزیدن بیرگینە تامچی مرحمت ایل، "طنزچیلیک" دن آزگینە استعداد نصیب قیلگن.

ھرچند مېن اوچون عزیز نسین یۇریغی آز-ماز اۋرنک بۆلسە ھم، بیراق مېنینگ ایشیم عزیز نسین نیکیگە کۆره بیر آز آسانراق دیر. چونکە مېنگە کۇپراق مېربان اۇرتاقلر و مخلصلریم سوژه تاپیب بېرەدیلر! حتی ایریملری اۋز قیلیمیشلری بیلن سوژه و قهرمانگە ایلنە دیلر!

عين شو پيئدە اوزاقدن تورانزادە كۇرىندى. او ھىراققە باقىپ، كيم نى دىر اخترماقدە اېدى. توستدن كۇزى مېنگە توشىپ قالدى و شاشىلىپ مېن تمان كېلدى. او، مېن اۇلتىرگن يېرگە كېلىپ، بشقە لرگە شاشىلىپ قىسقىە بىر سلام بېردى - دە، كېن بوكىلىپ، مىزلىرىدە بىرگە اۇلتىرگن آدملىر ارە سىدە بۇلىپ اۇتگن قىزىقلى بىر صحىتنى ايتىپ: اېسىمدن چىقمەسىن دېدىم، فكىرىزدى آلینگ "شو ھىم سىزگە يخشى سوۋە" بۇلە دى، دېب كېتدى!!

ھە دۇستلر، "سوۋە" اىزلىش و تاپىش و اونى قنداق بۇلسە ھىم مېنگە يېتكىزىش تورانزادە نینگ اشدى عادىتىگە ايلنگن اېدى! تاپگن "سوۋە" لرىنى ايتىشە، او اېرتەگچە دفتىردە اوچرەشوویمىزنى ھىم كوتالمەى، قچان بۇلسە ھىم قۇنغىراق قىلىپ: "شو ھىم سىزگە يخشى سوۋە" دېب البتە خبر بېردى! ھە، گپ شونداق! بىراق نىمە بۇلسە ھىم، مېن تېنگىرگە شكر قىلىپ، قۇلىمدن كېلگنچە تورانزادە تاپىپ يېتكىزگن تورلى "سوۋە" لردن كۇپلىرىنى داستان شكىلدە يازىپ توريىم!!

عزىز اۇقووچىلر، لېكن مېن دۇستىم تورانزادە نینگ بو كۇرسەتەياتگن التفاتلىرى و خدمتلىرىدن بېحد ممنون و مشكورمن. اېندى اونىنگ شونچە التفاتلىرى و خدمتلىرىگە مناسب جواب قىتىرىش اوچون قنداق بۇلسە ھىم بىرار طنزىمدە اونىنگ اۋزىنى باش قەرمان قىلىپ تصويرلىشنى اساسى مقصد قىلىپ قۇيگن من!!!

كابل: مىزان ۱۳۸۹

ساچىمنى نېگە بۇيەدىم؟!

اېندى ۴۰ - ۴۵ ياشنى قرشىلگنىمدە ساچىمگە اق توشە باشلىب، كۇپ اۋتمەى ساچىم انچە اقريب قالدى.

ساچىم اقرمەدى، بلاى جان بۇلدى! نېگە دېگندە، مېن اۋزىم اىستمەگن حالدە اۋز - اۋزىمدن باشقەلرنىنگ غمخوارلىگى طفىلى قىلىر گروھىگە كىرىپ قالدىم! محلە، مسجد، ايشخانە، يىغىنلردە اقسقاللر قطارىدە آليندىم.

بولردن تشقارى شەردە، اينىقسە ترانسپورتلردە يورگنىمدە آدملىر اوللرى «او عمكى!» يا تاغە! و يا آتە! دېسەلر، كېنىراق بو سۇزلر اۋز اۋرىنى «او بوبە!» يا «چال» كىى سۇزلرگە بېرە باشلەدى!

بىر كونى سرويسگە چىقىپ، اېندى اوشلگىچدن اوشلب تورسم، نگران يوكسك سېس بىلن بىر اۋسمىر بالەگە بقىرگندېك قىلىپ:

- او بالە، نېگە چوكىگە اۇلتىرىپ، بوبەنگ چاغلى بو چالگە جاي بېرمەيسن، دېب اونى تورغىزىپ، مېنى اۋرنىگە اۇلتىرغىزدى!

چوگىگە اۇلتىرگنىم ھرچند ياقىملى بۇلگن بۇلسەدە، بىراق نگران نىنگ «بوبەنگ چاغلى بو چالگە...» دېگن سۇزى عصبلرىمگە جدا يمان تاثير قىلدى!

گپ فقط مېنگە نسبتاً ايشلەتيلەدىگن «بوبە»، «چال» يا «موى سفيد» كىي سۆزلەر بىلەن خالاسە بۆلمەدى؛ بلكە قىررىلىگىم گە تېگىشلى بىشقە كۆپ واقىقلەر مېنى انچە قىيىن بىياردى.

بو واقىقلەردىن بىرى شو اېدى كە، كۆپ آدملىر مېنگە اۇخشاش موى سفىدلەرگە ياردەم بېرىش اشتياقىدە، مېنى كۆرگن زھاتى يۇگورىيى كېلىپ، امكانى بارىچە ياردەم بېرىدىلەر. چنانكە بىر كۈنى نسبتاً اغىرراق خلتە نى كۆتۈرۈپ مۇترگە كىرماقچى بۆلگىنىمدە، درحال مۇتردەگىلەردىن بىر كىشى: - او يىگىت، قرە... يۇگور شو بېچارە چال نىنگ سوداسىنى مۇترگە چىقاراپ بېر، دېب بقىردى!

شوندە مېن قىچەلەر مانع بۆلىپ، يۇق زحمت چىكمە، اۈزىم نىنگ كوچىم يېتەر دېسەم ھەم كىمگە ايتە سەن؟ او و باشقەلەر قۇرگە قۇيمەى خلتەمنى مۇترگە چىقاراپ، اۈزىمنى ھەم چو كىلەردىن بىرىگە اۈلتىرغىزدىلەر! باشقە بىر كۈنى سودالرنىنگ خلتەسىنى بېمىلال كۆتۈرۈپ اۈلىپ كېلەياتكىنىمدە، ايكى آدم بىر - بىرىگە دېدى:

- بو بېچارە چال نىنگ بىرار نېرە - چېبرە سى ھەم يۇق اېكن. قرەنگ، عمرى نىنگ سۇنگى دىلەردە ھەم تىنچ اېمس! اېندى نىمە ھەم دېردىم؟ سودامنى قىچەلەر چىققان و تېتىك كۆتەرىپ كېتەياتگن بۆلسەم ھەم، نېگە دىر شوملىك قىلىپ ايتىلگن، اولرنىنگ كىنايى سۆزلەرى يۈرەگىم گە خۇدى بىر اۈتكىر پىچاق سىنچىگندېك بۆلىپ كېتىپ، اياغلىرىم تىترەپ، سۈستەيدى و تۈستىدىن خلتە قۇلىمدىن بېرگە تۈشىپ كېتىدى!

شوندە، مېنى بېمىنى اۈتكىر سۆزلەرى بىلەن شو كۆيگە تىشلەگن اۈشە ايكى آدم درحال يۇگورىيى كېلىپ:

- اې بوبە جان، خالىگىنە سىزگە يۈرەگىمىز كويىپ تۈرگن اېدى، دېب بىرى قۇلتىغىمدىن اوشلەپ تۈردى و باشقەسى اېسە دراو بىر تاكسىنى تۇختەتەپ، مېنى اونگە اۈلتىرغىزدى. اولر جودە مېرەبلىك كۆرسىتىپ، خلتەمنى تاكسىدە اياغىم اۈلىگە قۇيىپ، ھىداوچىگە:

- بو بوبەنى تۇغرى اۈيىگە اېلتىپ قۇيەسەن، دېدى!
مېن اېسە بىر اۈزىمگە كېلىم، ھىداوچى سۈرەدى:
- ائە، اۈيىنگىز قەيىردە؟

مېن اېسە بىر عملەپ اۈرسىنى ايتىدىم. كۆپ اۈتمەى اۈيگە يېتىپ تۈشۈدىم. ھىداوچى مەمۇل كرايەدىن ايكى بىرەر پۇل اۈلدى. مېن سودا خلتەسىنى اۈلىپ اۈيگە باردىم.

بىلەسىز مى نىمە بۆلگن اېكن؟

ھە، او ايكى يۈرەمس يىگىت شو جرياندا خلتەدىن بىر قىسم قىمەتلى سودالرىمنى اۈغىرلەگن اېكنلەر! روھى عذاب نىنگ اۈستىگە بو مادى ضرر درواق «درد اۈستىگە چىققان» بۆلدى!

بلكە نىمە بۆلىدى، تۈرمۈشدا انچە - مونچە نرسەنى بىرار مراتبە يۇقاتىش عادى نرسە - كو، دېرسىز! لېكن، بوندەى ايش كاشكى شو بىر مراتبە بىلەن تۈگەسە اېدى. اچىنرلىسى شو اېدى كە، بو ايش بار - بار و تۈرلى چل و يۈسۈنلەر بىلەن تىكرارلىنىپ، مېنى بېچارە قىلگن اېدى. ختى مېنى بازار قىلىش و بىرار يىغىن يا ضىياقتىگە بارىشدىن چۈچىتىپ، گۆشە نىشنىلىك اختیار قىلىشىمگە اۈز قالدى!

آدملىرنىنگ ھەر بىر چلى مېن اۈچۈن كۈتۈلمەگن و يىنگى اېدى. بىر كۈنى ھېچ قىنداق سودا خلتە - خولتەم يۇق، قۇلىم بۇم - بۇش باشقەلەر بىلەن بىرگە مۇترنى كۈتۈپ تۈرگن اېدىم. بختىمگە ۵ - ۱۰ دىققە اۈتر - اۈتمەس مۇتر كېلىپ قالدى. شوندە چىرايلى درىشى كىيىنگن ايكى ياش يىگىت ھەم بىز بىلەن تۈرگن اېدىلەر. كۆرىنىشلىرىدىن مىھلىگە اۈخىردىلەر. اولر تىھسىنگە سزاوار اۈتە حرمت و آداب بىلەن مېنگە يۈل بېرىپ، قۇلتىغىمدىن اوشلەپ مۇترگە چىقاردىلەر. مېن اېسە شو جرياندا اولرگە:

رحمت، بركە تاپىنگلر يىگىتلەر، دېب بارىپ بۇش اۈرىنگە اۈلتىردىم و جودە راحت يۈلگە تۈشۈدىك. شو پىتدە نگران كېلىپ، باشقەلەر قاتارى مېندىن ھەم كرايە سۈرەدى.

مېن اېسە او چۈتەك، بو چۈتەك و يان چۈتەكلىرىم نىنگ بىرچە سىنى بىرە - بىر تېكىشىرىپ كۆردىم. بىراق ھېچ بىرىدە پۇل يۇق اېدى! يا تۈبە، يان چۈتەكىمدە بىر نېچە مىنگ افغانى و باشقەلرىدە اېسە قىچە تىگە و اۈنلىكلەر بار اېدى، بولر نىمە بۆلدى اېكن، دېب قىتەدىن دقت بىلەن اخترماققە باشلەدىم.

شو جرياندا نگران «تىاقسىز ماسول» دېك تېپەمدە تۈرىپ، حۈسلە-سى پىر بۆلىپ:

- اي بوبه، بۇلىنگ - دە! دېدى.

شوندە خىرىت كە يوقارىدەگى مېدە چۈنتىگىمىدە بىر اۋىلىك بار اېكن،
اۋشەنى نگرانگە بېرىپ، خجالتندىن قوتىلدىم!

بونى قرەنگ كە، يىخشى اۋىلب قرەسم، آدابلى دېب اۋىلەگن اۋشە
ايكى يرەمس يىگىت چۈنتىگلىرىمنى اورىپ كېتكەن اېكلر!

باشقە بىر گل مۇترگە چىقىشندىن آلدىن پولىمنى ايشانچلى بېردە نېچە
توگىب، يىخشى بېر كېتىدىم و مۇترگە چىققان چىقماقچى بۇلىب بارگىمىدە،
مۇتر ايچىدەگى بىر كىشى، آتە جان قۇلىنگىزنى بېرىنگ، دېب يىلگىمىدن
اوشلب مېنى آدملىر آرەسىدن زۇرغە تارتىپ، مۇترگە چىقىردى. مېن اېسە او
كىشىگە منتدارچىلىك بىلدىرىپ، تۇرراققە اۋتىپ چوكىگە اۋلتىردىم.

بىر - نېچە بېكت (ايستگاه) دن سۇنگ وقتنى بىلىش اوچون قرەسم،
ساعتىم يۇق!

يىخشى اۋىلب قرەسم، ساعتنى مېربانلىك كۇرستىب قۇلىمدىن اوشلب
چىقارگن اۋشە يرەمس آدم اورىپ كېتكەن اېكن!

هە عزىز اۋقوۋچىلر، مېن اىستەسم، اىستەسم، غمخوار آدملىر
قۇيرگە - قۇيمەى، مېن قىرگن چالگە ياردىملىشماقچى بۇلىپ، بىر نرسەمنى
اۋغىرلردىلر! شو باعث، مېن كېچە يو كوندوز قىرلىك نىنگ بو جنجاللىرىدىن
قوتىلىش يۇللىرىنى اىزلب يورگن اېدىم...

بىر كۈنى سرويسدە كېتەياتىگىمىدە يانىمىدەگى اۋرتەچە ياشلى قىز -
قرە ساچلى يۇلاۋچى بىلن سالاملىشىپ، سۇزلب كېتىدىم. اويلاقىدىن - بويلاقىدىن
سۇزلب، گپ ياش كېتىپ؛ ساچلر آقەرىپ؛ تىشلر توشىپ... لردن چىقىدى.
شوندە او مېندىن نېچە ياشدە سىز؟ دېب سۇرەدى.

مېن اېسە: ۵۲ لردە من، دېدىم و شاشىلىپ مېن ھم اونىنگ ياشىنى
سۇرەدىم.

او اېسە: ۶۴ لردە من، دېب جواب بېردى!

اونىنگ جوابى نظرىمدە يلغاندىك تويولىپ:

- اوندە ساچلرىنگىز نېگە يىگىتلىرىكىدىك قىز - قرە؟ دېب سۇرەدىم.

شوندە او: ساچلرىم بۇلىگن، دېدى اىلجەيىپ!

- عجب!! دېدىم تعجب بىلن.

كېين او خودى مېندىك ياشى ۵۰ نى قرشىلەگندە ساچلرىگە آق
توشىپ، بىرچەلر اونى چال دېب، مېنىنگ باشىمگە توشىگن كۈى و سودالر
توشىگىنىنى ايتىپ بېردى. اونىنگ ايتىشىچە، او قىرلىك جنجاللىرى و
ماجرالرىدىن قوتىلىش اوچون، بىر اۋرتاغى نىنگ مصلحتى بىلن ساچىنى
قىز - قرە بۇلىپ، اۋزىنى يىگىتلىرچە كۇرسەتىپ، اوشبو جنجاللردىن قوتىلگن
اېمىش!

شوندە، مېن اۋزىم نىنگ دردىمگە اۋخشىش دردىنىنگ عجايىب
درمانىنى اېشىتىپ، جودە قوۋاندىم! فرصتى قۇلدن بېرمەى، شو ناتانىش
آدم نىنگ مصلحتى بىلن اۋشە كۈن نىنگ اۋزىدە - ياق ساچلرىمنى بۇيە -
دىم و اۋزىمنى يىگىتلىر شىكلىدە كىرىتىدىم!

ھە، عزىزلر، منە تېنگرىگە مىنگ قىللە شىكرلر بۇلسىن كە،
ساچلرىمنى بۇيەگن كۈندىن بېرى، مېنى بىرارتە ھىم بوبە يا چال دېگىنى
يۇق و «گوش شيطان كر» قۇلىمدەگى سودا خىلتەلرىمنى كۇترىشە ھىم
كىشى ياردىم بېرماقچى بۇلىپ، چۈنتىگىمنى اورىپ كېتمەگن!

كابل - ۱۳۸۷/۲/۳

خوب سۈزنى چۈزمسەن، نورخان نىنگ ياووز و يره مس قىلمىشلىرىدىن ايرىملىرىنى حكايه قىلىپ بېرماقچىمەن. اۋشندە غلە موسلىك، كىشىنى قە ى درجه دە توبنلىك (پستلىك) و قىنغىر يۇللارگە يېتكەن لىشىنى بىلىپ آلە سىزلر!

نورخان نىنگ ايشلىرىدىن بىرى، حاكميت ساحە سىدە كىشىلرنىنگ ملك و يېرلىرىنى ساتىپ يا گاهىدە تارتىپ آلىش و اويلر و ماركىتلر قورىش دىر. او تورلى قىنغىر و زوراوانلىك يۇللار ارقة لى كىشىلر، اداره لر و مۇسسە لرنى اۋز اويلرى يا دكانلىرىنى كرايه آلىشگە مجبور قىلە دى. عكس حالە، واى حاللىرىگە! او بو ايشدە تورلى يره مس و شىطانى يۇرىقلر و چلردن فايدە لنە دى. اولرنى اېشىتگن كىشى هم حىرتلنە دى و هم قۇرقىب قالە دى. قويىدە، اونىنگ بىر نېچە ايشلىرىنى اۋقىسىز:

نورخان يېر و ملك ساتىپ آلىش و ماركىت قورىش ايشلىرى اۋقىمىدە، شەرنىنگ مشهور ۴ - ۵ قىتلى ماركىتلىرىدىن بىرى نىنگ يىقىندە يىنگى بىر ماركىت قورىپ، توگتدى. بىر كېچە اۋشە ۴ - ۵ قىتلى مشهور ماركىت كوتىلمە گندە الاو آلدى. بو ماركىتدە اساساً شەرنىنگ خاتىنلر و اېركلرنىنگ كىيىم - كېچك ساتوۋچى اۋتە لوكس مغازە لرى ھمدە كۈپلەپ بىرىك شىركتلىرىنىڭ دىقترلىرى جايلىشگن اېدى.

اۋت اېرتە سى كون نىنگ يىمىگچە دوام اېتىپ، دكانلىرىنىڭ بىرچە ماللىرى و مىليونلرچە سرمايه لرى اۋتدە كويىپ، كول بۇلدى. اولوس بېچارە بۇلىپ، قنچە لر داد و واويلا قىلسە لر ھم، اېشىتوۋچى قولاق يا اوزە تىلگن كىمك قۇل تاپىلمە دى....

زىان كۈرگن ساتوۋچىلر غرىپچىلىك و ايشلىرىنى دوام اېتتىرىش اوچون بىرار يېردن يىنگى دكان آلىشگە مجبور اېدىلر. عىن شو پىللە دە، نورخان نىنگ آدملىرى ايشگە كىردىلر. اولر ساتوۋچىلرنى تشويقات قىلىپ، يىنگى قورلىگن ماركىت نىنگ دكانلىرىنى كتە مبلغ سىرقىلى آلىپ، اولرگە بېردىلر!

بىشقە پىت، نورخان شەرنىنگ يىنە بىر منطقە سىدە محتشم بىر ماركىت يانگىنە سىدە بىر ماركىت قورە باشلە دى. كۈپ اۋتمەى، ماركىت نىنگ قورىلىش ايشلىرى توگب، فايدەلىنىشگە تيار بۇلدى. خودى شو پىتدە محتشم ماركىت نىنگ اېگە سى قندە ى دىر قىزلىرىنى تۈلە مە گىلىگى

غله موس!

اولكە مىزدە، اوروشلر اۋقىمىدە مىلتىق ارقة لى نان يېپ يورگن كىشىلر و غله موسلىرى اېسە بايلىكلرگە اېگە بۇلگن لىكلرى آز اېمس. اولردن بىرى نورخان دىر. بو آدم اۋتمىشده كۈكدە يولدوزى، بىردە اېسە قازىق قاقردېك بىر قىرچ يېرى يۇق اېدى! بىراق بوكونگە كېلىپ، او مىلتىغى طفىلى ھم كوچ، ھم پول و ھم كۈپ ملك و يېر اېگە سى بۇلگن. اېندى او، "شاھ بىلن شولە يېمە ىدى"، نمرود كىي يوقارىلردە گىلرگە خط و نشان كۈرسە تىپ، اولر تمان تفلەيدى ھم!!

ھە، سۈزىم نورخان حقىدە كېتماقەدە. اونىنگ عمللىرى آتىگە تېسكىرى اۋتە قرە و افلاس دىر.

او، اۋتمىشلىردە يىمان روزگارى و تولكى خىستلى طفىلى ھىياققە قاچىپ، قوۋىلىپ يورگن آدم اېدى. طالبان حاكمىتى آغدە رىلىپ، اونىنگ آشىغى آلچى تورىپ قالدى و كوتىلمە گن چانس اونگە يوز كېلتىردى. قرە نك كە بىردن منطقە لردن بىرى نىنگ حاكمىتى اونىنگ قۇلىگە توشىپ قالدى. تورلى محرومىتلر، حقارتلر و كىسسىتىشلىرى كۈرگن نورخان، دايم غله موسلىك و عقدە لر اۋتيدە كويىپ يورگن اېدى. شونىنگ اوچون، او حاكمىتكە يېتگندىن سۇنگ ايكە قۇلى نىنگ برماغلرلىنى بىردىنگە آغزىگە تىقىپ، خودى مست تېوالردېك قویروغى (دمى) بىلن شرتە لب اۋز ... ىنى (مايه سىنى) يارگندېك، او ھم اۋز آغزىنى بىرتىشىگە آز قالدى!!

اوچون سارنواللىك تمانىدىن چىقىرىلىپ، تېرگاۋ (تحقيق، استنتاج) آستىگە آلىندى. قرضلارنى تۇلشگە ماركىت اېگە سى نىنگ تيار پولى يۇق اېدى، شونىنگ اوچون قرض عوضىگە ماركىت ضبط اېتىلىپ، ساتىلىش مسألهسى هم ماركىت اېگەسىگە اعلان قىلىندى!

تۇغرى انه شو پىت نىنگ اۋزىدە نورخان نىنگ آدملىرى صحنه گە كىرىپ بارىپ، شهر و اينىقسە ماركىت و تېگرەك - تاشلىرىدە، ماركىت نىنگ يقين كونلردە ضبط اېتىلىشى و برچە ساتوۋچىلارنى او يېردىن كۈچىرىش پروپاگاندى و آوازه سىنى كېنگ ترقىدىلر.

بو آوازه لر خودى بمب پارتلە گىدىپك ماركىتدە صدا بېردى. آوازه لر ماركىتدە گى برچە ساتوۋچىلر يۈرەگىدە تشویش توغدىردى. بېچارە لر دكانلرى قۇللرىدىن كېتىپ، ايشالامە ى قالگنلرىدىن چۈچىپ، قۇرقىپ قالدىلر!

ماركىت اېگە سى نىنگ آدملىرى دكاندارلارنى تسكىن بېرىش و قالىشگە تشويق اېتگنلرى فايدە بېرمە ى، برچە لرى ىنگى ماركىتگە كۈچماقچى بۇلدىلر. بوندە، اينىقسە نورخان نىنگ آدملىرى دكاندارلردىن بېرىگە وعدە لر بېرىپ، بېرىنچى بۇلىپ اۋشە نى كۈچىردىلر. شوندە بشقەلر اۋنى كۈرىپ، دكانسىز قالىشدىن قۇرقىپ، برچە لر كۈچگن دكاندار آرتىدىن قۇدىپك ىنگى ماركىتگە كۈچىشنى باشلە دىلر!

عين شو هياھو و الە مته ساردە ماركىت اېگە سى اۋزىنى يېر و كۈككە اوروب، ايرىم اېكىن يېرلارنى ساتىپ، قرض جنجالىدىن قوتىلدى. بىراق الە قچان "خشت قالبدن كۈچگن اېدى" و برچە دكاندارلر و دفتىرلر اېگە سى اۋنىنگ ماركىتىنى بۇشە تىپ، نورخان نىنگ ماركىتىدىن دكان و دفتىر آلىپ اۋلتىرگن اېدىلر...!

اوچىنچى ماركىت اېگە سى نىنگ تقدىرى بو ايكلە سىدىن هم اىنچىلىراق اېدى؛ يعنى بىر تېھكار باند ماركىت اېگە سى نىنگ اۋغلىنى اۋغىرلە دى. آتە نىنگ اۋز بالە سىنى تاپىش و قوتقە رىش اوچون قىلگن برچە چاپا - چاپلر و ايتىلىشلىرى نتيجه سىز بۇلدى. اۋغىرلر ماركىت اېگە سىدىن اۋغلىنى قۇيىبىرماق اوچون كتە مبلغ اىستىب، اۋزىنى هم اۋلۇمگە تھدىد قىلدىلر!

نھايت، نورخان آدملىرى نىنگ ارە لشوى بىلن، نورخان مصلح و قوتقروۋچى صفتىدە صحنه گە كېلدى. سىرتدىن (ظاهراً) ماركىت اېگەسىگە يۈرەك كويدىرىپ، شوندە ى آغىر احوالده اۋنگە ياردەم بېرىش اوچون كېرە كسىز ماركىتىنى ساتىپ آلماقچى بۇلدى، اما قىسى بهاگە؟ البتە كە اصل بهاسىدىن نېچە برابر كمىدە!

شونداق قىلىپ، قرە نك كە پول اۋغىرلرگە، اۋغىل آتە نىنگ قوينىگە و ماركىت اېسە نورخان نىنگ قبضە سىگە توشدى!

هە، انه شو يۇسىندە نورخان نىنگ ماركىتلر و بلند منزللر قورىش و ساتىپ آلىش ايشلرى كون - سايىن يۈكسلە بېرىپ، بايلىگى آرتىپ باردى. بىراق بو ايشلرنىنگ هېچ بېرىسى عادى و مشروع يۇل بىلن عملگە آشمىدى. چونكە كېيىنلرى، بېرىنچى ماركىتگە شونىنگ بو يۈرۈغى بىلن اۋت قۇيىلىپ، كويدىرىلگنى؛ ايكىنچى ماركىت اېگەسى نىنگ قرض جنجالى هم شونىنگ تشبىتى ارقەلى قوزغەتلىگنى و نھايت بالە نى اۋغىرلگن باند هم نورخانگە تېگىشلى اېكنى معلوم بۇلىپ قالدى!!

نورخان بولرگە هم قانىقمىدى. حتى ىنگى شېرنىنگ كېنگەيتىرىش نقشە سى يا شېرنىنگ ىشىل ساحە سىنى كۈپە يتىرىش كې بهانە لر بىلن بېچارە اولوس نىنگ اۋى - جايلىرى بوزىلدى و بىراز مدت اۋتىپ، او يېرلر نورخان نىنگ قۇلىگە توشردى!

ينە بىر قىزىغى شو كە نورخان شېرنىنگ بىر چىتىدىن كتە بىر دولت يېرىنى اۋزلىشتىرىپ، اۋندە كتە بىر باغ قوردى و آدملىرىنىگ سىر و تماشالرى اوچون تورلى اۋيىن و سىر جايلىر و اۋسكونە لر تۈزەتتىردى. اېندى شونچە كېنگن پوللارنى باغدىن قىتە اوندىرماغى كېرەك اېدى.

قرەنگ آدملىر ميه سىنىنگ ايشلىشىنى. شېرنىنگ قاپ مركزىدە جايلىشگن مېتىر ك بىر زيارت نىنگ تېگرەگى كۈركم كتە پارك اېدى. اوزاق - يقىندىن كېلگن زيارتچىلر و شېر آدملىرى شېرگە كېلگندە البتە كە او يېردە سىر قىلىپ، هاردىق چىقىردىلر. اينىقسە چىهارشنبە كونلرى كۇپراق عياللر و عايلە لر زيارت و سىر قىلىشگە كېلدىلر. نورخان اۋز باغىگە شېر آدملىرىنى بارىپ سىر قىلىشلىرى اوچون عايلە لرنى، مېتىر ك زيارت صحنى و باغىنى پاكىزە اسرە ب قالىش بهانە سىدە، زيارتچىلر و شېرلىكلرنى زيارت

پاركيدە سبر قىلىش و ھاردىق چىقارشىدىن منع ايتىپ، بو ايشلرىنگىزنى منە يىنگى قوريلگن چىرايلى باغدە قىلىنگلر دېپ، بو يروق بېردى!
بونى قرە نك كە، اېندى آدملى نورخان نىنگ باغىگە بارىپ، پولگە تكىت آلىپ سبر قىلىشلىرى كېرە ك اېدى!!

اېندى گپ شو درجە گە يېتىپ بارگن اېدى كە، قچان كە نورخان شېرنىنگ بىرار نقتە سىدە ماركىت قورماقچى بۇلسە، او يېردە گى ماركىتلر يا دكانلر اېگە لرى نىنگ بوتون وجودىگە لىزە تاپىلىپ، قۇرقىپ قالەدىلر. حتى بو قۇرقىنچ نىنگ تۇلقونلرى يىراقراق ماركىتلر و دكانلر اېگە لرىگچە هم يېتىپ بارە دى!

آدملىر اوشبو واقە لىرنىنگ يىمان عاقىتىدىن اضطراب و تشويشگە توشىپ، فقط اولوغ تېنگرى درگاھىگە سىغىنماق و دعا قىلماقدىن اۈزگە چارە لرى يۇق! چونكە اېرتە مى كېچ مى، بىرار ماركىت نىنگ كويىشى، بىر بازارنىنگ بوزىلىشى، يا بىرار ماركىت اېگەسى نىنگ قىندە دىر بىر جىجالگە يۇلىقىپ دوسىيە تاپىشى يا كە عابىلە اعضاسىدىن بىرار كىشى سى اۋغىرلىنىشى نى اېندى يىخى بىلىپ آلگىلر...!

كابل: ياز ۱۳۸۹

فولكلور شناسى تورىستلر

شېرىمىز كىچىك بۇلسە هم، يىراق تارىخى بىر شېر دىر. شونىنگ اوچون كۈيىنچە يىتلر بىرتە - ايكىتە تورىست كۈرونىپ تورەدى.
تورىستلر شېرىمىزنى گېزىپ، كۇپراق اېسكى خرابەلرنى زۇر قىزىقىش بىلن كوزەتىپ، شېر و قىشلاق تورموشى گە تېگىشلى قىزىقتىرگن موضوعلر حقىدە معلومات آلهدىلر و اۈزلرىگە ياققن، سىرتىدىن انتىك نرسەلرنى ساتىپ آلهدىلر.

چىندىن هم تورىستلرنىنگ شېرىمىزگە كېلىپ - كېتىشى طفىلى تىلماجلر (ترجمانلر)، ساتوچىلر، اينىقسە اېسكى و قۇل صنعتلرى نىنگ بازارى يىخى و رونقلى دىر. شېرىمىزنىنگ كۈلپ بىيگىتلرى چلە - چولپە انگلىسچە يا اۈزگە بىر چېت اېل تىلىنى بىلگىنلىك لرى طفىلى انچە پولگە اېگە بۇلەدىلر. انتىك نرسە لىر ساتوچىلرى هم بابا - مامە لرىمىزدىن قالىپ كېتكىن اېسكى - تۈسكى قالدىق بويوملرنى انتىك دېپ، اولرگە ساتردىلر!
مېنىنگ جدا چققان و چوتار بىر اۋرتاغىم بار اېدى. او، اولوسىمىز ايتگىنىدېك، سورمە نى كۈزدىن اورردى؛ تاشدىن ياغ چىقىردى؛ كىشىلرنى يىل، موم دېك يوشەتردى و بورگە نى اېسە ھوادە داغلردى...!
قىسقەسى، او چققانلىك و رندلىكدىن اۈزگە بىرار كمالى يۇق اېدى. شېرىمىزگە كېلىپ - كېتىپ تورگن تورىستلر، اونىنگ اوچون آسانگىنە پول

اوندىرىشدا جدا قولەى اۈلجە ابدى. او بو ايشدا عقلنى لال قالدېرەدىگن عجايب يۇرىقلار و چلاردن فايدهلنردى.

مېن او بىلن كۈپىنچە اوچرەشىپ، اۈلتىرىش - تورىشىم بار. اوچرەشۈرلېمىزدە، گاهىدە ايرىم قىزىقارلىق قىلمىشلىرىدىن مېنگە قىلىپ بېرەدى. سىز بو يېردە اونىنگ سۇنگى يىنگى قىلمىشلىرىدىن بىرىنى اۋقىسىز. او قىلمىشىنى شونداق قىلدى:

كونلارنىنگ بىرىدە شېرىمىزدە ايكى كىشى تورىست تاپىلىپ قالدى. تصادفكە كۈرە صنفداشلىرىمىن بىرى اولارنىنگ تىلماچى و راھناماسى اېكن. صنفداشلىرىمىن ايتىشىچە، اولر شېرىمىزنىنگ تارىخى و قىزىقارلىق يېرلىرىنى كۆرىپ يورگن اېكنلر. اولوسىمىزنىنگ تورلى رسم و عنعنە لرىدىن اينىقسە تۈى مراسىملرى اولرگە جدا ياققن اېكن. شو باعث، اولر قىسى دىر تۈى مراسىمى نىنگ كىشى نى تىلماچ كىكى ارقە لى كتە مېلگە ساتىپ اَلگن اېمىشلر!

مېن صنفداشلىرىمىن بو سۇزنى اېشىتىپ اق، دراو باشىمدە شىطانى بىر فكر تاپىلدى و تورىستلردن پول اوندىرماق اوچون عجايب بىر نقشە طرح بۇلدى!

موضوعنى تىلماچ صنفداشلىرىم بىلن اۈرتە گە قۇيدىم. باشىدە او ھىكارلىكدن باش تارتدى؛ بىراق نقشە نى يىشى توشونىپ، اينىقسە اونگە يېتە دىگن پول اولوشىنى اېشىتگندىن سۇنگ، كۈندى. مېن طرح قىلگن نقشە جدا سادە، بىراق بىر اَز ددلىك و ھوشيارلىك تىلردى.

بىركون تورىستلر شېرنى گېزىپ، توشدىن سۇنگ دم اَلماق اوچون اتاقلرىگە قىتىپ، اوخلە دىلر. مېن نقشە گە مطابق تىلماچكە تىلفون ارقە لى تورىستلرى بىلن سۇزلە شىپ، يىشى تياقلنگن افگار بىر كىشى نىنگ رولىنى اۋىشىنى نى ايتىدىم. شو بىلن بشقە نىمە لر دېشىنى توشونتىردىم. او بۇلسە شونداق رولنى اۋىشىگە كۈندى.

شونگە كۈرە او تورىستلرگە قۇنغىراق قىلدى و اۈتە قلىتيراق و كىشى نىنگ سېسىگە اۋخشە تىپ، اولرگە تۈى مراسىملرى نىنگ كىشى ساتىپ اَلىنگن غىبلى مردم تمانىدىن تياقلنگنى و تورىستلرنى تاپىپ بېرىش اوچون اولومگە تھىدىد بۇلگىنىنى ھىنقىللا ايشانرلى قىلىپ ايتدى و

حاضر اۋرتاغىم قاشىنگىزگە بارىپ، واقە نى بە تفصىل توشونتىرە دى، دېب تېزدە تىلفوننى اۋچىردى!

شوندىن سۇنگ مېن ماجرا صحنە سىگە كىردىم. مېن اولارنىنگ قاشىگە بارىپ، واقە نى جدا قۇرقىنچلى شىكلدە ايتىپ بېردىم. آدملىر تۈپلرى نىنگ كىشى ساتىلگنى، اينىقسە سىز خارچىلر قۇلگە توشگىدىن خبر تاپگىلر. اولر تىلماچىنىگىزنى يىشى كىلكىل اولومگە تھىدىد قىلگىلر و سىزلرنى تېز تاپىپ بېرىشنى اىستە گىلر!

شوندە تورىستلر اضطرابكە توشىپ:

- مردم بىزنىنگ قىسى گناھىمىز اوچون غىبلىنگىلر؟ دېب سۇرە دىلر.
- سىزلر اولارنىنگ خاتىن - قىزلرى يوزى اچىق بۇلىپ، اۋىنب تورگن صحنە لرىدىن اَلىنگن تصوىرلرنى اَلگن سىزلر. اولر بونى اۋزلرىگە ننگ و عار بىلە دىلر. بو مسالە اوچون اۋلىش و اۋلدىرىشدىن ھىم قىتمە يدىلر، دېدىم!

تورىستلر بو سۇزلرنى اېشىتىپ رىنگلرى اوچدى و قىتىق قۇرقىپ قالدىلر. اولر بو دھشتلى ماجرادىن قوتىلماق اوچون مېنگە يلىپ، كىمك اىستە دىلر!

مېن اېسە نقشە جدا سىلىق يۇلگە توشىپ، اصل مقصد تمان اَلگە بارە ياتگىدىن خرسىد بۇلىپ، اولرگە:

- سىزلر تعقىب اُستىدە سىزلر. اول بىر اَز پول بېرىنگىلر، مېن او ياق - بوياقدە پاىلپ تورگن آدملىرگە بېرىپ، اولرنى ترقە تىپ بىبارە ى. كېىن سىزلرنى بو بىردىن بىرر يۇل تاپىپ چىقە رىپ، قوتقۇرە ى، دېدىم!

بېچارە لر جدا قۇرقىپ تىترە ب قالگن اېدىلر. جانلرىنى امان سىقلپ قالىپ، بو مشمشە دن تېزراق قوتىلماق اوچون بار - ياغ پوللرىنى چۈتكىلردىن چىقە رىپ، توتىلمى مېنگە تاپشىردىلر. اولر پولنى بېرىپ تورىپ، يلىنىپ - زارلىپ تېزدە قوتقىرىشلىرىنى مېندىن اىستردىلر!

مېن اولرگە: سىزلر شو يېردە چىدە ب تورىنگىلر. مېن بارىپ ايشلرنى بىرىپ، شېردىن چىقىپ كېتىشلىرىنگىز يۇلى و وسىلە سىنى تۇغرىلە ى، دېدىم.

اولردىن كېكسە راغى شاشىلىپ:

- انىغى بىزنى قچان بو بىردىن اَلىپ كېتە سىز؟ دېب سۇرە دى.

– هوا بىر از قرانغو بۇلگندن سۇنگ سىزلرنى آلىب كېتە من! دېدىم.
شو بىلن اولرنى تشوئش و قۇرقىنچ دېنگىزدە چۇمدىرىپ، اۋزىم
اولرنىنگ قاشىدن چىقىدىم.

هوا بىر از قرانغو بۇلگندە اولرنىنگ قاشىگە باردىم. بېچارە لىر اۋتە
اضطرابدە مېنى كوتىپ تورگن اېكنلر. اولرگە آلىب بارگن محلى كىيملرنى
كىيىدىرىپ، غراضە موتريمگە مىندىردىم. آتە يلىب تار كوچە لىر و پىسكوچە
لردن اۋتكىزىپ، كابىلگە كېتە دىگن كتە يۇلگە چىقىردىم. او يېردە ايلگرىدن
گپىرىپ قۇيىلگن تاكسىگە اولرنى اۋلتىرغىزىپ، كابىلگە جۇنە تىدىم!

شونداق قىلىپ، توريستلر بىر از خاطر جمع و مېندن ممنون بۇلىپ
كېتىدىلر و اۋزىم اېسە تىلماج صنفداشيم قاشىگە قىتىپ، توريستلردن
اوندىرىلگن پولدن اونىنگ اولوشىنى بېردىم...!

كابل: ياز، ۱۳۸۹

... پوليس بىلن ياردم لىشىنگلر!

كابل و بشقە شىهرلردە بوزمە كارلىك، بمب قۇيىش و انتحارى
يورشلر كۇپە يىشى بىلن امنيت نى سقلىش اداره لرى بىر اعلاميه ترقه
تىپ، اوشبو يره مس ايشلرنى كشف اېتلاق، آلدىنى آلماق و خنى قىلماق
اوچون برچە دن ياردم سۇره دىلر. اولر بو ايش اوچون، بىر مخصوص
تيلفون نمره سىنى هم بېردىلر.

اعلاميه ترقه لىشى بىلن آدملىر اره سىدە عجايپ كېنگ حركت و
ايتىلىش تاپىلىپ قالدى. تورلى گروهلر و قتلرگە تېگىشلى ياش و قىرى،
خاتىن و اېركك خودى بىر يىشىرىن جنائى يا كشف مامور كى، سواره و
پياده، كۇچە و پىسكوچە لرنى كوزه توو آستىگە آلدىلر. بعضىلر حتى اۋز
اويلرى نىنگ بورچك – تېشىك لرىنى هم دايمى نظارت قىلە باشلە دىلر!
يېر و كۇكده گى هېچ قنداق يورووچى، يورمه لووچى و اوچووچى بو كوزه
تووچى لرنىنگ اۋتكىر نظرلرىدن چېندە قالمىدى!

يېتمىش ياشلى كېكسە بوبە چارى، خفتن نمازىنى اۋقىب، بىر آز
مسجد امامى بىلن صحبت لىشگندن سۇنگ اۋز اويى تمان يۇل آلدى.
بوتون محله قرانغولىككە باتگن اېدى؛ چونكه برق – مرقدن درهك يۇق
اېدى – ده!

بوبە چارى حالى اېشىگى گە يېتمە ي توريپ، كانكرىت كشتادانى
يانىدە بىر نرسە نىنگ حركتىنى سېزدى. بوبە چارى برقسىزلىك عالمىدە،

بىر لحظه خودى برق آڭگىدېك قاتىپ قالدى! باشىدە بىرار دەيدى ايت دير، دېب اۋىلە دى؛ بىراق يۇق، بىرآز دقتدن سۇنگ قىمىرلب تورگن نرسە نىنگ بىر آدم اېكنلىگى معلوم بۇلدى!

شوندە بوبە چارى نىنگ قۇلى اۋتە تېزلىك بىلن يان چۈنتكى گە باردى و كاوباي فىلملىرى نىنگ اۋچىلرىدىن كۈرە ھم چققانراق تىلفونى نى چىقردى! او قۇلى نىنگ پنە سىدە پوليس بېرگن مخصوص نمرە نى تېردى:

- الو، پوليس نىنگ شاشىلىنچ (عاجل) اداره سى مى؟

- ھە، بويورىنگ اېشىتە من!

- مېن اۋچىلر محلە سىدن سىزلىرگە قۇنغىراق قىلاتىيىمىن. شو حاضر اويىمىز يىقىنىدە گى كئافتدانى گە بىر كىمسە قىسى نرسە نى قۇيماقچى. اۋىلشىمچە، بمب - ممب بۇلسە كېرەك!
- تىنچلىنىڭ، اوندن كۆز اوزمە ى كوزە تىب تورىنگ! منە بىز حاضر يېتىدىك!

حقيقتدە ھم اۋن دىققەلر اۋتر - اۋتمىسدن، بوتون منطقە پوليس مۇترلىرى نىنگ چراغى بىلن يارىتىلدى و كۆز يومىپ اچگونچە برچە ساحە قىل قىلىپ آلىندى.

ايكى چققان و باتىر پوليس اۋتە چابكلىك بىلن بىر كىشى نى قۇلگە توشىردىلر. اوشلىگن كىشى چمە سى (تخمىن) ۳۵ - ۴۰ ياشلى سادە قىشلاقلىك كۆرىندى.

گروپ قوماندانى او آدمىن: قە يېرلىك و چى كارە سن؟ دېب سۇرە دى.

بىچارە آدم قۇرقوودن قلتىر و تىلى توتىلدى. او، اويلردن بىرىنى كۇرستىب، اۋشە اويگە مېمانلىگى و بو يېرگە ھم "قضاى حاجت" اوچون كېلگن ليگىنى بىر عمللب توشىتتىردى!

قوماندان اونيىگ سۇزلىرىگە ايشانمەي، اونى تھديد ارقەلى حقيقتنى ايتىشكە اوندردى!

بىچارە آدم انت اىچىب، "قضاى حاجت" دن اۋزگە ھېچ بىر قصد و غرضى يۇقلىگى نى ايتردى و بو قنداق شەر دىر كە كىشى تىنچ و

خاطرجمع "قضاى حاجت" قىلالمە يدى، دېب مېزبانىنى خبر قىلىشلىرىنى يالوارىب اىستردى!

نھايت، قوماندان مېزبانى نى چقىرىپ، مسالە نى اوندن سۇرە شگە كۇندى.

مېزبان اويىدن چىققن زھاتى، بىر تۇپ پوليس، مۇترلر و قۇلى باغلىق مېمانى نى كۇرىپ، حىرتدن اغزى اچىلىپ قالدى.

قوماندان اېسە، اوندن قۇلگە توشىرىلگن كىشى حقيدە سۇرە دى. مېزبان اېسە اونيىگ مېمانى اېكنلىگى نى تصدىقلەدى و اوزاق ولايتدن، كسلىگى نى دوالماق اوچون كابلگە كېلگن، دېب ايتدى.

قوماندان سۇرە دى:

- بو قرانغو توندە، نىمە اوچون اويىدن چىققن و بو كئافتدانى تېگرە گىدە نىمە قىلردى؟

مېزبان جواب بېردى:

- بو مېمانىم عصرى تشنابلرنى كۇرمەگن و بلد اېمس. نېچە كوندن بويان قىيىنە لىب يورگن. حتى ايكى كوندن بېرى تشناب بارمەگن! آخر شو كېچە ناچارلىكدن اويىدن چىقىپ، اېركىن فسادە "وطنكى" رفع حاجت قىلماقچى بۇلگن!!

قوماندان كولىم سىرەب باشىنى تىرنەدى و وطنداشلىرىنىڭ ھوشيارلىكلرى، اىنىقسە بوبە چارى نىنگ اۋز وقىدە ياردم كۇرستىگىدن تشكر قىلدى. كېين، واقە نى ثبت و راجستر قىلماق اوچون بوبە چارى، مېزبان و مظنون تانىلگن مېماننى اۋزى بىلن حوزە گە آلىپ كېتىدى. اولرنى تون نىنگ ساعت ايكى لرىدە پوليس نىنگ گزمە مۇترى اويلرىگە يېتكىزىپ قۇيدى!

بشقە بىركون، گاۋگم شام پىيتىدە "پالاندوزلر" گذرى يشاۋچىلرىدن بىرى نىنگ نظرىنى درخت تگىدە كىمىن آلگن، شىشە لرى و اۋزى قىب - قرە بىر مۇتر اۋزىگە جلب اېتىدى. او تلويىزون و رادىولردن، كۇپىنچە اختىلافلر و غيرقانونى ايشلر قرە شىشە لى مۇترلر ارقەلى قىلىنە دى، دېگن گېنى كۇپ مراتبە اېشىتگن اېدى. شونىنگ اوچون، او مۇترنى كۇرگن زھاتى دراۋ قۇلى تېزدە چۈنتكى گە بارىپ، تىلفونىنى چىقردى و پوليس نىنگ مخصوص عاجل نمرە سىنى تېرىپ، اولرنى خبر قىلدى.

كۆپ اۋتمەي، پوليس مۇترلرى نىنگ مخصص "چيو - چيو" تاووشى
 اېشيتىلدى و اۋتە چقانلىك بىلن بوتون ساحە قمل قىلىپ آلىندى. بىر نېچە
 تكلە پوليس دراو اۋزلىرىنى شېھەلى قرە مۇترگە يېتكزدىلر.
 پوليسلر مۇترنىنگ ايچىنى كۇرماققە اينتيلسەلر ھم؛ بىراق ھېچ نرسە
 كۇرالماە دىلر. اولردن بىرى، برماغى بىلن نېچە قتە مۇترنىنگ شىشە سىگە
 تىك - تىك قىلدى؛ لېكن مۇترنىنگ ايچىدن ھېچ قنداق سېس اېشيتىلمە -
 دى. بو نرسە پوليسلرنى كۇپراق شېھە گە سالدى!
 او يېردە تۇپلنگن آدمىلر ھم شېھەلى قرە مۇتر حقىدە ھېچ قنداق
 معلومات بېرالمەدىلر و قوماندان پوليسلريدن بىرىگە مۇترنىنگ اېشىگىنى
 آچىش گە بو يروق بېردى. پوليس اېسە مخصص اوسكونەسى بىلن
 اېشىككە اورىنە باشلەدى. ترق - توروق و سىلكىنىشلر جريانىدە، مۇترنىنگ
 آلدگى اېشىگى اۋز - اۋزىدن سېكىن آچىلدى!
 برچە لر تۇرت كۇز بۇلىپ، مۇترنىنگ ايچىگە قرەدىلر. مۇترنىنگ
 ايچىدە اېسە اويقوسىزلىكدن كۇزلرى شىشگن ايكى قوراللى كىشى
 اۋلتىرگن اېدى. اولر ايزمە - ايز ايسىندىلر.
 قوماندان اۋزىنى مۇترنىنگ اېشىگى گە چقان يېتكزدى و اولرگە
 مۇتردن توشىنگلر، دېب ايتدى.
 قوراللى كىشىلر خودى ھېچ نرسە نى اېشيتمە گندېك، حرىكت سىز
 اۋلتىرگن اېدىلر و اعتناسىز بىرىن - كېتىن ايسىندىلر!
 بو قتە قوماندان اولرگە جدى آھنگدە: تېز مۇتردن توشىنگلر! دېب
 بو يروق بېردى.
 بىراق اولر ھمان اعتناسىز اۋرىنلريدە اۋلتىرگن اېدىلر. اولردن بىرى
 آغزىنى اېنگ كتە ليگىچە آچىپ، اوزون ايسىن، مينغىللىب دېدى:
 - اكه ... خيرىت مى؟!
 قوماندان سۇرە دى:
 - سىزلر چكارە سىزلر و بو مۇتر كىم نىكى دىر؟
 - اكه، بو مۇتر قوماندان ... نىكى. بىز تون بۇيى يۇل باسىپ، اوزاق
 يېردن كېلگىمىز، كۆپ اويقوسىزمىز!

قوماندان قوراللى آدم ايتگن كوچلى آدمنى تانىدى چاغى (شېكىللى،
 مئلىكە)؛ چونكە او ايلگرگى شىستىدن توشىپ، قوراللى كىشىدن يوشاققىنە
 سۇرە دى:
 - قوماندان صاحب نىنگ اۋزلىرى قە يېردە دىرلر؟
 - آو... او يېردە، اوچىنچى خاتىنى نىنگ يانيدە!!! دېدى، او قۇلى بىلن
 اويلردن بىرىنى كۇرستىپ.
 شونەدە، قوماندان اولردن كېچىرىم سۇرەب، مۇتردن اوزاقلشدى. او
 مردم نىنگ بموقع ياردىمى و ھوشيارلىگىدن تشكر قىلدى و تىلفون قىلگن
 كىشى و ساحە نىنگ شىھرت و بېلگى لرىنى يازىپ، باشىنى تىرنە لگنچە او
 يېردن جۇنپ كېتدى!
 بشقە بىر كېچە "قورووچىلر" اوچ يۇلىكدەگى امنيت مسۇللريدن بىرى
 عاجل پوليس ادارە سىگە قۇنغىراق قىلىپ:
 - بىز انتحارچى بىر آدمنى قمل قىلىپ تورگىمىز. اونى قۇلگە آلماق
 و انتحارنى خنى قىلماق اوچون تېزراق يېتىپ كېلىنگلر، دېب ايتدى!
 ھنوز نېچە دىققە اۋتمەي توريپ، پوليسلر و انتحارگە قرشى نېچە
 متخصصدن تۇلە رىنجر مۇترلر او يېرگە يېتىپ كېلدىلر. اولر چىندن ھم
 اوچ يۇللىك نىنگ اۋرتە سىدە بىر كىشىنى قمل حالتدە كۇردىلر. يىرىم
 قرانغولىكدە انتحارچى آدم نىنگ يوزى يىخشى كۇرىنمىدى. او، بىر كىمپلگە
 اۋرە لگن و ھېچ قنداق حرىكت اوندن سېزىلمىدى.
 بىر لحظە دە اۋنلې مىلتىق او آدمگە قرە تە نشان آلىندى. گروپ
 قوماندانى بىرىنچىدن پىشتوگە او آدمنى يوكسك سېس بىلن خطاب قىلىپ:
 - قۇللىرىنگى كۇتر و يېرگە اوزون چۇزىلگىن، دېدى!
 قوماندان بو سۇزنى نېچە قتە تىكرالە دى؛ بىراق او آدم نى حرىكت
 قىلدى و نې ھم بىرار سۇز ايتدى! قوماندان كېين چلە اردوچە دە ايلگرگى
 سۇزلىرىنى تىكرالە دى؛ لېكن انتحارچى خودى تاش مجسمە دېك لىخ
 تورگن اېدى و اصلا حرىكت قىلمىدى!
 عىناً شو لحظە دە، تىرىيەلنگن جسور بىر پوليس سېكىن - سېكىن
 اۋزىنى انتحارچى نىنگ ارقە سىگە يقىنلىشتىرماقدە اېدى. شونەدە برچە
 نىنگ يۈرەگى پارتلىش قورقۇويدن تىكە - پوكە گە توشىپ، كۇكسلىرىدە
 قىتىق - قىتىق اورماقدە اېدى. تكلە پوليس يواش و تىنچ گىنە اۋزىنى

گروپ قوماندانى چقان صحنه گه كىرىپ، آدملىرگه صحنه دن اوزاقلشيش لىرىنى ايسته دى؛ يىراق ھېچكىم اۋرىدىن قىمىرلەمە دى. يوزلىرى قرە و كۈيلكلىرى يىرتىلگن كىشىلر قوماندان نىنگ سۇراغىگە دېدىلر:

– قوماندان صاحب، بو واقعه نه بمب پارتلىش و نه انتحارى ابدى. بىز اوچلە مىز شو يېردە شۇرخود و بولانى پىشىرىپ، ساتەمىز. شۇرخود پىشىرەدىگن بخار قرانىمىز پارتلىپ، بىزنى شو كويگە سالىد. خداگە شكر كه كىشى اوگار بۇلمە دى...!!!

قوماندان بو سۇزلىرى اېشىتىپ، بو قتلە هم ارقة باشىنى قاشىپ، كېتدى...!!!

كونلردن بىركون يىنە عاجل پوليس تىلفونى جىرىنگىل، كىم دىر شو يقين كونلردە فلان يېردە كتە پارتلىش يوز بېرماقچى، دېب خبر بېردى. مسۇللر بىر نېچە قتلە تىلفونلرگە ايشانىپ بارىپ، آوارە بۇلماق و باشنى قاشىپ قىتماقدن اۋزگە ايش قىلالمە گىلىكلرى اوچون، بو قتلە سۇنگى تىلفونگە ھېچ هم پروا قىلمەدىلر...!!!

اۋن كوندن سۇنگ، امنيت كوچلىرى مركزى قولاغى نىنگ تويىدە دھشتلى كوچلى بىر پارتلىش يوز بېردى. حادثە دە كۈپلەب آدملىر اۋلىپ، اۋنلرچە كىشى يره لىدى. بو قتلە، قوماندان باش تىرنش گە مجال هم تاپمەي قالدى!!!

كابل – سرطان ۱۳۸۷

انتحارچىگە يېتكزدى – دە، چقان و فىلمى بىر حركت بىلن اونىنگ قۇللرىنى بورەب، يېرگە اوردى! بشقە لر اېسە اۋزلىرىنى شاشىلىنچ اولرگە يېتكزدىلر و انتحارچىنى اوشلب آلدىلر. پوليسلردن بىرى اۋتە احتياط كارلىك ھەمدە بمبلرنى خنى قىلىش يۇسونلرگە ماس حركت بىلن بدنېگە اورە لگن كمپل نى سېكىن آچدى و بدنېنى تېكشىرىپ كۆردى.

شو پىتدە، پوليسلردن بىرى برق چراغى نورىنى او آدم نىنگ يوزىگە تشلەدى و بىردىنگە يوكسك تاووش بىلن قاه – قاه لب كولىدى و ھىجان بىلن بقىردى:

– او... اينى – آغە لر، بو خو اۋزىمىزنىنگ اۋشە مشهور تېنتىگىمىز پىغو تېنتك – كو!

تېنتك نىنگ تېگرەگى نى اورەب تورگن برچە حاضر كىشىلر بىر وقتدە و بىر سېس بىلن:

– نىمە...؟! پىغو تېنتك...!!! دېدىلر.

ھركىم بىر نرسە دېردى و تېنتكدن بىر نىمە سۇرردى؛ يىراق پىغو تېنتك جىم ابدى و لىلرېدە اېسە فقط استىزالى ايلجەيش بار ابدى! شونندە قوماندان ايلجەيىپ، حوزە آمريگە باقىپ دېدى:

– اوھو... ھو، عجب انتحارچى و عجايب ھوشيارلىك! آفرىن، برکہ الله يىگىتلىر! بوندن بويان ھم انه شونداق ھوشيار و سېزگىر بۇلىنگلر...!!! او يىنە بىر قتلە باشىنى تىرنە لگىنچە پوليسلرېگە جۇنش بۇيروغىنى بېردى و مۇترلرگە مېنىپ، منطقە دن كېتدى....

جزيره مە ياز كونلرى نىنگ بىرىدە، عاجل پوليس اداره سىنىنگ تىلفونى جىرنگىل كېتدى. بو گل بىر كىشى يىنگى شېرىنىنگ "تانگ تىل" يقىنىدە بىر پارتلىش يوز بېرگىدىن اۋتە ھىجان و اضطراب بىلن خبر بېرىپ، پوليسلرنىنگ تېز يېتىپ كېلىشلىرىنى اىستردى!

كۇپ اۋتمەي، عاجل پوليسلردن لىق تۇلە رىنجىر مۇترلر او يېرگە يېتىپ كېلدى. او يېردە حقيقتدە ھم قىنداق دىر پارتلىش يوز بېرگن ابدى. كۇپ خلق تۇپلنگن ابدى. يوزلىرى توتوندن قىب – قرە، قان تامچىلىرى توشگن و كۈيلكلىرى يىرتىلگن ايكى – اوچ كىشى پوليس مسۇللرى بىلن قرشى كېلدىلر.

يۇل بۇيى رھنمالر و تيلماجلر برچە ميزنى، اولردن ايريلمسليك و بير يېرگە تۇپ بۇليب يوريشگە تۇكيد قىلدیلر.

قيسقه سى، اوچتە مينى بوس بيرنېچە ميدە - كتە يۇللرنى گېزيب، ينگى توركيە نينگ اساسچىسى، آتاتورك نينگ آت اوستيگە اۇلتيرگن شكوهلى ھيكلى اۇرنە تيلگن بويوك و گوجوم بير ميدانليك يقينيده باريب توردى. برچە مھمانلر چقان و شاشيلىنچ اوروئيىب - سورونيىب، بقير - چقير قىليب توشديلر.

اولر رھنمالر ايزيدن خودى بير سوريكدېك يۇلنى كېسيب، اوتمانگە اۇتديلر. رھنمالر اولرنى مغازەلر تمان باشلب بارە بېردیلر. شونده مھمانلر نينگ ھربيرى عينا رھنما بيلن يېلكە مە - يېلكە يورماققە اينتيلر و حتى يوگورردیلر! بو جريانده، اولر بير - بيرلرى يا كە اۇزگە يۇلاوچيلر بيلن تېگيشيب، تنە اوروشيىب آلغە بارردیلر!

رھنمالر تېزدە كۇزلىگن مغازەنى تاپالمەي، گاه او دكان، گاه بو دكان؛ گاه اوتمان، گاه بوتمانگە بارردیلر. مھمانلر گروهى ھىم اولر نينگ كېت - كېتىدن تۇپ بۇليب بارردیلر. اولر نينگ بو حركتلىرى آدملىرىنىڭ دقت و توجه سىنى تارتىگن اېدى!

نھايت، مغازە تاپيلدى. رھنمالر مغازە گە كيريشلىرى بيلن مھمانلر ھىم تۇپ بۇليب، اولر نينگ ايزيدن دكان نينگ محاسبلر تورەديگان نسبتاً تارراق قىسمىنى ليق تۇلديرديلر. كۇپ اۋتمەي، اېركك مھمانلر اوچون مغازە نينگ اوچىنچى قېتى و عياللر اوچون اېسە آستكى قېت بېلگىلىندى.

ھيأتدە فقط ايكي كيشى عيال و بشقە سى اېرككلر اېدى. شوباعث، اېرككلر گروهى گوجوم بۇليب، تار زينهەدن يوقارى قېتگە يۇل آلدیلر. "تار جايده، تماشا" دېگنلريدېك، سورتىليب، اورىليب اوچىنچى قېتگە چىقىدىك. برچەمىز بيردنيگە ايلگىچ (كوت بند) لركە آسايىب قۇيىلگن دريشى لرنى كۇرە باشلەدىك.

ھېچكىم جيم و اۋز اختيارىگە كييم لرنى كۇرمىسى؛ بلكە برچەلر اۋز يانيدەگى يا اوزاقراقدهگى اۋزاقلىرىگە قۇليدەگى كييم نى كۇرسەتيب:

بيري: آھاي اېرگش، بو قنداق؟!

ايكىنچى سى اېسە: آھاي توردى، بونينگ رنگى يخشى مى؟

اوچىنچى سى: او تورانزادە، شونى آلسم بۇلەدى مى؟....

توركيە سفرى خاطره لريدن:

ساوغات آليشى مغازە سيدة

تورك مېزبانلريمىز مھماننوازيك لطفلىرىنى ينە دە آشيريىب، بيز قۇناق (مھمان) لريگە ساوغاتلر ھىم بېرماقچى بۇلدیلر. بو خوشخبر، گروه مسؤولى تمانيدن بيزلرگە يېتكزىلدى. شو بيلن برچە ميز نينگ كۇزلىرىمىز چقنب، يورەكلريمىز اېسە قووانچدن تۇلدى. برچە ميز وعدە بېرىلگن كونى صبرسىزلىك بيلن كوتە باشلە دىك!

نھايت، بېلگىلىگن كون و ساعت ھىم يېتىب، كوتيشلر يېمىزگە چېك قۇيىلدى. مھربان مېزبانلر، بيز مھمانلرنى كييم - كېچكلر ساتىلەديگن قيسى دير بويوك مغازە گە آليىب بارماقچى بۇلدیلر. مېزبانلر نينگ التفاتىگە كۇرە، مذكور مغازەدن ھركيم اۋزىگە يرهشە بير سىديرمە (دست) دريشى يا كە بشقە كييم تنلب آليشى ممكن اېدى!

بيز مھمانلرنى بازارگە اېلتماق اوچون اوچتە مينى بوس تيار تورگن اېدى. شوكون ساوغات اشتياقيده ھېچ بير كيشى ميز غايىب اېمىسى. حتى لكچرلر و ملاقاتلردن قاچماق اوچون كۇيىنچە اۋزلىرىنى كىسلىك يا كۇترملىككە اورىب ياتگن يۇلداشلىرىمىز ھىم برچەدن ايلگىرىراق، چقان يوگوروب مۇترگە چىقىپ آلگن اېدىلر! بوگون مېزبانلريمىز، ھېچكىم نينگ غيابتى يا كە كېچىككنى اوچون اوياق - بوياققە آوارە و سرسان بۇلمەدىلر!

تورائزادە نىنگ اۋزى اېسە يانيدە تورگن ساتوۋچى گە ايكيته كييم نى كۈرسەيتىپ، زۇر بېرىپ توركچەلب سۇردى:

– بى افنديم، بونلرين هنگى سى بنە چوق اى دير؟.....

بېچارە ساتوۋچىلارنىنگ حالى زار اېدى؛ چونكە بيروقتندە نېچە كىشى اولرنى چقىرىپ، سىرسان قىلدىلار! يىراق ساتوۋچىلار كتە كۈلم دەگى سودا اشتىاقى و توركيە نىنگ ساتوۋچىلىك اداى و فرھنگى گە كۈرە چقان و ايلدم چقىرىلگن تمان يوگوردىلار. بوندە قىزىغى شو اېدى كە، ساتوۋچى چقىرىلگن تمان يوگورىپ بارەياتگنيدە، يۈلدن بشقە بىر كىشى قۇلىدن اوشلب، بىرنىمە نى سۇرەماقچى بۇلردى!

شونداق قىلىپ، بوتون فضانى كل – كل و غلە – غولە لر تۇلدىرگن اېدى.

مغازەدەگى برچە كيىملردە اونىنگ سايىزى، ايشلب چىقىرىلگن يىلى، كارخانه سى، رنگى، مدلى، قيمتى كىي تورلى خصوصيتلرى يازىلگن اېدى؛ يىراق بىز مېھمانلارنىنگ چلە – چولپىغ ياشىمىزنى بىلىشدىن اۋزگە، بىرانتە مېزىنىنگ سايىز – مايىمىز (بۇي، يىلكە و قۇلىمىز اندازە سى) بىللى اېمىدى. شونىنگ اوچون، هر كىم يازىلگن بېلگىلەرگە قرەمەى، اۋرتاغى ياكە ساتوۋچىلاردن سۇردى!

شو اثادە، كىم نىنگ دير "بو مېنگە تېنگ مى؟" دېب سۇرەگنيدە، ساتوۋچى اونىنگ قۇلىدن اوشلب، بورچكەدىگى، تېلفون غرەلەرگە اۋخشش يانمە – يان اوچتە اتاقچەنى كۈرسەيتىپ، جدا لطف و نزاكت بىلن:

– بى افنديم، ايلبىسە لرى نىزى بنە بورە دە كىندىنيزە ياپىنگ، دېدى! شوندە ساتوۋچى نىنگ مقصىدىنى او يېردەگىلەر چلە – چولپىق انگىلب يا انگلەمەى سۇزىگە كولىب يىباردىلار. كولىلر حالىگى اۋرتاغىمىزگە يمان تېگدى چاغى. او اچىنىپ:

– هە، بو يرەمس نىنگ قۇلىدن مېن اېندى سىزلەرگە مسخرە بۇلدىم مى؟ دېب، قرنىگە قۇلىنى قۇيىپ: مەن كۈزلرىنگىزنى يىخشى كتە اچىپ كۈرىنگلر، كىندىگىم يايىق – كو، دېدى!

شوندە تىلماچ ققىردب كولىب يىباردى. اونگە قۇشلىپ بشقە لر ھەم بىلىپ – بىلمىس قاە – قاهلب كولىلر.

بو كولىلر اۋرتاغىمىزنى تابارە عىبانى قىلىپ، غوت – غوتلب تىلى نىنگ تگىدە بىرنىمە لر دېب، برچە مېزنى سۇكىدى، شىكىللى!

شوندە تىلماچ سېكىن او كىشى گە يقىن بارىپ:

– استاذ، توشونماۋچىلىك بۇلدى، چاغى. ساتوۋچى سىزگە "كىندىگىنيزنى ياپىنگ!" دېگنى يۇق. او، مەن شو مېدە اتاقچە كىرىپ، اۋز اېگىنىگىزگە كيىم نى كيىپ، برابر قىلىپ كۈرىنگ، دېدى.

بو سۇزنى اېشىتىپ، ھەم عىبلرى ترەنگ بولگن اۋرتاغىمىز و ھەم بىزلر يەنە يورەك نىنگ تگىدن كولىب يىباردىك...! بوندە "اۋزىنگىز" مەناسىدەگى "كىندىنيز" دېگن توركچە سۇزنى استاذ اۋرتاغىمىز "كىندىگىز" شكىلدە اېشىتىپ، توشىنگن اېكن و بشقە لەرگە كولىگى بۇلگن اېكن!

قىسقەسى، اتاقچەلرنى ساتوۋچى كۈرسىتىشى بىلن اق، بىردن برچە لر گوررە اتاقچە لر تمان يوگوردىلار. هر كىم نىنگ قۇلىدە بىر يا ايكيته كيىم، ايرىم لرنىنگ يىلكە سىگە پىتلون تىلگن اېدى! خودى اتاقچەلر قاچىپ كېتەدىگاندىك، عادىمىزگە كۈرە ھەمە شاشىلىپ، بىرىنچى بۇلىپ اتاقچەگە كىرماقچى اېدى. ختى بىرىگە ايكى كىشى بىردن كىرماقچى بۇلگندە، ايكە سى تار اېشىگىدە اوشلىپ قالىپ، كىرالمەى تورگن اېدىلر!

ھر بىر اتاقچە قرشى سىدە در حال ۴ – ۵ كىشى تۇپلىنىپ، نوبتدە تورىپ قالدىلار. اولر، خودى قىتىق تىشاپ توتىپ، صبرسىزلىك بىلن تىشاپ اۋلىگە بىطاقىت بۇلىپ تورگن اۋمىلردىك، بىطاقىت بۇلىپ، قىمىرلب تورگن اېدىلر! بو جريانە قىزىق واقە لر يوز بېردى:

* تشقىرىدە تورگن كىشىلر چىدم سىز بۇلىپ، كېتمە – كېت اتاقچە لرنىنگ اېشىگى نى خودى نمرەلى حماملارنىنگ حمامچى لرىدىك برماق لرى بىلن تىقىللىتىپ يا ھەم اچىكرىدەگى اۋرتاقلرىگە بقىرىپ، تېزراق چىقىش گە اوندردىلر! شوباعىت، اتاقچەلر اۋلىدە ھياھو كۇپ اېدى!

* اتاقچە لردن بىرى نىنگ يانيدە ھياھو و اعتراض كۈچەيدى. معلوم بۇلىشىچە، بىر كىشى ۱۵ – ۲۰ دىققە اۋتىپ ھەم، اتاقچەدن چىقمەى تورگن اېمىش! بيروقت اچىكرىدەگى كىشى عادىگىنە و ساووق قانلىك بىلن چىقىدى. شوندە بشقەلر اعتراض بىلدىرىپ:

– نىمە اوچون ھەمە نى معطل قىلىپ، اچىكرىگە مونچە قالىپ كېتىنگىز؟ دېسە لر. او كىشى:

– اي، نمازىم قضا بولمىسەن دېيىپ، اتاچەدە نمازنى اۇقىپ الدېم، دېدى!

بىشە بىر كىشى ايسە قۇلىدە بىر كرتى و يىلكە سىگە پتولنى، نمازنى قە يېردە اۇقىسم بۇلە دى؟ دېيىپ او – بۇدون سۇرەب يورگن اېدى!

* اتاچە نىنگ الدېگە كوتىب تورگنلردن بىرى نىنگ صبر كاسەسى تۇلىپ، بىرچە نىنگ كۇز اۇنگىدە، اۇشە يېردە تىلگن كىيملرنى كىيىپ الدى!

* بو صحنە نىنگ تماشاسى توگەمسەن، قرەسك اورتاغلر يىمىزدن بىرى، يىنگى كىيملرنى اۇز كىيملرنى چىقارمىسەن اوستىدن كىيىپ، الدېمىزگە تاپىلىپ كېلدى! او بىزلردن:

– قەلە، شو جانىم گە برابر مى؟ دېيىپ سۇرەدى.

قرەسك، كىيلىگن يىنگى خوشدۇخت كىيىم، اززانچە غىجىملىنىپ، چىنلر عياللر نىنگ چىنلى دامن يا چادرلردىن ھەم كۇپراق اېدى. بېچارە كىيىم بدنېگە يىغىلپ تورگن اېدى! او كىشى گە نىمە ھەم دېرايىدىك. فقط اۇزىنغىزنى آيينە دە بىر كۇرىنگ! دېيىپ اۇزىمىزنى قوتقۇردىك!

* آيينە نىنگ الدېدە ھەم تاشا زۇر و قىزىقلىق اېدى. قىنداق دېگەندە، قىندام آيينە نىنگ كىتەلىگى گە قرەمەي، بىردىنگە ۸ – ۱۰ كىشى اونىنگ قرشى سىگە بارىپ تورگنلر يەدە، بېچارە آيينە ادملردن لىققە تۇلىپ قاليدى!

ھېچكىم بىشە گە نوبت بېرماقچى اېمىسە. شو باغث، ھېچكىم اۇزى نىنگ بۇي – بىستى نى تۇلە لىگىچە كۇرالمىسە! آيينە دە فقط ۸ – ۱۰ تە باش كۇرىنەردى – خلاص! بىراق ادملر او بىرور بار دە حتى اۇزىنى ھەم آيينە دە تاپالمەي تورگن كىشىلر ھەم يۇق اېمىسە! شونىنگ اوچون، اتاچە دن سۇنگ گوجوم و غلە – غولەلى يېر آيينە نىنگ الدېگە برپا بۇلگن اېدى!

ھەمسفرلردن ايكى كىشى نىنگ گودە لرى اۋتە مېدە لىگى باغث، اولر نىنگ انداملرېگە تېنگ كىيىم ھېچ تاپىلمەدى. شۇنىنگ اوچون، ساتوويچىلر اولرنى بالەلر بۇلىمى گە يىباردىلر! قىزىغى شو بۇلدى كە، بالەلر بۇلىمىدە كىيىملر اولر نىنگ بدنېگە تېنگ كېلگن بۇلسە – دە؛ لېكن يېنگلر تۇغرى كېلمىس اېمىش.

بو اورتاقلر جدا ما يوس بۇلگنلر يەدە، بىز ايسە اولرگە بىر مصلحت بېرە مىز دېدىك.

– قىنداق مصلحت؟ دېيىپ سۇرەدىلر شاشىلىپ و قىزىقىپ.

– مصلحت شو كە، مادامى كە سىزلرگە تېنگ كىيىم تاپىلمىس اېكن، يىخشى سى شو كە، ايكەلەنگىز عيالنىگىز يا كە او كە لرىنگىزگە بىرەر نرسە تىلە، ساوغات االىپ بارىنگ، دېدىك!

بونى قرەنگ كە، بىزىنىگ بېرگن بو مصلحتىمىز اولرگە جدا معقول بۇلىپ، درحال بىرى عيالېگە و ايكىنچى بۇيداغى ايسە كىچكىنە سىنگلى سىگە چىرايلى كىيىملر تىلەدىلر!

قىسقىسە بىرچەمىز بىر – بىر سىدىرەمە درىشى يا بىشە كىيىم تىلەپ الدېك. ساتوويچى لرىنىگ كۇرستمەلرېگە كۇرە، حساب – كىتاب اوچون بىرىنچى قېتدەگى محاسبىلر قاشىگە باردىك. او يېردە بىرچە نىنگ كىيىم لرىدەگى نرخی يازىلگن قاغازنى قىزىقاپ االىپ، كىيىم نى جدا چىرايلى قىلىپ، مغازە نىنگ مخصوص خىلە لرىگە تىلەپ بېردىلر.

ھەركىم محاسبىدن ايشى توگىپ، تشقىرېگە مېزبانلر قاشىگە بارىپ تورردى. شۇندە عجابىب بىر سادە؛ لېكن كولگىلى واقە يوز بېردى. گپ شو كە، اورتاقلرىمىزدن بىرى خىلە گە تىلگن كىيىم لرىنى تشقىرېگە االىپ چىقىپ، اېندى بىزىنىگ يانىمىزگە يېتگن اېدى. شۇندە، محاسب قىزلردن بىرى كېلىپ اورتاغىمىزگە جدا نزاكت بىلن:

– سىزنىكى قىزىلمەي قالگن اېكن. اجازت بېرسىنگىز سىزنىكى نى قىرەي، دېدى!!

شۇندە، بعضى ھەلچى اورتاقلر پرخ اېتىپ كولدىلر و ايرىم لرى ھەم حالىگى قىز و اورتاغىمىز اۋيالمىسىنلر دېيىپ، كولگى لرىنى زۇرغە توتىپ توردىلر.

اورتاغىمىزنىنگ عصبلرى ترەنگ بۇلىپ، تىشلىرى گز – گز بۇلسە ھەم، بىراق قىزىنىنگ حضورىدە اورتاقلرېگە ھېچ نرسە دېالمەي، قىزگە خىلە نى توتدى. قىز ايسە چقان خىلەدن كىيىم نى چىقارېپ، حساب – كىتاب اوچون كېرەك بۇلگن قاغىنى قۇلىدەگى قىچى سى بىلن شىرتە كېسىپ الدى و "بى آقندىم، تشكر!" دېيىپ كېتىدى.

قىز اوزاقلىشگنى بىلن اق، ھزال اورتاقلرىمىزدن بىرى دۇستىمىزگە: – اكە سىزنىكى چلە كېسىلگن اېكن، مەنە او قىز اوستالىك بىلن كېسىپ كېتىدى، دېدى!

اندك رنج اورتاغىمىز بو قلتىس ھزلىنى اېشىتىپ، آغزىدىن كېلگن سۈكۈنچ لرنى ھمە گە تۈكۈپ ساچدى. بو تصادف واقعه و ھزل، سفرىمىزنىڭ آخىرگىچە كۈلگىلى ھادئە بۇلىپ قالدى...
برچەلرنىڭ ايشى توگب، ھوتلگە قىتماقچى بۇلدىك. كىم دىر برچە گە يۇلنى كېسىپ، اوتمانگە اۋتىش كېرەك دېدى. شۇندە برچە نىڭ قۇلىدە بىر - بىر خلتە، تۇپ بۇلىپ يۇلنى كېسىپ اۋتدىلر!
شۇندە تىلماچ يۇل نىڭ اوتمانىدە تاپىلىپ، قۇل اىماسى بىلن برچەنى اۋز قاشىگە چارلەدى. بىز مېمانلر گروھى يەنە تۇپ بۇلىپ، يۇلنى كېسىپ، اولگى يېرگە باردىك! او يېردە اېندى تورگىمىزدە، مېزبان تاپىلىپ، ھمەدن يەنە يۇلنى كېسىپ، اوتمانگە اۋتىشنى اىستەدى! بونى قرەنگ كە، مېمانلر تودەسى تىغىن سورولىپ، يۇلنى كېسىپ، اوتمانگە اۋتدىك!

۳۰ - ۳۵ كىشىلىك بىر تودە خلتە - پلتەلى آدملىرى نېچە قتله تۇپ بۇلىپ اوتمان - بوتمان اۋتگىنىنى آدملىر كۇرىپ، حىرت بىلن كوزتماقده اېدىلر! حتى يقىنىمىزدە تورگن بىر عىال نىڭ قىزچەسى، بىزلىرىنى كۇرستىپ، آنەسىدن:

- آنە جان، اونلر سوكاكده نە ياپيورلور؟ دېپ ھم سۇرردى...
ھە، عزيز اۋقوۋچىلر، آنە شۇنداق قىلىپ، بىز مېمانلر نىڭ ھر بىرىمىز بىر - بىر سىدىرە مە كىيىم ساوغات آلىپ، اېسان - امان ھوتلگە قىتدىك.
انقرە: ۲۰۰۸

مسافرلىك نمازلىرى

سفرده، ۳۰ كىشىلىك ھىأتىمىزنىڭ كۇپلىرى نمازخوان كىشىلر اېدى. اولر نىڭ بېش وقت نمازلىرى اكثر ترك بۇلمىدى. بولر ارە سىدە، اىنىقسە ايكى كىشى اۋتە صوفى و نمازگە بېرىلگن اېدىلر. بىز او كىشىلر نى حرمت يوزەسىدن، "مولانا"لر دېر اېدىك.

يىڭى يورتگە بارگىمىزنىڭ بىرىنچى كۈنىدە ايكلە مولانالر نمازنى ادا قىلىشدا شاشىلىپ، اۋزلىچە قىلەنى بېلگىلپ، نمازلىرىنى صدق دلەن ادا قىلدىلر. شۇندە اولر نى كۇرگن بىرتە - ايكىتە يۇلداشلىرىمىز:

- جناب مولانالر، سىزلر قىلەنى تۇغرى بېلگى لمېسىزلر، چاغى.
كېلەسىدە نمازلىرىڭىزنى مەنە بو تمانگە قرەب اۋقىنگلر، دېپ جاينمازنى ۹۰ درجە اۋنگ گە بورىدىلر!

مولانالر بىر - نېچە نمازنى سفرداشلىرىمىز كۇرسەتىپ بېرگن تمانگە مولجىلپ اۋقىدىلر. بىراق اولر نى مېزبانلردن بىرى كۇرىپ قالىپ، حىرت بىلن:

- آھاي مسافرلر، سىز نمازلىرىڭىزنى ھىنگى تمان ياپيورسونوز؟! دېپ سۇرەبىدى.

مولانالر اېسە، بىز نمازنى مەنە بوتمانگە اۋقىدىك، دېپ كۇرسەتتىدىلر! مېزبان اۋتە لطف و مېزبانلىك بىلن:

— بى افنديلر، بيزين قبلەيز بنە بويانە، دېب مولانالرينىڭ جاينمازلرينى ينە اۋنگ تمانگە ۹۰ درجە بورييدى - دە، كېين: بويورين بى افنديلر، شيمدى كندى نمازينىزى ياپينگ! دېدى او...
مولانالر قرەسەلر، اولرنيڭ بېلگىلنگن بيريڭچى قبلەلرى، مېزبان كۋرستگن قبلەدن بوتونلەي تېسكىرى بۇلېب، ۱۸۰ درجە فرقلى اېكن!...
ھرحالده، اولرنيڭ نيتى صاف و نمازلرى اېسە مكمل اېدى. بلکہ مېربان تېنگرى مولانالريميزنيڭ مسافرچىلىكدە، صدق دلدن تورلى تمانگە قرەب اۋقىلنگن نمازلرينى اۋز درگاھيدە قبول قىلگەي، آمين!
انقره: ۲۰۰۸

مخصوص شعر!

امير عمرخان نينگ "مخصوص" ردیفلى بير شعرى ولايتيميز نشریه لريدن بيريدە مشاعرە گە قۇيىلگن اېدى. شاعرلرينىڭ ايتگن شعرلرى نشریه دە چاپ اېتىلىپ، كېلگوسيدە بيرار تۋېلم تۈزۈش اوچون اولرنى مېن تۋېلر اېدىم.

عيال شاعرلريميزدن بيرى ھىم اوشبو مشاعرە گە قىتىشىپ، شعر يازگن دېب اېشىتتىم. بيراق نېگە دېر حالىگچە مېنگە يېتىپ كېلمەگن اېدى. تصادفگە كۈرە، بيركونى شاعرنيڭ اېرىنى بازاردە اوچرەتېپ، او كىشىگە:

خاتىنينگىز ايتگن شعرىنى مېنگە يىبارمەگن. ايتىڭ مېنگە تېزراق يىبارسين - دە، دېدىم.

قنداق شعر؟ دېب سۋرەدى شاعرنيڭ اېرى.

— اى "مخصوص" شعر! دېدىم.

شوندە او آدم نينگ كۈزلرى كتە آچىلىپ، چەرە سیدە حيرت و غضب بيلن ارە لش يمان اۋى حالتى تاپىلدى و شاشىلىپ:

— بو قنداق مخصوص شعر؟! دېب سۋرەدى، او اچىق بيلن.

مېن اېسە او كىشى نينگ آغير احوالگە توشگىنىنى سېزىپ:

— اى پريشان بۇلمىڭ، مشاعرە گە قۇيىلگن "مخصوص" ردیفلى شعر دېدىم!
شو بيلن او آدم بير آز تىنچىدى.

ایران سفری خاطره لریدن

قۇلوز درد كۇرمه سین!

هر بیر اولكه اۇزی نینگ ایریم جغرافی، تاریخی خصوصیتلری، عنعنه لری همده اولوسی نینگ عادتلری طفیلی سیاحلر و مسافرلرنینگ دقت-اعتبارینی اۇزیگه تارتهدی. اولرنینگ ایریملری حتی اۇشه اولكه یا اولوسی نینگ بېلگىسى گه ایلنهدی!

مېن ایران اولكه سیگه ایکی قتله سفر قیلیب، او اولكه و اولوسی حیاتی نینگ تورلی ترمالقلری و عادتلری بیلن انچه تانیش بۇلگتمن. ایرانلیکلرنینگ تورلی یخشی عادتلریدن بیرى، مسافرلرنی اۇزیگه جلب اېته دیگنی اولرنینگ کیشیلرگه نسبتاً نهایت درجه ده گى خوش امدگویلیک و شیرین زبالیکلری دیر. بو عجایب عادت شو درجه ده کۆپ و مبالغه لی دیر که، گاهیده اولرنینگ بو عادتینی کیشی تملق و چاپلوسلیک دېب توشونیشی ممکن!

هه شونداق. "قربانیز بۇله ی!"، "ارزیمه یدی!"، "قۇلوز درد كۇرمه سین!"، "چاکریز من!"، "بو اۇزینگیز نینگ مالیز!" کبی سۆزلرنی هر دایم و هرمورده ایشلته دیلر و سیز اېشیتته سیز! بو سۆزلر شونچه که عادیکینه یا فقط سیزگه تانیش بۇلگن کیشلر ارقه لی اېمس، بلکه هر بیر تاکسیچی، ساتووچی، مهماندار، گارسون و حتی متشخص کیشیلر تمانیدن هر لحظه ایتیلهدی!

منتدارچیلیک و تعارف سۆزلر اره سیده اېنگ کۆپ و هرمورده ایشلته دیگنی "قۇلوز درد كۇرمه سین!" عباره سی دیر. ایرانلیکلر اولرگه التفات قیلگن یا یاردم بیرگن هر بیر کیشیگه اۇز منتدارچیلیک لرنی کۆپینچه "قۇلوز درد كۇرمه سین!" عباره سی بیلن اظهار اېته دیلر.

بیراق مېن اوچون قیزیقرلیسی شو ابدی که التفات یا یاردم مادی می یا معنوی، قۇل بیلن می یا ایاق بیلن؛ کۆز می یا ذهن می، خلص نیمه ایکه بۇلسه، اولر شو عباره بیلن منتدارچیلیک بیلدیردیلر!

شونده مکتبه تاریخ کتابلریده اۇقیگن "طاهر ذوالیمینین" حقیده-گی نرسه اېسیمگه توشدی. "ذوالیمینین" لقبی اونگه شو اوچون بېریلگن اېکن که، او چپ قۇلی بیلن هم عیناً اۇنگ (یمین) قۇلی دېک قیلیچ ایشلته آلر اېکن. شوباعت اونگه "ذوالیمینین" یعنی "ایکی راست قۇلی" دېب لقب بېریلگن اېکن! بو بیلن "چپ قۇل" نینگ مهارت و فعالیتی هم "راست قۇل" نینگ حساییگه قۇییلگن!

ایرانلیکلر هم خودی شونداق قیلیب، کیشی نینگ تورلی التفات، یاردم یا یخشی مناسبتی قیسی یۇل، قیسی عضو بیلن بۇلگنیدن قطع نظر، اولر منتدارچیلیکلرنی فقط قۇلگه حواله قیلیب: "قۇلوز درد كۇرمه سین!" دېدییلر. مېن اۇزیم گواه بۇلگن بیر نېچه واقعه نی اېسله یمن:

ایرانلیک دوستلریمدن بیرى مېنى اۇز اویيگه مهمان قیلگن اېدی. مهمانوازلیک و تعارفلر بېحد کۆپ اېدی. اینیقسه یوقاریده اېسلنگن سۆزلر جدا کۆپ ایتیلدی و مېن ممنویت بیلن اېشیتدیم. مهماندار دوستیم بیلن ایلیق سۆزلیشيب اۇلتیرگنیمیزده، اتاق نینگ بیر چېتیده اونینگ کیچیک اوغلی درس لرینی تیارلر اۇلتیرگن اېدی. شو پیتده باله آته سیدن:

- آته جان ۷ گه ۷ نېچه بۇله دی؟ دېب سؤره دی.
- اۇغلیم ۴۹ بۇله دی! دېدی آته سی اۇلتیرگن اۇرنیدن.
- آته جان "قۇلوز درد كۇرمه سین!" دېب باله آته سیگه شیرینگینه منتدارچیلیک بیلدیردی!

بشقه بیر کون یشب تورگن هوتل نینگ قرشی سیده گی میدانلیکده بیر نېچه اۇسمیر باله فوتبال اۇینه ماقده اېدییلر. مېن بیر چیتده اولرنی کوزه تیپ تورگن اېدیم. شونده تېپیلگن تۇپ توسدن مېنینگ آلدیمگه کېلیب توشدی. باله لردن بیرى:

- آغا لطف اېتیپ اۇشه تۇپنی بیز تمان تېپینگ! دېب التماس قیلدی. مېن اېسه تۇپنی دقت بیلن تېپیب، عیناً التماس قیلگن باله نینگ یاغی آلدیگه اوزه تدمیم. لېکن یاغیم تاشگه تېگیب بیر آز آغریدی. شونده او باله:

- آغا "قۇلېز درد كۆرمەسېن!" دېيىپ مېتتدارچىلىك بىلدىردى!
 ھوتل نېنگ سالونىدە خادىملاردىن بىرى چوكىگە چىقىپ، دېۋارگە
 نقاشلىك بىر تابلونى آسماقچى اېدى. شۇندە او قرەب تورگن ھىكارىدن:
 - يىخشىلىپ قرە، تۇغرى آسىلىپ مى؟ دېيىپ سۇرەدى.
 ھىكارى اېسە يىخشى تىكىلىپ: ھە تۇغرى آسىلىدى! دېدى.
 شۇندە ھىكارى اونگە: "قۇلېنگ درد كۆرمەسېن!" دېيىپ مېتتدارچىلىك
 بىلدىردى!

بىشقە بىر قىتلە كىسرتدە خوانىدە اونىنگ آھىنگلىرىنى حوصلە بىلن
 اېشىتىگىلىرى اوچون برچە اېشىتوۋچىلرگە: "قۇلېز درد كۆرمەسېن!" دېيىپ
 مېتتدارچىلىك بىلدىرگىنىنى ھىم گواھ بۇلدىم...!
 ھە انە شۇنداق قىزىق و عجابىدە عادت!

بىراق مېن سىفرىم چاغىدە بىر قىتلە بو عادتتى بوزىلىشى و "قۇلېز درد
 كۆرمەسېن!" عبارە سى اۋرىنگە كوتىلمەگىدە بىشقە بىر عبارە نى اېشىتتىم:
 واقە شۇندىن عبارت كە، بىر كۈنى افغانىستانلىك اۋرتاغىم بېھراىدىن
 خان بىلن توشلىك قىلگىنى رىستورانلردىن بىرىگە چىققىن اېدىك. توشلىككە
 بلىق بېدىك. پۇلنى تۇللپ رىستوراندىن چىقەياتكىمىزدە مەمۇلگە كۆرە
 گارسون اېشىك يانىدە تۇرىپ:

- خوش كېلدىنكىز، "مەدەنگىز آغرىمەسېن!" دېيىپ قالدى!
 مېن ايرانلىكلەر عادتىگە تېسىكرى (خلاف) بو سۆزنى گارسوندىن
 اېشىتىپ حىرتلىدىم. اونگە تشكر دېيىپ، بىراق سىنچىكاولىك يۈزەسىدىن
 اوندن:

- او كە، مېن ھىردايم ھىرقىنداق مېتتدارچىلىك اوچون فقط "قۇلېز درد
 كۆرمەسېن!" دېگن عبارە نى سىزلردىن اېشىتىگىنم. بو قىتلە نېگە دايمىكى
 عبارە نى اىشلىتمەي، "مەدەنگىز آغرىمەسېن!" دېدىنكىز؟ دېيىپ سۇرەدىم.
 او اېسە:

- مېھمان كېچىرىنگ، حاضرگى يېگن بلىغىنكىز بىر آز وقتى اۋتىپ،
 بوزىلگىنراق اېدى. شۇنىنگ اوچون "مەدەنگىز آغرىمەسېن!" دېيىپ سىزلرگە
 ساغلىك آرزو قىلدىم-دە، دېدى!!!

سمنان (ايران)، ۱۱- قوس، ۱۳۸۹

وقتگە اعتبار بېرىنگ!

ياشلىك چاغلىرىمىزدە برچە نېنگ ساعتى يۇق اېدى. بىرار باى غايلە
 دە فقط غايلە باشلىغىدە ساعت بار اېدى و خلاص. كۇپلر حتى ساعت
 دېگن نرسە نى بىلىمس اېدىلر!

آدملر «قوياش قىچە كۈترىلىدى؟»؛ «دېۋارنىنىگ سايەسى
 قەيىردە تورگن؟»؛ «اذاننى ايتىلر مى؟» ... كىي سۇراقلر بىلن وقتىنى
 بىلىپ آلر اېدىلر. بىز مەكتەپكە جۇنش پىتىنى حوبلىمىزدەگى كىتە توت درخت
 تىنە سىنىنگ سايەسىدىن انىقلىپ آلر اېدىك.

مەن اېندى بوكونگە كېلىپ، بىلىم و تخنىك بركتىدىن مېدە يو كىتە
 آدملىردە تورلى ساعتلر بار. اېندى بۇلسە، ساعتسىز غايلە قالمەدى دېسك
 اصلا مبالغە بۇلمەيدى. آدملىرىنگ قۇل، چۇنتىك و بۇيىن لرىدىن آلىپ، مېز،
 المارى، تاقچە و دېۋارلرگچە تورلى - تومن ساعتلردىن لىق تۇلىپ قالدى!
 بىراق قىزىغى شو كە، آدملىر كۇيىنچە وقتىنى بېلگىلىشەدە حالى ھىم آۋارە
 بۇلىپ، اوندن - بوندن وقتىنى سۇرەپ يورىيىدىلر!

بىزنىنگ اويىمىزدە آتم اينىقسە وقتگە جدا كۇپ اھمىت بېرىپ،
 برچەنى شو عادتگە اوندەپ تورر اېدىلر. اينىقسە بىرارتەمىز بىر ايشىنى اۋز

– عايله ميزده اوچ كيشيده ساعت بار اېدى: آتم، مېن و سينگليم ده؛ لېكن شونداق بولسه هم، وقتنى بېلگيلشده اوييميزده دايم بقىر – چقىر و جنجال بوليب تورر و آتم اېسه هر دايمگى اعتراضلرنى بيلديريب، وقتگه اعتبار بېرىپ انقلاشگه تاكيدلر ايدلر.

- قۇلىنگىزىدەگى ساعىتلار بىلىمە دىم نىمە اوچون دىر اۋزى؟ اخىر ساعىت قۇلىنگىزىدە بۇلە تورىپ، نېگە آنەنگىزنى خىر قىلمەدىنگىز؟ دېپ بىزگە اچىق قىلدىلار.

شۇندە آنەمىز:

– نیمه قیلہی، خاتین؟

- یخشے

کونلر اؤتیب، آشخانه دن ینه بیر - نیچه قتله آنم نینگ اعتراضلی
تاووشلری جیقدی و او - بودن ساعتی سؤه دیر!

– آنەجان، قۇلىنگىزدەگى ساعىتگە قرەسنگىز بۇلمەيدى مى؟ دېسك،
 او كىشى ساعىتىنى گاه ياتاقىدە، گاه تشنابىدە اونوتوب، گاهىدە ھىم بطرىسى
 توگب قالگىنىنى ايتدىلر. خىص او كىشى نىنگ قۇللىرىگە ساعىت بۇلە تورىب
 ھىم، آشخانەدە وقتى بېلگىش مسألەسى پرابىلم بۇلىب، قزان ھىم گاه –
 گاهىدە كويىب تورردى!

بشقە كۈنى آتم نىنگ تاووشلىرى ياتاقلىرىدىن اېشىتىلدى. او كىشى بازارگە كىتماقچى بولۇپ:

يىراق اۆيدەگىلەر تلۈزىيون ۋە سىمىت بىلەن بىر ئۆيىگە، ئۇ كىشى نىنگ سىمىنى كىشى ئىشەتمەيدۇ.

- آتەسى نېگە مونچە بقىرەسىز، چۈتگىزدەگى ساعىتگە قرەسنىگىز بۇلمەيدى مى؟ دايم اونى موقت، اۇشنگە قرەب وقتنى بېلگىلەردىنگىز - كو! دىدىلر.

شونده میں ساعتی اتم گہ ایتی:

- آتە جان، ساعتىن گىزنى وقت - وقتىدە كۆك قىلىپ تورسنگىز، آوارە بۇلمەيسىز، دىدىم!

- یخشے، فکر، دبدیم!

اۋشە كۈنى كېچىقرون آتم بازاردن اۋزلىرى بىلن بىر ساعىت كېلتىرىپ،
اتاقلرى نىنگ دىوارىگە آسىپ قۇيدىلر!

بشقە بىر كۈنى تلويزيون قۇيىلگن اتاقدن ئىم بىلن سىنگىلىم نىنگ تاووشلىرى چىقىپ، سېۋىب كۈرەدىگن سىراللىرى نىنگ ۱۰ دىققەسى ئۈتۈپ قالگىدىن فرىادلىرى فلەككە يېتىپ باردى!

مەلۇم بۇلىشىچە، اىكلەلرى نىنگ ساعىتلىرى قۇللرىگە بۇلمەگىلىگى اوچون، سىرال نىنگ باشلىنىش وقتىدىن خىرسىز قالگن اېمىشلر! شۇندە سىنگىلىم ئىمگە:

– ئىم جان، بۇنداق بۇلسە بىز ھىر كۈنى سىراللىرىمىزنى ئۈز وقتىدە كۇرالمەى قالەمىز – كۇ! دېدى.

– ئۇندە قۇنداق قىلەيلىك، قىزىم؟

– شۇ ئۇيدە بىر تە ساعىت ئسىب قۇيەيلىك!

– كۇپ يىخشى فەكر!

اېر تەسى بازاردن بىر تە ساعىت كېلتىرىلىپ، تلويزيون قۇيىلگن اتاق نىنگ دېۋارىگە ئسىلدى! بىراق كۇپ ئۈتمەى، ساعىت نىنگ گاه بىرىسى توگى، گاه بوزىلگن لىگى سىبىلى سىراللىرىنىڭ وقتى ئۈتۈپ، يىنە بقىر – چقىر توغدىرىدى. شۇندە، ئىم بىلن سىنگىلىم ئىم نى عىنئ تلويزيون نىنگ ئوستىگە قۇيىلەدىگن بىر تە ساعىت ساتىپ ئلىشكە كۇندىردىلر! بىر كۈنى اېر تەلب اوكم دەلىزدن، ساعىت قىچە بۇلىدى؟ دېب سۇرەدى.

مېن اېسە ئۇنگە ساعىتنى ايتىپ، قۇلىنگىدەگى ساعىتىنگىگە نېگە باقمەىسن؟ دېب سۇرەدىم.

– ساعىتىم نىنگ بىرىسى توگىدى، دېب جۋاب بېردى.

كېىن ئۇ: دەلىزگە ھىم بىر ساعىت ئسىب قۇيىمىسك بۇلمەيدى شىكىللى، دېدى كولىم سىرەب!

مېن ئۇنىڭ سۇزى شۇنچە كە ھىز دېب، پىروا قىلمەدىم؛ بىراق كېچقرون ايشدن قىتىپ، دەلىزگە كىرىپ قىرەسم، دېۋارىگە بىر تە ساعىت ئسىلىپ قۇيىلگن اېكن!

ھە دۇستلر، كۇنلر ئۈتۈپ، ساعىتلر سانى كۇپەيىپ بارردى. مېھمانخانىە نىنگ دېۋارى، مىزى، المارىسى، بىرچە ياتاقلر و طعام سىرلەندىگن اتاقدە تورلى مەل و كۇرىنىشەگى ساعىتلر كېلتىرىلىپ ئسىلدى، ئۇرتىلىدى و قۇيىلدى!

بىر كېچەسى بىرچە عايلە اعضاءسى جىمەلجىمە بۇلىپ تلويزيون كۇرىپ ئۇلتىرگىمىزدە، توستىدن تلويزيون نطاقى وقتىنى اعلان قىلدى. شۇندە ئىم چۇنتىك ساعىتلىرىنى سېكىن چىقىرىپ قىرەب، كېىن مېندىن ساعىتىنگ قىچە؟ دېب سۇرەدىلر.

مېن اېسە ساعىتنى اېتىم، قىرەنگ كە تلويزيون اعلان قىلگن وقت بىلن تۇغرى اېمىس اېكن!

شۇندە ئىم كولىم سىرەب:

– مە ساعىت دېگن بۇنداق بۇلەدى، ئۇغلىم! تلويزيون بىلن بى –

بىر، دېب ساعىتلىرىنى كۇرستىدىلر. كېىن شۇ سۇراقنى بشقەلردىن ھىم نوبىت مە – نوبىت سۇرەدىلر. بۇنى قىرەنگ كە ئىم، سىنگىلىم، اوكلەرىم و حتى كە دېۋاردەگى و تلويزيون ئوستىدەگى ساعىتلىرىنىڭ بىرارتەسى ھىم تلويزيون اعلان قىلگن وقت ئۇياققە تورسىن، اىكىتەسى بىر – بىرىگە تۇغرى اېمىس اېدى!

شۇندە ئىم نىنگ اچىقلىرى قوزغىپ، يىنە بىرچەنى ملامەت قىلە باشلپ: – بۇ قۇنداق ھال؟! نېگە بىرتىنگ ساعىتىنگىزنى اېلىپ، تۇغرى يورىتەلمەىسىزىلر؟ نېگە وقتىگە ھىچ اھمىت بېرمەىسىزىلر؟ اخىر «وقت آقر درىا» دېدىلر – كۇ و سىزىلر بىر دىققە وقت نىنگ ارزىشىنى بىلە سىزىلر مى، ئۇزى؟ دېدىلر. شۇندە اوكم:

– بۇ ساعىتلىرىنىڭ كۇپلىرى «ىكبار استعمال» دېدى و بالتىلرىنىڭ ھىم كۇپلىرى بىل و ىرەمس، دېب قۇشىمچە قىلدى!

بىرچەدىن اىلگىرى ئىم: تۇپە – تۇغرى ايتە سىن بالىم. باشلىرىدىن قاسىن بۇ ساعىتلىرى و بالتىلرى. ھەمە سىنى بىر يوتسىن، فقط آدملىرىنى الدەيدى، دېب اوكم نىنگ سۇزىنى تصدىقلەدىلر!...

ساعىتلىرىنىڭ بىرىسى يا بوزىلگىلرى نىنگ تۈزە تىلىشى ھىم عايلوى خىرلر اوچون ئىچە مېلغىنى تىشكىل بېردى. خدانىڭ بېرگىن كۈنى ئىم، مېن يا اوكم بازارگە چىقەياتگىمىزدە البتە كە بىر يا اىكىتە بوزۇق ساعىتنى تۈزەتىش اوچون يا كە يىنگى بالتى تىشلىش اوچون ساعىتسازگە ئلىپ كېتر اېدىك. شۇنىڭدېك، ھىر بىرىمىز ئۇيگە قىتىشە دېۋارى و سىمىزى ساعىتلر اوچون ھىم مىدە يا كە بالتىلر ساتىپ ئلىپ كېلر اېدىك!

اېندى قىزىغى شو بۇلدى كە، عايلە مىزدە شونچە تورلى ساعتلر قۇللر، دېوارلر، مىزلر، الماريلر و حتى كە بۇيىن و چۇنتكلردە بۇلە تورىب، وقت نىنگ ناينقلىگى، سرياللر و خبرلر نىنگ اۈز وقتىدە كۇرىلمسلىگى، قزان نىنگ تگى كويىشى، او - بونىنگ ايش يا كە مکتبدن كېچىكىب قالىشى و ھركىم او - بونى ساعتنى سۇرەشى كىي واقەلر ھركونگى واقە صفتىدە ھمىشە جنجال و بقىر - چقىر توغدىرىب تورردى. آتم اېسە عادتگە كۇرە، اوزولوكسىز اعتراضلر قىلىپ:

- آى بالەلر، سىزلرگە قنچە ايتەى. اېسلەى - اېسلەى تىلىم ساچ چىقردى - كو! بو اويده بالاخرە وقت نىنگ اھمىتى و سوودېك اۋتىب كېتىشىنى بىرارتىگىز توشونەسىزلر مى، يۇق مى؟ كۇزىم اچىق بۇلگىنىدە سىزلر نىنگ وقت قدرىگە يېتىب، اونگە اعتبار بېرىشىنىگىزنى كۇرر اپكن من مى يا كە بو ارماننى اۈزىم بىلن گۇرگە آلىب كېتەمن مى؟ دېب، حسرت و قىغۇ بىلن سۇزلر اېدىلر. اويده گىلر اېسە بېمالال ھركونگىدېك جىم گىنە اېشىتە بېردىلر...!!

كابل - قىش ۱۳۸۶

بالە نىنگ رايى گە بارىنگ!

«بالە عزيز، ادبى اوندن ھىم عزيز» دېگنلر دانا خلقىمىز. چىندن ھىم بالەلر تربىەسى و اۋستىرىلىشى ھىر بىر عايلە نىنگ مھىم بورچى و تشويشى دىر. آدمىلر بو مسالەدە تورلى يۇل - يۇرىقلرنى قوللەيدىلر. ايرىم آتە - آنەلر بالەلرگە نسبتاً قتيق قۇل بۇلىپ، كېزى (وقتى) كېلگندە اولرنى اونچە-مونچە فعالىتلرگە اېرك (اختيار، اېركىنلىك) بېرمەيدىلر. ايرىملرى اېسە اولرنىنگ آزگىنە ناچۇيە ايشلرىگە ھىم چىدالمەى، تورلى تىبىەلر بېرىپ، حتى اورماقدن ھىم تايىمەيدىلر. بىرعدەلر، اينىقسە ضيالىلر كۇپراقى علمى و زمانوى اۋىلب، بالەنى علمى و پىداگوژىك يىنگى اصوللر گە بناء اۋستىرىش و ارداقلشنى افضل بىلەدىلر.

مېنىنگ تۇرت فرزندىم بار. اوچ قىز و بىر تە كېنجەسى اۋغىل. عايلەمىزدە اساسى مسالە كېنجەتاي اۋغلىمىز بېكتاش جاننى ارداقلب، تربىەلش دىر. او اېندى اوچنى تۇلدىرىپ، تۇرت ياشگە قدم قۇيدى. عايلە اعضالىرى اونى كۇپراق اېركەلتىگنلرى باعث، بېكتاش جان جدا اينجىق و اېركە بۇلىپ اۋسگن. اينىقسە، او اوچ وقت طعام يېتىدە تورلى اينجىقلىك و بېھانەلر قىلىپ، آنەسى و بشقەلرنى جدا ھىم قىينەيدى.

او، دسترخوان اوستىگە اينجىقلىك قىلىپ، بار ھىرنىنى كۇرستەدى و يېمكىدن باش تارتەدى. آنەسى و بشقەلر يلىنىپ - يالۋاىب ھىرگىل (دفعە) بىر عذابلر بىلن اونگە نان يېدىرەدىلر. آلدىگە سوت قۇيسەلر، قىماق

دېدى؛ قىماق قۇيسەلەر، اۈنى يېمەى حلوا تېلەيدى؛ آلدېگە حلوا كېلتىرسەلەر، اۈنى سۈرىپ، مېيز سۈرەيدى....!

شۇ باغ، گاھى آنەسى اۈنىڭ بۇنداق اينجىقلىق لىگە چىدالمەى، اۈنگە تېبە بېرەدى؛ بوغنەيدى و كېزى كېلگەندە حتى اورەدى. بىراق، بو نرسەلەر اۈنگە تائىر قىلمەى، اينجىقلىق و اۈجلىگى آرتىپ بارەدى.

يخشى اېسىمدە، بىر جىمە كۈنى تۈشە دسترخۋان اۈستىگە تۈشلىكەن سۇڭ قاۋون سۈيىپ، كېلتىردىلەر. بېكتاش جان اېسە قاۋوننى سۈرىپ تىلەپ، المە تېلەدى. آنەسى اۈنگە المە بېردى؛ بىراق اۈنى يېمەى، اۈزۈم يېمەن دېدى؛ آپەسى بارىپ، بىر آۈزۈم يۈيۈپ بېرسە، اۈزۈمگە تېلمۈرىپ قەرب، ياغى بىلەن سۈرىپ، يۇق اۈزۈم اۈستەمەيەن، دېدى و يىغلەى باشلەدى!!

مېن اېسە اۈنگە: اۈغلىم نېمە اۈستەيسەن؟ دېسەم، اۈ ايندەمەى يېرگە تېلمۈرىپ، بىر نېمەلەرنى اۈيلىپ اۈتماقچى اېدى شىكىللى!

شۇندە آنەسىنىڭ طاقى طاق بۇلىپ:

- يېسەن، يې، يېمەسەن بېرەتە اورەمەن، باشىڭ تېرەزدەى آتلىپ كېتسەن، دېدى!

شۇندە بېكتاش «كەرگە اېشىتتىر، كۈرگە تۈتتىر» دېگەنلەيدىك، بىردىنە تېرەزنى اېشىتىپ، تېرەز يېمەن دېپ، بار تاۋۇشىنى چىقەرىپ، يېرنى تېپكىلەپ يىغلەدى!!

اۈيلىشەمچە، اۈ مېن سۈرەگەن پىتدە خالى يېمەكلەردەن بىرەر نرسەنى اېسلەى آلمەگەن اېدى و شۇباغ، «تېرەز» نى اېشىتەن زەھاتى «تېرەز» دېپ، اۈستەدى!!

افسوس كە اۈيدە تېرەز يۇق اېدى. كېم دېر اۈنگە:

- بېكتاش جان، اۈيدە تېرەز يۇق اېكەن، مەن قاۋون، المە، اۈزۈم و ... شۇلەردەن يېسەن بۇلمەيدى مې؟ دېدى.

بېكتاش تېرەز يۇقلىگەننى بىلىپ، تابارە ياغىنى تېرەب آلىپ، تېرەز ... تېرەز يېمەن دېپ، يېرنى تېپكىلەپ يىغلەى بېردى!

شۇندە آنەسى و بىشەلەرنى اچىغى كېلىپ، اۈنى اورىشە بېردىلەر. مېنىڭ اۈرتەگە تۈشىپ، بېكتاشنى كۈندىرىش و بىشەلەرنى تېنچىتىش گە

قۇرىم يېتەمدەى. خۇدى شۇنداق بېر - چقىر و بىرچەنىڭ عىبلەرى تەنگ بۇلگەن بىر پىتدە اېشىكەن كېم دېر تېلىتدى.

قىزەلەن بىرى تېزدە اېشىكە باردى و كۇپ اۈتمەى، آبەسى داکتەر جالار بىلەن بىز اۈلتىرگەن اۈيگە كېرىپ كېلدىلەر.

اۈكەم داکتەر جالار، روانى كىلىكەر بۇيىچە يېتەك تېرەلەى مەخسەس دېر. اۈ بىزەر بىلەن سەلام شىپ - سۈرەشىپ، دسترخۋان يانېگە اۈلتىردى و بىر آۈزۈننى اۈنگەلەپ:

- ھە، يەنە نېمە بېر - چقىر؟ دېپ سۈرەدى.

شۇندە خاتىنەم اچىق اۈستىگە بۇلگەنلىگى باغ بىرچەنەن آلدەن، دەرۈ:

- نېمە بۇلەردى داکتەر جان، ھەمە جىئال مەن شۇ يېر يۈتگۈر جىنەنگىز بېكتاش نىڭ قۇلەن. بىر كۈن ھەم تېنچىكەنەن نان - آشىنى يېمەيدى. دايم اينجىقلىق قىلەدى. قىيىنەسەك، اورسەك ھەم اۈنگە ھېچ تائىر قىلمەيدى. خدانىڭ بېرگەن كۈنى دسترخۋان اۈستىگە خالىمىز شۇ!

داكتەر يىگە سىنىڭ بو سۇزەرنى يىشىلەپ اېشىتىپ، باسقىلىق بىلەن: - بالە بىلەن اچىق و قىشلىق قىلمەنگەر دېپ، سىزەرگە كۇپ قتەلە

اۈتەنمەن. بو ايشلەر بالەگە يمان تائىر قىلىپ، اۈنى تارتىنچاق، تابارە اينجىق و اۈجەر قىلەدى. اۈنىڭ زەھنى و استەدەى ھەم يخشى اۈسمەيدى، دېدى.

داكتەر بىر يۈتەلەپ، تەماغىنى ساقەلەپ، بېكتاشگە مەر بىلەن كۈيەمسىرە - ب باقىپ قۇيدى و بىرچەمىزگە قەرەتە سۇزەرنى شۇنداق دوام بېردى:

- ھەمە اېشىتسەن! يخشىسى شۇ كە روانشاسلىق علمى و تېرەلە لىگە كۈرە، بالەنىڭ رايىگە بارىنگەر؛ خاھلەگەن نرسە سىنى بىرىنگەر؛

اۈنى ھېچ بىر كەمچىلىك سىز، اېرەن تېرە - لىنگەر و ھەردايم اۈ بىلەن بىر آدم سەقتىدە يخشى و يۈمشاق مەاملە قىلىنگەر!

شۇندە خاتىنەم چىدالمەى، داکتەرنىڭ سۇزەرنى تۈگەشى بىلەن اق اچىق بىلەن:

- بو جۈانەرگە بۇگىرنىڭ اۈستەلەرى و اينجىقلىقلەرنى نىڭ اداغى يۇق، قۇلەن جەنەم بۇغزىمگە يېتەدى! دېدى.

- مەن، سىز اۈنىڭ كۈز اۈنگىدە يەنە اۈنگە قۇپال (دەشت، قىتەق) كېرىپ، اۈندەن ناراضىلىق بىلدۈردىڭىز. بو يخشى اۈش اېمەس - دە!

- خىر قىداق قىلەي بو قىيمە بۆلمە گورنىنىڭ قۇلىدىن؟! خىر، بىر
 وقتىنىڭ ئۈزىدە اوچ - تۇرت نرسە بېرىنگلر دېب، تورىب آلەدى. آخرى
 ھىم يېمەي، فقط بشقەلرنى آوارە و سىرسان قىلەدى!
 - نېمە فرقى بار، حوصلە قىلىپ، آيتگىنىنى آلدېگە قۇيىنگلر! يېسە
 يېيىدى، يېمەسە كۈتۈرۈپ، بىر ياققە آلىپ قۇيەسىزلر!
 - قىزىق سىز - داكتىر جان! قنچە و قچانگچە حوصلە؟! مەنە سىزىنىڭ
 ايتگىنىڭىزنى قىلىپ، اونى ھەر ايشىدە اېركىن قۇيىدىك. بىلەسىزىمى نېمەلر
 بۇلدى؟ ھە، رادىو تايپىنى اېشىگىنى آچىپ - ياپىپ، آچىپ - ياپىپ، آخرى
 سىندىردى؛ تلوزىيون نىنىڭ كاناللىرىنى ايزچىل (دوامدار) و كېتە - كېت
 ئۈزگۈتۈرۈپ، اونى شونچە ھىم اوچىرىپ، ياقىدى كە حالىگچە بېش قىتلە
 تلوزىيونىسازگە آلىپ بارىلگن؛ اوى نىنىڭ اىچىدە تۇپ ئۈيىپ، اوچتە شىشە،
 بىرتە كىتە آيىنە و قنچە ايدىش - تىباقلرنى سىندىردى؛ قاشق - سىنچقى
 (پنچە) دېگن نرسە نىنىڭ نامىنى قۇيەدى؛ شامپولرنى سىل نىنىڭ سوويگە
 آغىردى؛ او آقشام بىر پاكىت تۈزى قزان نىنىڭ آشىگە تۈكۈپ، ھەمەنى
 كۈرشم قىلدى؛ مېن بىلن آپەلرېگە بېزەش اوچون بېزەك دېگن نرسەنى
 ھېچ ھىم قالدېرمەگن! خىر، بشقە مېدە - چۈيدە بوزمە كارلىكلرنى ايتىمىم
 ھىم بۇلەدى!!

داكتىر يىنگەسىنى چىدىملى و مېرەبان بۇلىشگە چارلىپ، بالەلر
 روانىشاسلىك علمىگە كۈرە، بو قىلىنگن بوزمە كارلىكلرنىڭ بىرچەسى بالە -
 نىنىڭ كىچىكلىكى و سېزگىرلىگىدىن كېلىپ چىققن دېب، اولرنى
 معقوللەدى و ھرقنچە مادى ضرر يېتكۈزۈلگن بۇلسە ھىم پرواسى يۇق و
 بېكتاش جان نىنىڭ تېرىيەسى، ذھنى و آنكى نىنىڭ يىخشى و نورمال
 ئۈسۈشگە جىدا مۇثر و حتى كە كۆپ كېرەك دېب ايتىدى! داكتىر، اونگە
 تېگىمىگ و مانە بۇلمىنگلر، قۇيىنگلر نېمە قىلسە، قىلەبېرسىن. اونىڭ
 تېرىيەسى اوچون اونچە - مونچە مادى ضررلرنىڭ ھېچ اھمىتى يۇق دېب،
 تاكىدلەدى!!

بو جىرياندە، بېكتاش جان يىغىسىنى تۇختەتەپ، حىرت بىلن گاه
 آنەسى و گاه آبەسى داكتىرنىڭ آغىزلىرىگە تېلمۈرىپ، قرەماقدە اېدى!
 شۈندە خاتىنىم: ھى، داكتىر جان جىدا ھىم قىزىق سىز و قىزىق سۆزلر
 ايتەسىز - دە. بو گېلرېنگىز خارچىلرنىڭ چىقىرگن نرسەلرى و ئۈشەلرنىڭ

بالەلرى اوچون. بىزلرنىڭ چۈرپەلرېمىز و عادىلرېمىزگە تۇغرى كېلمەيدى،
 دېب اونگە بىرر يېمىك تيارلش اوچون ئشېزخانە گە كېتىدى و داكتىر مېنگە
 يۈزلىنىپ:

- اكە، بو نرسە گە ئۈزىنگىز تۈجە قىلىنگ. بېكتاش جان
 خواھلەيدىگن نرسەلرنى اويگە كېلتىرىپ، قۇيىنگ. يېگىنى آلدېدە، يېمىگىنى
 آرتىدە بۇلسىن. دايم اونىڭ رايىگە بارىپ، او بىلن صىمىمى معاملە قىلىنگلر
 و اويدە اونى اېركىن قۇيىنگلر. بارىپ - بارىپ قرەب سىزلر كە، او كۈزى
 تۇق، ذھنى ئۆتكىر و معقول بۇلىپ ئۈسىيىدى، دېدى.

ھە، عزيز ئۇقۇچىلر، ئۈشە كۈندىن باشلپ داكتىرنىڭ سۆزلرىگە جىدى
 عمل قىلىپ، اويدە گېلرگە بېكتاش نىنىڭ رايىگە بارىپ، ھىردايم او بىلن
 يىخشى و يوشاق معاملە قىلىشلىرىنى بويوردىم. بېكتاش نىنىڭ آيتگن
 سۆزى، سۆز بۇلىپ، بىرلىمەي قالمىسىن؛ آغىزدىن چىققن نرسە مېيا
 تورسىن؛ ھەر ايش قىلسە كىشى مانە بۇلمەسىن، دېب ايتىدىم. داكتىرنىڭ
 علمى و روانىشاسلىك توصىلرېگە كۈرە، آلدىدىن تورلى ھۇل - قوروق
 مېو - چېوېلر، كانىسولر، كېك و كىچەلر، تورلى حلوا، شىرىنلىك و
 مېرالىرنى آز - آز كېلتىرىپ، قۇيىدىك!

بېكتاش نىنىڭ اوچ وقت دسترخوانى خودى كىتە شكۈھلى
 ضىافتلرنىڭ دسترخوانى دېك، تورلى يېمىك و اىچمىكلر بىلن لىق تۇلر
 اېدى. بىراق بونگە قرەمەي كۈنلر ئۈتۈپ، او يىگى - يىگى يېمىكلر و
 اىچمىكلرنى ئۈيىلپ تاپردى و بىزلردىن تىلردى! بىز اېسە داكتىرنىڭ مەتود و
 توصىيەسىگە كۈرە، اولرنى بازاردىن كېلتىرىپ قۇيىدىك. بارىپ - بارىپ
 يىخچال، تاقچەلر، المارېلر و مېزلرنىڭ اىچى و اوستى بېكتاش نىنىڭ
 نرسەلردىن تۇلىپ كېتىدى. بولرنى يىغىشتىرىپ، تىرتىيگە سالىش اوچون
 اونگە غلىحدە بىر المارى آلىشگە مېجور بۇلدىك. يىخچالدا ھىم نرسەلر
 سىغمەي قالىپ، اونگە بىرتە مېدە راق يىخچال ھىم آلدېك!

بو بىلن بىز داكتىرنىڭ سۆزىگە عمل قىلىپ، بېكتاش نىنىڭ رايىگە
 بارىپ، اونى يىخشى و زمانوى تېرىيەلشگە حرىك قىلدىك. چىندىن ھىم
 داكتىر ايتىگىدېك، بېكتاش نىنىڭ ذھنى جىدا ئۆتكىر بۇلىپ ئۈسدى. چۈنكە
 دسترخوان اوستىگە ئۇنلپ خىلمە - خىل يېمىك و اىچمىكلرنى تېرىپ
 قۇيگىنىمىزدە، او بىر قرەشدا نېمە يۇقلىگىنى سېزىپ، دراۋ ئۈشەنى تىلردى!

داكترنينگ بو اصولى، بېكتاش جان نينگ اۋتكير ذهنلى، كۈزى تۇق و نهايت سېزگير و سېنچكاو بۇلىب اۋسگنيدن تشقري، خاتينيم نينگ آيتيشچە بيز اوچون بشقە بير عجايب يخشى تمانى هم بار اېميش. يعنى اگر اوييميزگە كوتيلمگندە مېمان كېلىپ قالسە، اويدەگيلر گۇشت، مېوہ — چېوہ و او — بو نرسە يۇق دېب، تشويشگە توشيب، بازارگە آوارە و سرسان بۇلمس اېكلر؛ چونكە بولر نينگ برچەسى بېكتاش جان نينگ المارى و يخچاليدە ليق تۇلىپ يانگن بۇلر اېميش!!

هە عزيز اۋقووچيلر! اېندى بۇلسە خاتينيم، داکتر اصولى اساسيدە اۋغليميز نينگ اۋتكير ذهنلى و سېزگير بۇلىپ اۋسگنيدى قوم — قرينداشلر و دوگانەلرگە هم كۈز — كۈز (ايچى كۈي) قىلىپ كۈرستيش مقصددە كتە ضيافت اويوشتيريب، همە سيني چارلەماقچى! ضيافتدە او، البتە كە اولر نينگ كۈز اۋنگيدە بېكتاش جان اوستيدن سيناو اۋتكزيب، مېمانلر نينگ آغيزىنى لنگ آچتيريب قالديرماقچى اېميش...!!

كابل — عقرب ۱۳۸۵

بيركونى دسترخوانگە كۈز تېكىپ، بيسكويت يېيىم دېدى. مېن اېسە بيسكويت بار دير، قرە دېديم. او يۇق دېب، بيسكويت اېستەدى. چيندن هم مېن و آنەسى دسترخوان اوستيدەگى برچە نرسەلرنى كۈرپ چىقسك، بيسكويت يۇق اېكن و الماريدە اونوتيلگن اېكن!

مېن بيلن آنەسى شونچە محتلريميز و قىلەدېگن خرچلريميزگە قرەمەى اونينگ اۋتكير ذهنلى ليگينى كۈرپ آفرين دېب، يورەگيميز قووانچ و غروردن تۇلدى! حتى بيركونى بېكتاشنى سېنب كۈردىك. يعنى دسترخوان اوستيگە آنەسى برچە نرسەلرنى تېرىپ قۇيىپ، فقط بال (عسل) نينگ بۇتلىنى اتەيلىپ (قصداً) قۇيمەدى.

ايشانەسىزىمى، ايشانەسى سيزىمى، بېكتاش جان دسترخوان اوستيگە كېلىپ اۋلتيرگن زھاتى، دسترخوان اوستيگە تېرىپ قۇيىلگن نرسەلرنى بير نظر دىن اۋتكردى — دە، كۈزلرى تېلمورپ قالدى! شونداق حالتدە او ينە نيمەنى دير يۇقلىگينى يېقب، اۋشە نرسەنى اېستشيني بيز عايلە اعضالرى اېندى يخشى بېلىپ آلگن اېدىك. چيندن هم، او درحال بال (عسل) يېيىم دېب، اينجىقلىك قىلەباشلەدى!!

مېن بيلن آنەسى سيناويميز موفقيتلى اۋتگنيدن بېحد خرسند و راضى بۇلىپ، داکتر نينگ علمى و روانشناسلىك اصوليگە قايىل قالىپ، تنالر ايتدىك! آنەسى درحال بال نينگ بۇتلىنى بېكتاش نينگ المارى سيدن كېلتيريب، آلدېگە قۇيدى.

بېز بونداق سيناو (امتحان)لرنى بير — نېچە قتله موفقيتلى اۋتكزيب، اېندى بو سيناونى آبەسى داکتر جلاير حضوريدە هم اۋتكزماقچى بۇلدىك! شو مقصددە، بير جمعه كونى اوكم داکتر جلايرنى اوييميزگە چارلەدىك. اونگە موضوعنى آيتىپ، بېكتاش اوستيدن سيناو اۋتكزيش اوچون دسترخوان اوستيگە پير و بادامنى قۇيمەدىك. بيلەسىزىمى، بېكتاش اۋتە سېزگيرلىك و سېنچكاوليک بيلن بير قرەشده دسترخوان اوستيگە اۋشە نرسەلر يۇقلىگينى سېزيب، «پير» و «بادام» يېيىم دېبە باشلەدى!!

بېز اېسە قووانچ و غرور بيلن داکترگە باقدىك و او بۇلسە تريه اصولى جدا يخشى عملگە آشيب، كۈنگولدهگيدېك نتيجه بېرگنيدن بېزلردن هم كۈپراق خرسند بۇلدى! او، سيناونى كوزەتيب، اۋز راضى ليگينى بيلدىردى و ايشنى شو يۈسيندە دوام اېتتيريشيميزنى تاكيدلەدى!

ياز فصلى نىنگ اېنگ ايسىق كونلريدن بيريدە ايشدن كېلىپ، تۇغرى سلقين اولردن بيرىگە كىرىپ، چۈزىلىپ ياتدىم. ھنوز اويقو غلبە قىلمەگن اېدى كە كوتىلمەگندە ايكى - اوچ ياشلى كېنجەتاي اۋغىلچەم اېشىكىنى آچىپ، مېن تمان كېلەبېردى. اېگنيدە فقط بير كلتە كۈيلكچەسى بار - خلاص! مېن اېسە، قنى بو كېنجەتاي اۋغىلچە نىمە قىلراېكن دېب، اۋزىمنى اويقوگە سالدېم. او اېسە، استە - سېكىن، آتە - آتە دېب، مېن تمان كېلەبېردى. مېن جىمگىنە ياتەبېردىم. او، بلندراق آتە دېب، قىچقىردى؛ لېكن سىناونى اۋتكزىش اوچون قىمىرلەمەى آرام ياتىشدىن اۋزگە علاجىم يۇق اېدى. بالە اياغىمنى قۇلچەسى بىلن قىمىرلىتىپ، آتە دېب، قىچقىرە بېردى. بىراق، مېندىن ھېچ بير حركت كۈرمەگچ، باش تمانىم گە كېلىپ اۋلتىردى و قۇلچەلرى بىلن يوزلرىمنى سىلەى باشلەدى. مېن اېسە ھمان حركتسىز ياترا اېدىم. بالە بو حالنى كۈرىپ، قولاغىمنى چۈزىشگە باشلەپ، كىچكىنە برماقلىرى بىلن اىچىنى ھم كالور اېدى! بو ايشنى نېچە بار تىكرارلەپ، شو بىلن بيرگە آتە دېب، مېنى اويغاتىشگە اورىنر اېدى. بالە بو ايشىدىن نتيجه آلەمەگچ، برماقچە سىنى آغزىمگە تىقىپ، لىلرىمنى جىرىپ آچدى. شو جرياندا، او برماقچەسىنى گاه بورنىمگە و گاه آغزىمگە نوبت بىلن تىقىپ، چىقىر اېدى. و شو بىلن بيرگە آتە - آتە دېب، مېنى اويغاتماقچى بۇلر اېدى! اونىنگ بو ايشى مېنگە قنچەلر ياقىمىسىز و جىركىچ بۇلسە ھم، «سىناو» نىنگ اداغى نىمە بىلن توگشىنى بىلىشىم اوچون، تىنچ و حركتسىز چىدەپ ياتدىم.

بارە - بارە بالەنىنگ طاقتى تاق بۇلدى شىكىللى. او عىبانى طرزە برماغىنى كۈزىمگە سوقىپ اونى زۇرغە آچماقچى بۇلدى. بىراق، مېن اونىنگ بو ايشلىرىگە ھم چىدەپ، اصلا حركت قىلمەدېم. شۇندە، بالە كۇپراق عىبانى بۇلىپ، اچىق بىلن يوزىمگە شىپلاق اورە باشلەدى. او مېندىن ىنە ھېچ قندەى حركت كۈرمەگچ، ايكە قۇلچەسى بىلن يوزىمگە قىتق - قىتق اورىپ، شو بىلن بيرگە آتە - آتە دېب، يىغلەى باشلەدى. بو حالت مېن اوچون قنچەلر آغىر و چىدمسىز بۇلسە ھم، تىشنى تىشگە باسىپ، قنى آخرى نىمە بۇلر اېكن دېب، چىدەپ ياتدىم. بالەگە مېنىنگ آغىر اويقوم تىملىسىز بۇلدى و او شىپلاق بىلن بيرگە اېندى يوزىمگە تۇلشنى ھم باشلەدى و بلند سېس بىلن يىغلىشگە دوام بېردى!

سىناو!

بالە لر ذاتاً اۋىچن و كىچكاو بۇلىپ، ھر نرسە و حادثەگە قىزىقىپ، نىمەلىگىنى بىلماقچى بۇلەدىلر. ھر بالە، توجەسىنى اۋزىگە تارتىگن نرسە نى قۇلگە كىرىتىش اوچون يا كە بىرار واقەنىنگ حقيقتىنى اۋزىچە كشف ايتىش اوچون جدا كۇپ ايتىلەدى و حركت قىلەدى. چنانكە بالە نىنگ قۇلدىن توشىپ، جىرنگىل سىنگن شىشە يا چىنى بويوم (شى، نرسە)، اونىنگ بشقەلرىنى ھم كېت مە - كېت سىندىرىپ، جىرنگىل چىققن سېسىدىن ذوقلەنىپ، خرسند بۇلگىنىنى كۇپلرىمىز كۈرگىمىز.

بىزنىنگ اويىمىزدە نېچە آيدىن بېرى يېتىگن بويوملرنى كۇپلەپ دفعە مېمانلرنىنگ بالەلرى تاپگىنى و شو بىلن بيرگە ىنە بير - قنچە نرسەلرنى ىنگىدىن يۇقاتىگىنى بىزنى ھم خرسند و ھم عىن زماندە خفە قىلىپ قۇيگن حالتلىرى كۇپ يوز بېرگن!

مېن اۋزىم اۋقۇتوۋچى بۇلگىنىم اوچون، بالەلرنىنگ تورلى حركت و قىلىقلىرىنى ھمىشە كۈزەتىپ بارەمن و حتى گاهىدە بعضى بير سىناولر ھم اۋتكزىپ تورەمن. مېن، سىناولرىم جىريانىدە كۇپلەپ قىزىقلى حادثە لرگە دوچ كېلىپ، قىمتلى تجربەلر و يوتوقلرگە ھم ابرىشگن من دېسم، اصلا مبالغە اېمس. منە شىخسا اۋزىم اۋتكزگن عجاىب سىناولردن بىرىنى سىزلرگە حكايت قىلماقچىم.

باله، تورلى تومن برچه اورينيش لريدن نتيجه آلمه گچ، عصبانيت بيلن اۋرنيدن توردى - ده، يوزيمگه تيك باقىب، گودەسىنى تۈپە - تۇغرى يوزيمگه برابر قىلدى. او اېندى قۇلچەسى بيلن اېتگىنى كۈترىب، يوزيمگه نيمە دير قىلماقچى بۇلگىنى سېزدىم! شۇندە دراۋ اۋرنىمدن توريىب، اۋنى قوچىپ آلدىم و بغيريمگه مەر بيلن قتيق باسىب، برکه الله اۋغليم دېب، يوزلرىنى اۋپدىم....

مزارشريف - جدى ۱۳۸۴ ش.

آنت ايچمىسلىككە آنت ايچگن قىشلاقلىكلر!

"كۈكلمتو" قىشلاغى يشاۋچىلرى نىنگ برچه افتخارلرى، ھېچ قچان آنت ايچمىسلىك لرى اېدى. اولر اوشبو عجايب عادتلىرىنى دايم اۋزگە لرگە كۈز - كۈز قىلىپ، شو بيلن فخرلنىپ يورردىلر. نيمە بۇلدى يو قىشلاق نىنگ چارىقل آتلى بير يشاۋچىسى قنداق دير بير جنجالگە يۇلىقىپ، ماجرا محكمە گچە يېتىپ باردى. محكمە نىنگ قرارىگە كۈرە چارىقل اكە محكمە گە بارىپ، آنت (قسم) ايچىشى كېرەك بۇلدى!

بېچارە چارىقل اكە محكمە گە چقىرىلدى. اونىنگ بير - قنچە قىشلاقداشلىرى ھىم او بيلن بيرگە قۇشلىپ كېلىپ، محكمە اېشىگى قرشى سىدە تۈپ بۇلىپ توردىلر. چارىقل اكە قاضى نىنگ حضورىگە كىرر اېكن، قىشلاقداشلىرى اونگە:

- او چارىقل، ينە آنت ايچىپ بىز قىشلاقداشلىرىنگ يوزىنى يېرگە قرەتمەگىن! دېب قولايگە اۋقتىردىلر.

چارىقل اكە اېسە محكمە گە كىرىپ كېتىدى. قىرىب يىرىم ساعتلر اۋتىپ، نھايت او محكمەدن چىقىپ، اۋنى صبرسىزلىك بيلن كوتىپ تورگن قىشلاقداشلىرى قاشىگە كېلدى.

شۇندە قىشلاقداشلىرى تشويش بيلن:

- ھە چارىقل، نيمە بۇلدى؟ دېب سۈرە دىلر شاشىلىپ.

چارىقل اېسە ايلجە يىب:

- اې برادرلر، ھېچ نرسە اېمس اېكن. بولرنىنگ آنت ايچگنلرى ھىم

خودى اۋزىمىزنىنگ دايم ايتىپ يورگن "الله - باله" ميز اېكن، دېب جواب بېرىدى!!

بالەلىك شۇخلىكلرى

كونلر نىنگ بىرىدە ياشلىك دورىنى اۆتكىزىپ، كېكسەلىك دورىنى سورىپ يورگىن، نېرە - چېرەلى بىر - نېچە اورتاقلار چاپخانه دەگى منجە اوستىگە چاى ايچىپ، گورىنگلشىپ اۆلتىرگىن اېدىك. شۇندە، ايشانقل بوبە خرى سېسى بىلن:

- بو نېرەلر نىنگ شۇخلىكلرى و تۇپالانلرى ھم جانگە تېگىپ كېتدى. بىر كون ھم اولر نىنگ قۇلىدىن اويدە تىنچىم يۇق، - دېب شكوہ قىلە باشلەدى.

شۇندە تۇختە باى: ايشانقل بوبە! بالەلىك - دە. بالە دېگن اۋىنەيدى؛ يوگورەدى؛ شۇخلىك قىلەدى - دە. "بالە بۇلسە شۇخ بۇلسىن، شۇخ بۇلمسە يۇخ (يۇق) بۇلسىن" دېگن نقلنى اېشىتمەگن سىزىمى! دېدى. كېين او اۋرنىدە بىر آز قوزغىلىپ، قتيق بىر يۇتەلدى و تماق يۇلىنى صافلىپ، سۇزىگە دوام اېتدى:

- آيرىم خارچ كۆرگنلر نىنگ آيتىشلىرىچە، شۇخلىك - تۇپالان قىلمەى، تىنچىگىنە اۆلتىرەدىگن بالەلرنى كسل دېب، داکترگە آلىپ بارىپ، اولرنى گۇيا دۆالب شۇخ قىلر اېمىشلر!!

اۆلتىرگنلر نىنگ بىر - ايكىتەسى اېسە، يا توبە! دېب قۇيدىلر.

تۇختە باى نىنگ سۇزى توگشى بىلن، بۇرى ارباب دېدى:

- اورتاقلر! «ياشلىك، بېباشلىك» دېگنلر. ياشلىكدە نىمەلر بۇلمەيدى،

نې - نې ماجرالر يوز بېرمەيدى دېيسىز! اۋزىمىز ھم ياشلىكدە شۇخلىك نىنگ كىمىنى قۇيمەگنمىز - اخىر. منە، اۋزىم تۇختە باى بىلن كۆچە نىنگ دېوارىدەگى آرى (زىبور) لر اۋىەسىگە توپراق اورىپ، يا كە اۋىە سىنى لاي

شۇوب، بېركىتىپ قۇير اېدىك. كېين، آرلر كۆچەدن اۆتىپ - قېتەياتگن آدملىرى چاقىپ، اذيت قىلگىنىنى نەدن تورىپ، مزە قىلىپ تاماشا قىلدېك! منە، عصا بىلن قلىتيرەپ، زۇرغە بو يېرگە كېلىپ، «گناھ سىز موسىچە» دېك اۆلتىرگن بالتە باىدى بو حالىگە قرەمىگ. بو، بالەلىگىدە اىگنەنى تېشىگىدىن اۆتىپ، بورگە نىنگ كوتىنى ھۋادە داغلىگن كۆچە مىزىنىگ اېنگ شۇخ و شوم بالەلرىدىن اېدى. او، "تېككن گە تېگىپ، تېگمەگنگە بىر كېسك آتر اېدى!" دايم بىز بالەلر تۇپلىنىپ، دېوار تگىدە آشىق اۋىنپ اۆلتىرگندە، بو شوملىك قىلىپ، تام اوستىدىن بىزلىرىنىگ اوستىمىزگە بىر سطل سوو قوير اېدى! شۇنداق اېمس مى، بالتە باى!؟

بالتە باى اېسە، ايندەمەى فقط آزگىنە اىلجەيىپ قۇيدى.

تۇختە باى: اى اېسىس ياشلىك! بو شۇخلىكلر نىنگ برچەسى بىزلر اوچون اۋتە لذتلى و مراقلى اېدى. يەرلنىش، آغرىق و حتى اۋلىمدن ھم قۇرقىمىس اېدىك. كتەلر نىنگ "قىمە - قۇيمە" لرىنى اېشىتەدىگن بىرارتە قولاغ نىنگ اۋزى يۇق اېدى!

شۇندە، بۇرى ارباب مېن تمان باقىپ، معلم اكە سىز نىمە اوچون ايندەمەى اۆلتىرىپسىز؟ نىمە، سىز بالەلىكنى اۆتكىمەى، شۇخلىك قىلمەگنسىز مى؟! سىز ھم بىرار نىمە دېنگ، اخىر! دېدى.

مېن اېسە بىر لحظەدە ياشلىك زمانىگە قېتىپ، اونىنگ آچىق - چوچوك خاطەرلر دېنگىزىگە چۇمىپ كېتگن اېكىمن. بۇرى ارباب نىنگ سېسى مېنى اۋشە چوچوك خياللردن توسىدىن چىقىردى. مېن اېسە سېسكىنىپ، نىمە دېدىنگىز؟ دېب سۇرەدىم.

- سىز ھم ياشلىك پىتلىرىنگىزدن بىرار قىزىقلىرى خاطرەلر نىنگىزدن آيتىنگ - چى، اېشىتەيلىك!

- سۇزلرىنگىزگە يوزگە يوز قۇشلىمەن! بالەلىك دورى شۇخلىكسىز، تۇپالانسىز بۇلمەيدى. كتەلر تمانىدىن قنچەلر مانعلىك بۇلىپ، تىببە بېرىلسە ھم، بالەلر برى بىر شۇخلىك، اۋىين و تۇپالان قىلەدىلر. مېنىمچە بو نرسە، بالەلر نىنگ طبعىى حقلىرى دىر!

لېكن، شخسا اۋزىم بالەلىكدە قنچەلر شۇخلىك و تۇپالان قىلىپ، تېنگداشلىرىم و اۋىينداشلىرىمنى ھزل قىلىپ، آزار بېرماقچى بۇلگن بۇلىم

هم، بىراق كۆپىنچە ئۆز قىلمىشىم نىنگ جزاسىگە اوچرەب، يا كلتك يېگنمن يا هم ضرر كۆرگنمن!

– قنى، بىرارتە سىنى حكاية قىلىنگ، اېشىته يلىك – چى!

– حكاية قىلەدىگن واقعه مېنىنگ ۱۰ – ۱۲ ياشلىگىم كىزلىرىدە يوز

بېرگن و سېچىسى هم ئۆزىم اېدىم.

گپ شوکه، بىر كۈنى مېن و اکم نىنگ سنجر ناملى ۶ – ۷ ياشىر
اۋغلى بىرگە بازاردن اويگە كېلەياتگن اېدىك. شۈندە، نېمە بۇلدى – يو
مېەمدە شىطنت و شۇخلىك قىلىش خىالى تاپىلىپ، سنجرنى آلدەب
جۆرتماقچى بۇلدىم. چۈتتگىمدە پۇل قۇيەدىگن چىرايلى رنگلى پلاستىكدن
يىسلگن قېچىغىم و ايچىدە ايسە ايلر دوامىدە خرچىمدن تىجب، يىغىپ
قۇيگن ۵۰ افغانى پوليم بار اېدى.

او زمانلردە ۵۰ افغانى كتە پۇل اېدى و اونگە حتى بىرتە قۇى ساتىپ
آلسە هم بۇلردى. نېمە سىنى آيتە سىز، او پىتلرنى سوو آلىپ كېتدى!

خۇب اصل قصە اېسىمدن چىقمەسىن. مېن قېچىقنى سېكىن
چۈتتگىمدن چىقىرىپ، سنجرگە سېزدىرمەى اونى ۸ – ۱۰ متر ايلگرى راققە
تشلەدىم و ھېچ نېمە بۇلمەگندېك ايكلمەيز يېلكە مە – يېلكە يۇل باسىپ
كېتە بېردىك.

توپراققە باتىپ ياتگن قېچىققە چمەسى ايكى – اوچ آدىم قالگندە،
مېن يۇگورىپ بارىپ اونى يېردن آلدىم و «تاپدىم! تاپدىم!» دېب، سنجرگە
قرەتە «ايچى كۇى» طرزەدە آيتە بېردىم.

موضوعدن بېخبر سنجر ايسە حىرت و ذوق بىلن آلدىمگە كېلىپ:

– نېمە تاپدىنگ؟ قنى كۇرست، نېمەدى؟! دېب سىنچىكاولىك بىلن

كېتەمە – كېت سۇرەى بېردى.

مېن ايسە اونىنگ ذوق و حسرتىنى تابارە تحريكلىش اوچون قېچىق
نىنگ توپراغىنى پۇفلپ، آرئىپ، قۇلىمنى ھواگە بلند كۇتريب:

– مەن بىر قېچىق تۇلە پۇل تاپدىم دېب، سنجرگە كۇرستە بېردىم.

سنجر ايسە اۋتە ذوق و ھىجان بىلن مېنگە آسىلىپ، تىرمشپ، قندەى
بۇلسە هم قېچىقنى قۇلىمدن آلىپ، ايچىدن خبردار بۇلماقچى اېدى!

مېن ايسە اونى جۆرەتىش اوچون قېچىققە قۇلىنى تېگىزگنى قويمس

اېدىم. سنجر بىر مدت تالاشىپ، زارلىپ، دېدى:

– اكە جان، ايچىنى آچ بىر كۇرەى، نېمە بار اېكن؟ دېب يلىندى.

مېن ايسە اونى يەنە بىرآز آزار بېرىش مقصدە ھزل صحنەسىنى دوام

بېرىپ:

– بو مېنىكى، بونى ئۆزىم تاپدىم دېب، سنجرنى كۇپراق ذوقلنتىردىم!

نھايت بىرآز تىرت و كش و يلىنگندن سۇنگ، سنجرنى مېندن اوزاق

تورىپ كۇرىشگە كۇندىردىم و سېكىن قېچىق نىنگ چىسپىگىنى آچىپ،

ايچىدن كۇزنى قىمىشتىرەدىگن بىر – نېچە تە يىنگى شۇقىلمە قاغاز پۇلنى

چىقىرىپ، اونگە كۇز – كۇز قىلىپ كۇرستىدىم.

ھە دۇستلر، پۇللرنى كۇرستىدىم و بلاگە قالدىم! يعنى سنجر نىنگ

كۇزى پۇللرگە توشگن زھاتى خودى ارباغ اورگندېك، بىردىنگە مېن تمان

يۇگورىپ:

– بو پۇللر مېنىكى، اولرنى مېنگە بېر، دېب جانىمگە شۇلىكدېك

ياپىشىپ آلدى!

مېن، اوليدە اونىنگ بو ايشىنى عادى اۋىلپ، يەنە پۇل و قېچىق نى

اوشلگن قۇلىمنى بلند كۇتريب، اونگە «ايچى كۇى» قىلە بېردىم! بىراق

قرەسم، مسالە مېن اۋىلەگنچە شۇنچە كە شۇخلىك و ھزل اېمس، بلكە

سنجر جديت و تىرىشقاقلىك بىلن حقيقتاً هم پۇللرگە اېگە بۇلماقچى!

شۇ باعث، مېندن انكار و سنجردن اصرار بۇلىپ، بىر – بىرىمىز بىلن

ازانچە تارتىشىپ، تالاشىپ؛ ايكلمەيز يېرگە يىقىلىپ، يۇمەلب، بوتون اوست

– باشىمىز توپراققە بولندى. اېندى ھزل ماجراسى كېسكىن توس آلىپ،

سنجر پۇلگە اېگە بۇلىشگە جزم قىلىپ، يىغلب مېنگە محكم ترمشپ آلگن

اېدى.

ئۆز ھزلىم طفىلى ناچار احوالە قالگن مېن بېچارە اېندى پۇل نىنگ

يىرىمىنى سنجرگە بېرىشگە كۇنگن بۇلسم هم، بىراق سنجر بونگە كۇنمس

اېدى!

ھە دۇستلر، او اېندى پۇل نىنگ شۇنچە كە يىرىمىگە اېمس، بلكە

ھمە سىگە دىواگر بۇلىپ چىقدى!!

شۈندە مېن آچىق و عصبانيت بىلن سنجرنى قىتق سىلتىپ، ئۆزىمدن

اوزاقلشتىرسىم، او يەنە قوتۇرەگن آرى (زىبور) يا كە ايت كى جانىمگە

يوگوريب كېلدى. اونى بىر شىپلاق اوريش و بېرگە يىقىتىش نە يلغوز
فايدەسى بۆلمەدى، بلكە اونى تابارە اوجر (سرکش) و عصبانى قىلدى.

اېندى او شونچەلر غضبلىنىپ، اوجر بۆلگن اېدى كە، مېن:

- مە باشىنگى يېسىن، پول نىنگ ھەمەسى سېنىكى دېب، اونگە
بېرىپ، كېين بىر عمللب آلرمن دېب، اونگە راضىلىك بىلدىرسەم ھەم،
بىلەسىز مى نىمە دېدى؟!

ھە، او يىغلب، قطعيت بىلن پول بىلن قېچىغىم گە ھەم دىواگر بۆلىپ
چىقتى!!

توتون (دود) باشىمدىن چىقتى، اېندى بونىسى آشيب كېتدى. بونى
قرەنگ كە ايلگرى او مېنگە يلىنىپ، يالوارىپ يىغلب پول سۈرەگن بۆلسە -
دە، اېندى «باشگە توشگىنى كۆز تەرتەر» دېگن لرىدېك، مېن اونگە يلىنىپ
- زارلىنىپ:

- خوب او كە جان، مېن سېن بىلن شونچە كە ھزل قىلدىم، قېچىقنى
تاپگىنىم يۇق، او اۋزىمنىكى دېسەم، او:

- يۇق يلغان آيتە سن. او كۆچەدە توشىپ ياتگن اېدى. اونى اول
مېن كۆردىم، اولرنى مېنگە بېر، دېب توريپ آلدى!!

- يۇق اونداق اېمىس، خدا اورسىن كە اۋزىمنىكى، اونى سېنى آزار
بېرىش اوچون كۆزىنگىنى چپ قىلىپ، تىشلەگن اېدىم!

- يۇق، يلغان. قېچىق و پوللر مېنىكى!!

شونداق قىلىپ، يۇل بۇيى اويىمىزگچە سىنجرگە يلىنگىلرېم و
يالوارگىلرېم، اونىنگ فكرينى اۋزگرتيرالمەدى و يىغىسى و اصرارى
تۇختمەدى. نہايت، ايكلمىز سۈكىشىپ، تالاشىپ توپراقلرگە بولەنىپ،
اويگە يېتىپ باردىك.

حويلىمىزنىنگ كتە اېشىگىدىن كىرگن زھاتى، حويلى نىنگ ميدانىدە
تورگن اكم داملا صاحب بىلن دوچ كېلدىك. سىنجر آتەسىنى كۆرىپ اق
بىردن يىغى سىنى نېچە برابر كوچىتيرىپ، آتەسىگە گۇيا مېن اونى اوريپ،
قۇلىدىن زۇرغە قېچىق و پوللرىنى آلگن اېمىشمن، دېب آيتدى!

شوندە، داملا اكم ھەم نىمە اوچون دىر اويىدەگىلر اوستىدىن غضبلىنىپ،
عصبانى بۆلىپ تورگن اېكنلر شىكىللى، اوستىگە - اوستىك كېنچەتاي اېر كە
اۋغىللىرى سىنجرنىنگ زارلىنىپ يىغلەگىنىنى كۆرىپ، دراۋ مېنى قاشلىرىگە

چقىرىپ، سۈرەمى - نېتمەى اول قولايغىمنى يىخى چۆزىپ، بىر شىپلاق
يوزىمگە توشىردىلر. كېين قۇلىمدىن قېچىقنى تارتىپ آلىپ:

- كتە - مە آدم بۆلىپ، مىدە بالەنى يىغلەتىپ، قۇلىدىن پولىنى

آلىشگە اويالمەيسن مى، دېب اونى توتىلمى سىنجرگە بېردىلر!!

سىنجر اېسە قېچىق بىلن پولنى آلگچ، مېن تمان ايلجەيىپ قرەب،
كېين اىچكرى حويلىگە قووناق يوگورىپ كېتدى. مېن اېسە قۇلىدىن
تربوزى توشىپ كېتگن كىشى دېك، توبەمگە تېەنىپ، يورەگىم تۇلىپ،
يىغلەگۈدېك بۆلىپ، بىراۋ بىلن بشقە بونداق اچىق عاقبتلى ھزل
قىلمىسلىككە آنت اىچدىم.

كابل - ۱۳۸۵

قىلەلردىلر! چۈنكى اوخلاب ياتگن يا كە اعتناسىز تورگن حيوانلارنى قۇزغەتەش و تورغەزىشگە ھېچ ھىم قۇرلرى يېتمەي تورگن اېدى!

بىز قفسدەگى حيوانلارنىڭ قىمىرلەمەي ياتگىنىنى كۆرىپ، يان قفس تەمىگە باردىك. بو قفسدە اۋرمانلر و برچە حيوانلر سلطانى ارسلان باراېدى. ايلگىرىگى قفسدەگى حيوانلر كىي ارسلان ھىم زېرىككن يا چرچەگن مىكن، قفس نىڭ اۋرتەسىدە اوزونەسىگە چۈزىلىپ ياتگن اېدى. اونىڭ بىر قۇلى يانيدە چۇزىق خالده و ايكىنچىسى اېسە قولاغى نىڭ اوستىگە قۇيىلگن اېدى. بو خالده، ارسلان اۋرمانلر نىڭ تورلى بقىر — چقىرلارنى اېشىتمىلىك اوچون قۇلى بىلن قولاغىنى ياپگندېك تويولردى، كىشى نظرىدە! بىراق ارسلان، ارسلان — دە. «ارسلان نىڭ اۋلىگى، سىچقان نىڭ تىرىگىدىن يىشى» دېگن لىرىدېك، او، اۋشە خالده ھىم جدا ھىيىتلى و صلابتلى كۆرىنردى.

ارسلان نىڭ تېگرەگى تورلى بويوملر (ياغاچلر، مىدە تاشلر، غىچىملىگن كاغلر، اېچىملىكلرنىڭ مىدە — كتە پلاستىك بۇتللرى و ...) دن لىق تۇلە اېدى. شو زھاتى باغ نىڭ قىرى بىر خىزمەتچىسى يانمىزگە تاپىلىپ كېلدى. اوندن:

— آتە، بو ارسلان بېچارە نىڭ تېگرەگى نېگە مونچە افلاس؟ تازەلەب قۇيسىڭىزلر بۇلمەيدىمى؟ دېب سۇرەدەيم.

قىرى خىزمەتچى نىڭ يورەگى تۇلىپ كېتكن اېكن. شونىڭ اوچون:

— اي اوكم، ھركون اېرتەلەب تازەلەيمىز؛ لېكن بو اۋرمانلر او بېچارەنى قۇيرىگە قۇيمەي، ھر نرسەنى اونگە ايتىپ، قفس اچىدە او تەمان — بو تەمان يورىپ، بۇ بىستىنى كۆرسىتىشگە مجبور قىلماقچى بۇلەدىلر! قىمە — قۇيمەنى نە بالەلر اېشىتەدى و نە ھىم كتە — مە اۋرمانلر! تۇغرىسىنى ايتسىم، بو بېچارە ارسلانگە قۇشلىپ بىز خىزمەتچىلر ھىم بېزار بۇلگەنمىز! دېدى.

مېن اېسە بو سۇزلارنى اېشىتىپ، بالەلرىم نىڭ مىللرىگە قىرەمەي، ارسلاننى تەماشى قىلىشدىن واز كېچىپ، بىشە قفسلر تەمىگە كېتىدىك.

قىشقىمىزدەگى قفس، بوتون مەتلر، اېرتكلر و داستانلردە مەمىرلىك و ادمچىلىككە دانگ ترەتكەن تولىكلرنىكى اېدى. قفسدەگى تولىكلر نېگە دىر اۋزىپ كېتكەن و دۇملرى اېسە پىتق بۇلىپ قالگەن اېدى. بىراق، اولر قفس

حيوانلر باغىدە

بالەلرىم نىڭ يىلىپ — يالوارىشلرى طفىلى اولارنى بىر جەمە كۈنى حيوانلر باغىگە اۋىپ باردىم. اۋشە كۈنى بىزدن بىشە كۇپلەب عابىلە لىر ھىم اۋز بالەلرىنى اۋىپ كېلگەن اېدىلر. بوندن تىشقىرى، بىشە ولايتلردن ھىم اۋرمانلر كېلگەن شۇنداققەنە كۆرۈنىپ تورگن اېدى.

بىزلر ھىم خۇدى بىر بويوك مەزە دەگى وىترىنلر و رفلردە چىرايلى قىلىپ تېرىلىپ قۇيىلگەن رەنگ مە — رەنگ نرسە لىرىنى كۆزدن كېچىرىپ بارگندېك، قىتار قفسلردەگى تورلى حيوانلر، قوشلر و سودرەلووچى جانورلارنى بىرىن — كېتىن تەماشى قىلىپ بارردىك.

حيوانلارنىڭ كۇپلىرى، ھركۈنى اولرگە خىرتدن تېلمورىپ يا كە شوق و ذوق بىلن قرەگن يا قۇپال مەاملە قىلگەن تورلى اۋرمانلر كۆرە — كۆرە زېرىكىپ، جانلرى بۇغزلىرىگە يېتىپ، اۋز اىن (اۋىە) لرى يا كە قفس نىڭ بىر بورچكىدە چوممىشىپ ياتگەن اېدىلر. اولر اۋرمانلارنىڭ تورلى اىما — اشارە لرى، ھاي — ھوى و ھوشىكلرىگە اعتناسىز بۇلىپ، كۆزلىرىنى اصلا اچمىس اېدىلر.

بو ياقدە اېسە بالەلر آتە — آتە لىرىگە يىلىپ — يالوارىپ، قفسدەگى حيوانلارنى تەماشى قىلگىلرى كېلىپ، قىنداق بۇلمەسىن اولارنىڭ بۇي — بىستلىرىنى كۆرىشنى اىستىر اېدىلر. بىراق بېچارە آتە — آتە لىر نىمە ھىم

– آنە جان نيمە اوچون اپندى فقط بو قرە ميمونگە مھر كۇرستىب، طعام يېدىرىپ اۋلتىرىپ سىز؟! دېب سۇرەدەيم.

– اي بالەم، بىشقە ميمونلر بو بېچارەنى يلغوزلىتىپ، اونگە تنى كون بېرمەيدىلر. بىلمەدەيم، آدملىرگە اۋخشىب ميمونلردە ھم قرەلرگە نىسبەتاً قرشلىك بار مى، دېيىمىن! بو بېچارەنى نې اۋيىن و نې ھم طعام يېماققە قۇشەيدىلر. برچە ملەلر بو قرەباى نى تلب، اوروب قىينەيدىلر!!

اۋزىم شو يېردە ايشلەيمىن. مسۇول كىشىلرگە، شو بېچارە مظلوم قرەباى گە ايرى بىر اۋرىن اجرەتىنگلر دېسەم، اولر حاضر اونگە ايرى قىسمىز يۇق، چىدەسەن دېب ايتدىلر. منە، ھركون ملەلر طعام يېب، تۇيغىلرەن سۇنگ بونگە عليحدە طعام يېدىرەمەن. توبە، گاھىدە ملەلر شوملىك قىلىپ، شونى ھم قۇيماقچى بۇلمەيدىلر!!

قفس نىنگ او تمانىدە مېدە – كتە آدملىر ميمونلردىن ھم قىزىقراق قىلىقلر بىلن اولرنى تورلى حرىكلر، قىلىقلر، اپت و انگارەلرەنى «قوارە» قىلىشكە اوندەماقەدە اېدىلر. نظرىمدە آدملىرنىنگ قىلەدىگن قىلىق و قوارەلرى اۋشە ميمونلرنىكىدىن ھم كۇپراق قىزىقراق و كولگىلىقراق كۇرىندى!

نيمە سىنى ايتەسىز، ميمونلر آدملىرنىنگ برچە كولگىلى حرىكلر، قوارەلر و قىلىقلرگە اصلا اعتنا قىلمەي، اۋز ارا اۋىن، قىقىردەشىپ اۋلتىرگن اېدىلر. كىم بىلەدى دېيىسىز، بلكە اولر اۋز نوبتلىرىدە آدملىرنىنگ عجايب قىلىق و قوارەلرگە كولىپ اۋلتىرگن بۇلسەلر، عجب اېمىس اېدى!

بىشقەلر قاتارى مېنىنگ بالەلرەم ھم ميمونلرگە قىزىقىپ، قفسكە يقىن بارىپ توردىلر. اولر قۇللرىدەگى بىسكوىت و كېلە نى قفس اچىشكە اوزتەسلەردە، ميمونلر چىنگ سالىپ اۋىپ قاچىدىلر!

شوندە باغ خىدمەتچىلرىدىن بىرى كېلىپ:

– آھاي مردم، التماس حيوانلرگە ھرقنداق نرسەنى بېرىمىنگلر! دېدى.

شوندە يانىمدە تورگن قىسى دىر ولايتىدىن كېلگن سادە بىر چال كىشى خىدمەتچىگە:

– نيمە اوچون بېرىلمەسەن، نيمە بۇلەدى؟ قۇيىنگ، بېچارەلر مزە قىلىپ يېسىنلر! دېدى.

اچىدە تېنمەي اوياق – بوياققە حرىكتەدە و بالەلر اېسە اولرنى اۋتە ذوق و قوۋانچ بىلن تاماشا قىلماقەدە اېدىلر.

شوندە بالەلردىن بىرى آنەسىدىن:

– آنە جان، تولكى نىنگ آدملىرگە نيمە كېرەگى بار؟ دېب سۇرەدى.

– بالە جان، تولكى جدا ھم كېرەك. منە مېنىنگ چىرايلى بالا پۇشىم نىنگ يقە سى و آنەنگ نىنگ قىمتلى پۇستىنلرى منە شو تولكى لرنىنگ تېرىسىدىن تىكىلگن – كو!

– تولكى لرنىنگ تېرىسىدىن!... قندەي قىلىپ؟!

– ماھر مېرگىلر چۇللردە تولكىلرنى اىزلب تايىپ، مىلتىق بىلن اۋىپ اۋلەيدىلر. كېيىن اولرنىنگ تېرىسىنى شىلىپ اۋىپ، پۇستىندۇزلرگە ساتەيدىلر و اولر بۇلسە اوندن پۇستىن، تېلىپ و بالا پۇش تىكىپ، بازارگە ساتەيدىلر.

شوندە او يېردەگى بالەلر بو سۇزنى اېشىتىپ، جدا قىغۇگە توشىپ:

– نېگە شونداق چىرايلى بېچارە جانوارنى اۋلدىرىپ، تېرىسىنى كىيە سىزلر؟ دېب زارلىنىپ اعتراض يىلدىرىلر.

– بو ايشنى اۋشە پۇستىندۇزلر قىلەيدىلر!

– يۇق... ايتىنگ بىشقە بو بېچارەلرنى اۋلدىرمىسىنلر!

– خوب بۇلەدى بالەم، ايتەمەن!

مېن و بالەلر بو سۇزلىشونى اېشىتىپ، قىغۇلى حالەدە تولكىلرنىنگ قفسى نى ترك اېتىپ، بىشقە تمانگە كېتىدىك.

باغ نىنگ چېتىدەگى بىر قفس قرشىسى آدملىر بىلن انچە گوجوم اېدى. اولر اۋتە ذوق و قوۋانچ بىلن قىسى دىر حيواننى قفسدە تاماشا قىلىپ تورگن اېدىلر. بالەلرنىنگ التماسى بىلن دراۋ اۋشە تمانگە باردىك. قفسدە تورلى ميمونلر اۋزلىرى نىنگ قىزىقلىق قىلىقلرى و بقىر – چقىرلىرى بىلن تاماشچىلرگە ذوق و قوۋانچ بىغىشلىپ تورگن اېدىلر.

برچە ميمونلر سىرىغىچىل و ملە بۇلىپ، فقط بىرتە سىنىنگ رنگى نېگە دىر فرقلى و قرەمتول اېدى. بىر كمپىر شو قرە ميمونگە اوزون دستەلى قاشق بىلن يېمك يېدىرماقەدە اېدى!

بالەلر بو صحنەنى كۇرىپ، جدا قوۋانچ كېتىدىلر و كمپىرنىنگ يانىگە بارىپ، تاماشاگە توردىلر. مېن اېسە كمپىردىن:

– اي آتە جان، سىز بىغم يورەگىزدىن سۆزلەيسىز. آدمىلەر ھىرقىنداق خام – خىل نىرسەلەرنى بو حيوانلارگە بېرىپ، كۆپلىرىنى كىسل قىلىپىدىلەر. بىلەسىز مى، شو حاضر ۳ تە مىمون، ۲ تە تۈلكى، ۵ تە قوش، ۱ تە بۇرى و باغ نىنگ كتە فىلى قىتق قارن آغرىق و اىچ كېتىدى بۇلىپ ياتىدىلەر! منە قرەنگ، قفسلردە كۆپلىرى كۆرىنمەيدى. داکترلر اولرگە دوا بېرىپ، بىستر قىلگنلر و قفسدە، چىقىپ آدمىلر نظرىگە كۆرىنىشدىن پرهىز قىلدىرگنلر!!

شوندە، ولايت نىنگ اوزاق قىشلاغىدىن كېلگن چال اېسە خىرت بىلن باشىنى قىمىرلىتىپ، كولىم سىرەب:

– يا توبە قىلدىم تېنگرىم، قىشلاقىدە بىز آدمىلرگە بىستر اويلاققە تورسىن، حتى دوا يۇق، بو يېردە اېسە حيوانلرنى دوالب، بىستر قىلرمىشلر و حتى پرهىز ھىم بويورمىشلر! دېب قۇيدى.

بىز چال نىنگ قىزىقلى سۆزىنى اېشىتىپ، يۇلىمىزنى آلىپ، سودرەلووچى حيوانلرنىنگ قفسلىرى تمانگە كېتىدىك. بىز قطار قفسلرنى بىرىن – كېتىن تاشا قىلىپ، «آمازون اۇرمانلرى ايلانى» دېب يازىلىپ قۇيىلگن وىترىن قرشىسىگە كېلدىك.

چىندىن ھىم قرەسك، اوزونلىگى ۳ – ۴ متر و يۇغانلىگى اېسە بېل دىستەدىن ھىم يۇغانراق الە – چوپار ھىبتلى بىر ايلان وىترىندە، مىدە تاشلر اوستىگە كىچە اورىپ ياتگن اېدى. ايلان نىنگ كتەلىگى كىشىنى خىرت و قۇرقىچىگە سالردى. شو باعث، حتى بعضىلر اونى اژدھا اېكن دېردىلر!

بالەلر قۇرقىپ – چۇچىپ وىترىن يقىنىدە ايلاننى تاشا قىلىپ توردىلر. شو زھاتى وىترىن چېكە سىدەگى تېشىكىدىن بىرتە چىرايلى مىدە قويان (تاووشقان) چىقىپ كېلىپ، اوياق – بويلاققە يورە باشلەدى. اولىدە بالەلر جدا قووانىپ، ذوق بىلن تاشا قىلىپ توردىلر. بىراق كۇپ اۆتمەي، اولر و حتى كتەلر ھىم ايلان بارلىگىدىن ناقولەي احوالگە توشدىلر.

شوندە بالەلر آتە – آنە لرىدىن كېت مە – كېت زارلىنىپ:
– نىمە اوچون بو قويانچە نى ايلان نىنگ آلدىگە قۇيىپىدىلر....؟ دېب سۇردىلر.

توستدىن آدمىلردىن بىرى:
بو ايلان نىنگ بېمگى، قويان. او ھركونى بىرتە قويان يېرمىش! دېب ايتدى.

شوندە بىردىنگە بالەلر و عياللردىن قىو – چوو سېسلر چىقىپ، اينىقسە بالەلر آتە – آنە لرىگە بىغلب، يلىنىپ:

– آيتىنگ، تېز بو قويانچەنى ايلاندىن قوتقرسىنلر...! دېر اېدىلر.
شوندە قويانچە قىچەلر ايلان نىنگ تېگرەگىدىن اۋتىپ – قىتىپ، حتى كە بىر – نېچە قىتلە اوستىگە ھىم چىقىپ يورىپ، شو بىلن بالە لرنىنگ بقىر – چقىرلىرىنى چىققرگن بۇلسە ھىم؛ بىراق ايلاندىن ھېچ بىر حرىك كۆرىنمەيدى. بو حالتنى كۆرىپ، ھركىم اۋز فكىرىچە بىر نىرسە ايتە باشلەدى:

بىر كىشى، ايلان اوخلب ياتگن دېدى؛ بشقە بىراو، بلكە ايلان تۇق دىر دېدى؛ عياللردىن بىرى تشویشلى آھنگدە، منە كۆرەسىلر حالى لوقە يوتەدى، ... وى ... بو دھشتلى صحنەنى كۆرىشگە چىدامەيمىن، دېب بالەسىنى يېتىكلب، قفسدىن تېز اوزاقلشدى. بشقە بالەلر قلىتىرەب، آتە – آنەلرى نىنگ قۇللرىدىن محكم توتىپ، اولرگە بوسىنىپ آلگن اېدىلر و كۆزلىرى نىنگ تگىدىن استە قفسگە قىا باقىپ قۇيردىلر.

مىنگە ھىم اىكلە اۋغلىم و قىزچەم ياپشىپ آلىپ، قىتق قلىتىرەب تورگن اېدىلر. شو حالدە، توستدىن كۆزىم ايلان نىنگ اىلنمە بۇلگن يېرىگە توشدى. دقت بىلن قرەسم، خودى پلاستىكىدېك اجىنلى و بوروشگن! شوندە، بو ايلان اصل بۇلمەي، پلاستىكىدىن بۇلمسە تىغىن، دېگن اۋى كۇنگلىمگە كېچدى! گوجوم تورگن شونچە آدمىلرنىنگ بقىر – چقىر و ھاي – ھويلىرى، اينىقسە قويانچە نىنگ سكرەب، اوياق – بويلاققە يورگىنىگە قرەمەي، ايلاندىن بىرار حرىك كۆرىلمىگىنى بو اۋى نى كۈچەيتىردى!

شو پىتدە، خىدمتچىلردىن بىرى قفس آلدىدەگى شاوقىن – سوراننى اېشىتىپ كېلىپ:

– آھاي مردم، تىنچلىك مى، نېگە بو يېردە شاوقىن – سوران دىر؟ دېب سۇرەدى.

شوندە عياللردىن بىرى اضطرابلى آھنگدە دېدى:
– بالەلرىمىز قويانچەگە يورەكلرى كويىپ، ايلان نىنگ آلدىدىن چىقىرىنگلر، دېب بىزلرگە يلىنىپ، قۇيرگە قۇيمەي ياتىپىدىلر.

شوندە خىدمتچى دېدى:

— قورقمنگلر و تشويش هم قيلمنگلر. بو ايلان هېچ قچان
قويانچەنى يېمەيدى و يېلمەيدى هم...!
بيريىنچى بۇلىب عياللر و بالەلر ايشانمەي:
— ايشانمەيميز، بيزنى الدەمنگ، دېدىلر اۋتە اضطراب بيلن!
— اي قنداق آدم سيزلر اۋزى. يېمەيدى دېدىم، يېمەيدى — دە!
— يۇق، يلغان، ... بېچارەنى يېيدى!
— او...و سادەلر، امريكان كېلتيريلگن اصل ايلان بو يېردە ياشالمەي،
الەقچان اۋلىب كېتگن. بو اۋشنگە اۋخشش پلاستىكدن يسلگن بير نمونە
— خلاص!
— نختا كە!!

— ايشانينگلر، سۇزيم چين! كېين او مخصوص آهنگدە:
— خدا خواهلەسە، ۵ — ۶ ايلرگچە افريقادن ينگى ايلان ساتيب آلىب
كېلتيريلەدى. اوشندە ھەمەنگ كېلىپ، قويانچەنى قنداق لوقە يوتگىنىنى
تماشا قىلەسيز! دېدى.
بالەلر و آنەلرى نينگ ينە شاقوين — اعتراضلرى چىقىپ، خذمتچى
نى الە نيمەلر دېب، قرغەي باشلەدىلر...!
مېن اېسە كون كېچ بۇلىپ قالگنى اوچون، بالەلرنى بير عمللپ
باغدن آلىپ چىقىپ، اويگە قيتديم....

كابل — قيش ۱۳۸۶

ايتلر سوداگرچەسى!

بالەلر ذاتاً قوشلر و حيوانلرنى سېوۋەدىلر. شونينگ اوچون، اولر تورلى
حيوانلرنى سقلىب، پرورش قىلىش و اولر بيلن اۋىنشنى ياقتيرەدىلر. مېن
قرينداشلىرىمىزدن بيرى نينگ اويىگە بارگىمەدە، حاضر حكاية قىلىپ
بېرەدىگن واقەينىڭ قەرمانلرىنى كۆرگن من:
باتيرجان، بېردى باي اكە نينگ اېركە تاى نېرە سىدىر. او،
بويەسىگە جدا ھم اېركە و ياقىمتاى بالە دىر. شونينگ اوچون، اونينگ
ايتگن سۇزى سۇز، ايستەگن نرسەسى حاضر اېدى. نيمە ايكە آغزىدن
چىقسە، مېربان و كۈنگىلچىگ بويەسى البتە كە جان و دلى بيلن سېويملى
نېرەسىگە حاضرلر اېدى.

باتيرجان نينگ سېويملى نرسە لرىدن بيرى قوشلر و حيوانلر اېدى.
آتە — آنە سىينىڭ دايمى قرشى ليگىگە قرەمەي، بويەسى سېويكىلى نېرە
سىينىڭ ايستىگىگە كۈرە نېچىتە خۇراز — تاووق، بىرتە موشوك (پشك)،
بىرتە ككلىك و بىرتە ھم چىرايلى گرجى اويىدە سقلەگن اېدى.

بولر اويگە آسانلىكچە كېلتيريلگن اېمس اېدى، البتە. آتە — آنەسى
قنچەلر قرشلىك كۆرستگن بۇلسەلر ھم؛ بىراق باتيرجان نينگ يىغى —
سىغى و تىيىرچىلپ يېرلرگە آغنەگنلرى و اينىقسە بويە سىينىڭ تحكىمى
بيلن اولرنى دىمى نى آگنى طفىلى برچە بو حيوانلر اوى نينگ تۇرىدن

اۋرىن آلگن اېدى. آتە - آنەسى تيشلرى گز - گز بۇلىب، اوى باشلىغى بۇلگن بېردى باى اكە گە ھېچ نرسە ھم دېيالمىس اېدىلر!

خودى شو وضعيتگە كۈرە، باتيرجان قە يېردە كە كۈزى بېرار مشوك مى يا كە گرجى گە توشسە و يا ھم چىرايلى قوشچەلرنى بېرارتە نىنگ قۇلىدە كۇرىپ قالسە، اۋشە زھاتى بوبەسىگە ياپىشىپ آلىب، قنداق بۇلمەسەين، بېرارتەسىنى آلدېرر اېدى.

بېركونى بوبە و نبېرە بېرگە كۈچەدە كېتەياتگنلرېدە، بېر اۋسمېر بالە بېرتە مېدە گرجى بېچەنى ايپىدن اوشلب، يېتكلب آلىب بارماقەدە اېدى. شونەدە باتيرجان گرجىنى كۇرىپ اق، بېردىنگە بوبەسىگە شو گرجىنى آلەمن، دېب تورېب آلدى.

بوبەسى اېسە: برە جان اويىمىزدە موندىن ھم چىرايلى بېرتە گرجىنگ بار، ينە بونى نېمە قىلەسن؟ دېب اونى قناعت بېرماقچى بۇلدى. بېراق او اصلا كۈنمەدى و آلەمن، دېب تېرىشىپ توردى.

قىسقىسەسى، معمولىگە كۈرە اۋجر نبېرە كۈنگلى يوشاق و مېربان بوبە سى اوستېدن غالب چىقدى و بوبە گرجى نى آلىب بېرىشگە كۈندى. اېندى گرجى نىنگ اېگەسى گرجىسىنى بېرىشگە حاضر اېمس اېدى.

ناچار احوالگە قالگن بېچارە بوبە، اۋسمېر بالە بېلن گېلىشىپ، تارتىشىپ نھايت يېگىرمە افغانى بېرىپ، گرجىنى اوندن ساتىپ آلدى!

باتيرجان اۋتە قووناقلېك بېلن گرجىنى اويىگە آلىپ كېلدى. آتە - آنەسى بونى كۇرىپ غىزىلرى قۇزغىب كېتدى و ايكېتە گرجىدن بېرىنى قالدېرماقچى بۇلدىلر. بېراق باتيرجان و اينىقسە دايمى حامىسى - بوبەسىگە كېم ھم بېرىنمە دېيالر اېدى...

بشقە بېركونى باتيرجان كۈچەلرېگە دەيدىپ يورگن كتەراق بېركوچىكىنى كۇرىپ، اويگە يېتكلب كېلتىردى و برچەلر، حتى بوبە سىنىنگ اعتراض و اچىغى گە سبب بۇلدى.

آتە - آنەسىنىنگ دوق - پوپىسەلرى و بوبە سىنىنگ بېرگن تورلى وعدەلرى فايده بېرمەدى. نھايت، مېربان بوبە نبېرەسىگە بېراز پۇل بېرىپ، كۈچەدن تايىپ كېلتىرگن كتە ايتنى بېرار ياققە اولاقىرىشگە كۈندىردى! بو، ايت طفىلى باتيرجان نىنگ اوندېرگن بېرىنچى پولى، انىقراغى بېرىنچى سوداسى اېدى!

بو اقيمنى كۈزەتگن باتيرجان نىنگ آتەسى، خودى شو يۇرىقدن فايدهلېنىپ، اونى گرجىلردن بېرىنى ھم اولاقىرىشگە كۈندىردى. شو بېلن باتيرجان ايت سوداسىدن ايكىنچى قتلە ھم پۇلگە اېگە بۇلدى!

شونداق قىلىپ، سوداگرلىككە توغمە استعدادى بۇلگندېك، باتيرجان ايت سوداگرلىككە كېرىپ كېتدى! يعنى باتيرجان كۈچەدن اوچرەگن دەيدى ايتلرنى سودرەب اويىگە كېلتىردى و بشقەلر اېسە بېر - قنچە اعصاب بوزر بقىر - چقىرلردن سۇنگ، اونگە بېر - آز پۇل بېرىپ، كېلتىرگن ايتنى اوزاقلرگە اولاقىرىر اېدىلر!

بارېب - بارېب باتيرجان بو ايشگە اۋرگەنىپ، بېرىلىپ كېتدى و چققان ايت سوداگرىگە ايلندى! بو معاملەدە، باتيرجان سوداگر و بوبەسى يا آتەسى و يا بشقەلر اېسە خرىدار اېدىلر!

ايندى قرەنگ كە، زېرك و اۋز كسبىگە ھوشيار بۇلگن باتيرجانگە قچان كە پۇل كېرەك بۇلسە يا كە بازارلردە بېرار نرسەنى ياقىتېرىپ آلماقچى بۇلسە، پولىنى سررشتە قىلماق اوچون دراو قەيىردن بۇلسە ھم دەيدىپ يورگن بېرار ياوايى ايتنى تايىپ كېلتىرر و دايمى مشتېرلېدن پۇل اوندېرر اېدى!

بېراق ايت تجارتى عايلە نىنگ فقط شو تار دايرەسىدە چېكلەنىپ قالمەدى؛ بلكە بو اقيشدىن محلەدەگى بشقە بالەلر ھم خبر تايىپ، گاھى اولر ھم كۈچەلردە اولاقىب، دەيدىپ يورگن ايتلرنى اوشلب باتيرجانگە بېرىپ، اوندن ارزىمەگن بېر - نېچە رۇپە آلر اېدىلر. باتيرجان اېسە اونى بوبەسىگە كۇپراق پۇلگە ساتىپ، اولاقىتېرىپ يېبارىشگە كۈنر اېدى! بو بېلن كۈچەدەگى بالەلر و باتيرجان ارەسىدە ايتلر سوداسى جدا رونق تايىپ، باتيرجان ھم زېركلىك بېلن آز پۇلگە ايتلرنى آلىپ، اولرنى كۇپراق پۇلگە بوبەسى يا آتەسىگە ساتر اېدى!

ھە عزيز اۋقۇوچىلر، شونداق قىلىپ باتيرجان عايلە نىنگ ماھر ايت سوداگرىگە ايلەنىپ قالدى!

بو اۋرىندە قىزىغى شو اېدى كە، اوزاق - اوزاقلرگە اېلتىپ اولاقىتېرىلگن ايتلر، گاھىدە اۋزلىرى قىتىپ كېلىپ يا ھم كۈچە نىنگ شوم بالەلرى پۇل طمع سىدە اولرنى تايىپ، قىتە باتيرجانگە تاپشېرردىلر.

شونداق قىلىپ، بىرار ايت حتى اوچ يا تۇرت قتله ھىم تكرر ساتىلگنى و
اولاقتىرىلگنى ھىم يۇق اېمس اېدى!
نيمه بۇلسه ھىم، بو عجايب تجارت طفيلى باتىرجان نىنگ
سوداگرلىك استعدادى و مهارتى زۇر اۋسىب قالدى. اينىقسه بوبهسى: "خدا
خواهله سه نىبره زور سوداگر بۇلهدى" دېب، اونگه پارلاق كېلهجكنى
كوتىب تورگن...!

سۈكيش ھىم پول بۇلر اپكن!

بىر پىتلر، قە يېردە دىر قويىدەگى حكايتنى اۋقىب حىرتلنگن اېدىم.
بورونى زمانلردە بىر پادشاه نىنگ سراى ايشچىلرىدىن بىرى پادشاهگە
مراجعت قىلىپ، شونداق دېگن اپكن:
- پادشاهىم، منە كۇپ يىللردن بېرى سرايدە كمتىر قۇلىنگىز بۇلىپ
خدمت قىلىپ يورىمىن. بىر قاشق قانىمدن اۋتسنگىز، سىزدن كىچكىنە بىر
تىلگىم بار اېدى!
- قنى ايت - چى، نيمه تىلەگىنگ بار؟ دېدى پادشاه.
- عالمپنا، تىلگىم شو كە ھركونى اېرتەلب سراى اھلى تۇپلنگنلرىدە،
مېن قۇلىنگىزنى اولرنىنگ كۇز اۋنگىدە قاشىنگىزگە چارلب، قولاغىمگە
سېكىن شىبىرلب نېچىتە سۈكسنگىز، دېدى خدمتچى!
قنداق دىر كتە تىلك كوتگن شاه، خدمتچىسى نىنگ بو عجايب
تىلگىدن حىرتلنىپ قالىدى. بىراق خدمتچى نىنگ يلىنىپ - يالوارىشلىرى
طفيلى توستدن ارزىمەگن تىلگىنى اىجابت اىلب، كۈنىدى.
شونداق قىلىپ، شاه ھركونى اېرتەلب سراى اھلى حضورىدە
خدمتچىنى قاشىگە چارلب، قولاغىگە سېكىن شىبىرلب يخشى سۈكرمىش!
بو ايش بىر مدت دوام اېتگچ، سراى اھلى آلدېدە اۋشە خدمتچى، شاه
اۋزى نىنگ خاص و يشىرىن سۇزلىرىنى ايتەدىگان اېنگ يقىن و ايشانچلى
آدم صفتىدە تانىلىپ قالىدى!

خدمتچى اېسە رېجەلشتىرىلگن اوشبو واقعه دن سوء استفاده قىلىپ، كۇپ نفوذ و مال و دولتگە اېگە بۇلگن اېمىش!
هە دۇستلر، قرەنگ كە آدملىر «تاشدن ياغ چىقرگندېك» حتى سۇكىنچدن ھەم پول و دولتگە اېگە بۇلر اېكىلر!

بىلمەدېم، سىز بو حكايتگە ايشاندىنغىز مى، يۇق مى؟ بىراق مېن بونگە يوزگە - يوز ايشاندىم؛ چونكە ھالى حكاية قىلىپ بېرەدىگان نرسەم، خودى شو حكايت مضمونىگە، بىراق بشقە چە راق شكىلدە اۇخشەيدى:
مصطفى جان عايلە نىنگ كېنجە و اېركەتاي بالەسى صفتىدە برچە عايلە اعضاسى، اينىقسە بوبەسىگە جدا سېويملى و اېركە دىر. او اېندى تۇرت ياشنى قرشيلەماقدە.

مصطفى جان اۋزى نىنگ عجايب قىلىقلرى، اېركەلىكلرى، تۇپالانلرى و چوچوك سۇزلىشلىرى بىلن بوتون عايلە اعضاسىنىنگ كۇنگىلىدن اۋرىن آلگن اېدى. مصطفى جان برچەدن كۇرە اينىقسە بوبە سىگە جدا ياقىملى و اېركەتاي بالە اېدى.

بوبەسى اونى اېركەلتىپ، مصطفى اېمس؛ بلكە كۇپلەب عايلەلردە معمولى بۇلگىندېك، اونىنگ آتىنى اۋزگرتىرىپ، شىرىنگىنە قىلىپ «موشك» دېپ قىرر اېدى. مصطفى ھەم شو لقبنى ياقىتىرىپ قالىپ، كۇپراق «موشك» دېلگندە گىنە جواب بېرر اېدى!

بالە بىراز تىل چىقەرىپ چوچوككىنە قىلىپ گېرەدىگن بۇلگىندە، عايلەلر تورلى يوسون و يۇرىقلر بىلن اونگە سۇزلىرى اۋرگتە باشلەيدىلر. جملە دن كۇپلىرىمىز گواه بۇلگىنىمىزدېك، عجايب يۇسونلردن بىرى سۇكىنچ لرنى اۋرگەتىش دىر:

- منە تاغەنگنى بىرسۇك!

يا:

- قنى اېە جانىنگنى بىر سۇكالەسن مى؟!

و يا:

- كېل قۇزى چاغىم تىلىنگدن اۋرگىلەى، مېنى بىر سۇك، بىرتە چاكلىت بېرەمن!! كى لرنى كۇپ كۇرىپ، كۇپ اېشىتگن مىز.

عايلە لرنىنگ اوشبو عجايب عادىگە كۇرە، موشك جان ھەم تىل چىقەرىپ، بشقەلر بىلن سۇزلىشگە عايلە لرنىنگ بو عجايب يۇرىق و

متودىدن نصىب سىز قالماگن، البتە! اينىقسە مېرېان بوبەسىگە اونىنگ شىرىنگىنە سۇكىنچ لرى جدا ھەم ياقىملى دىر! مېرېان بوبە ھەردايم اونگە بىراز پول يا كە بىرار يېگولىك بېرىپ، اۋزىنى سۇكتىرەدى! بو ايش نىنگ مېھم خصوصىتى شونە كە، موشك جان بشقە لرگە اېشىتتىرىپ اېمس؛ بلكە بوبە سىنىنگ قاشىگە بارىپ، اۋزىنى اونىنگ قولايگە قۇيىپ، بوبە سى اىستەگن يا ياقىترەدىگن سۇكىنچ نى ايتىپ، بوبەسىنى كولدىرىپ، كېن كېلىشىلگن پولنى بوبەسىدن آلەدى!

موشك جان نىنگ سۇكىنچ لرى تورلىچە بۇلىپ، ھەر بىرى اۋزى نىنگ معلوم نرخیگە اېگە! اونىنگ ارزان سۇكىنچى بېش روپە (افغانى) دن باشلەنىپ، حتى اېلىك روپە و گاھى كۇپراققە ھەم يېتەدى!

دېمك، بو معاملەدن ھەر ايكەلە تمان چىن كۇنگىلدن راضى؛ چونكە بوبەسى سېوىكىلى نىرە سىدن اچىق - چوچوك تورلى سۇكىنچلرنى شىرىنگىنە اېشىتىپ، مزە قىلىپ راحت و خوشلىككە اېرىشەدى و موشك جان اېسە عوضىگە پولگە اېگە بۇلەدى!

شونداق قىلىپ، بوبە سۇكىنچ خرىدارى و نىرە اېسە ساتوۋچى!
قىزىغى شو اېدى كە، باشلىرىدە بوبە اىستەمەگۈنچە، موشك سۇكىنچ ساتىشگە اولگورمس اېدى! بارىپ - بارىپ موشك ساتوۋچىلىك قاعدەلرىگە تانىش بۇلىپ، اېندى قچان كە پول كېرەك بۇلسە، بوبە سىنىنگ اىستىگى يا وضعىتىگە قرەمەى، قولايگە اۋزى كۇزلەگن سۇكىنچ نى ايتىپ، زۇردن ھەم بۇلسە تاپشىرىلگن متاع نىنگ پولنى بوبەسىدن اوندىرىپ آلردى!

بونى قرەنگ كە، موشك جان نىنگ تاپگن پوللرى كۇچە لرىدەگى چال بقال نىنگ اۋلجەسى بۇلردى. نىمە بۇلدى يو چال بقال بو سوداگرلىك اقيمنى يىقب قالدى. او دايمى مىشترىسى موشكىنى كۇپراق پول اوندىرماق اوچون، بوبە سىنى كۇپراق سۇكىپ، كۇپراق پول اوندىرىشگە تشوبىق قىلردى! شوم چال بو مقصد اوچون موشككە حتى ينگى - ينگى، اينىقسە بوبەسىگە ياقىملى اېشىتىلەدىگان سۇكىنچ لرنى اۋرگەتر اېدى!

ھە عزىز اۋقوۋچىلر، شونداق قىلىپ موشك جان نىنگ تىلى سۇزلىش، اينىقسە سۇكىشلردە جدا اۋتكىر و سىلىق بۇلىپ قالدى. بوبە سى موشك و

موشك نينگ اۋزى اېسە شوم چال بقال نينگ دايمي بيع پارېگە ايلەنيب قالدی!

قدیمدن «باله بازارى، كۈپك شكارى بۇلمەسین» دېگنلیدیك، اېندى موشك سۈكۈنچ ساتیب، دايم پول بیلن اۋینردى. پول قۇلیگە توشگن زھاتى بقال قاشیگە یوگوریب، اونى بقالگە تاپشیریب، اۋرنيگە اۋزىگە یاققن نرسە نى آلردى!

شونداق قیلیب، بو عجایب آقیم دوام اېتیب، موشك نينگ تیلی کون سایین یخشی اۋسماقده. برچه عایله اعضا، اینیقسه بوبه سى بوندن جدا ممنون و خورسند و حتی کېلگن - کېتگن مهمانلرگه ھم کۈز - کۈز قیلیب، نمایشگە قۇیەدیلر...!!

کابل - سنبله، ۱۳۸۸

بالهلى اوى بازار، ...!

تانگ پیتی عایله نينگ میده - کته سى اېرتەراق توریب، حویلی نينگ اېشیگی آلدیده تۈپلنیب، مسافرلری بیلن خیرلشماقده اېدیلر. مسافرلر، بالهلر نينگ آنەسى، تونغیچ اۋغلى و كۈكرەكدهگى قریب بیر یاشلى قیزچەسیدن عبارت اېدى. خاتین اوکەسینینگ تۈییکه، توغیلگن یېرى بۇلمیش میمنه گە کېتماقچى اېدى. او کېچەسى و اېرتەلب اېرى (انجنیر) نينگ كۈنگلینى كۈتەریب، بالهلرنى یخشی اسرەنگ، منە کیچیک اۋغلیمیز نعمتالله جان سیزگە یاردم بېرەدى، دېدى. او، سوتمه - سوت توغیلگن ۵ - ۶ تە میده بالهلرنى اېریگە و برچهلرینی اېسە تېنگریگە تاپشیریب، قالدیریلگن بالهلری نينگ كۈز یاشى بدرقه سیده تاکسیگە اۋلتیریب، جۈنب كېتدی.

ھم آتە و ھم بالهلر نينگ نظریده حویلی بۇم - بۇش، ھووللب قالگندېك بۇلدى. برچه نينگ كۈنگلى غش و یۈرەكلرینی اېسە قنداق دیر سېزىلمس قیغو غیجیمله گندېك قیلردى!

انجنیر كېچقرون وظیفەدن چیقیب، سودا - مودالرنى آلیب اویگە كېلدى. اېشیکدن کیرگن زھاتى بالهلری اونى اورەب آلدیلر. برچهسى: آتە نیمە كېلتیردیز؟ دېب، بیرى سقیز، بیرى المە، بیرى بیسکویت، ... کبی نرسەلرنى سۈرەب، بېچارەنى گرنگ قیلدیلر.

او، بالەلەردىن اېنگ كىچىگىنى كۈتۈپ ئالېب، بىشەلەرى اېسە
 آسىلىپ، اېرگىشېپ زۇرغە اويگە كىرىپ آلدى. او، كون بۇيى ايشخانەدە
 فقط چوگىگە اۋلتىرىپ، بېل - اياقلرى قاتىپ، اۋزى ھم ازانچە چرچىپ
 تالىققن اېدى. شو باعث، بىر لحظە چۈزىلىپ، تىنچىگىنە ھاردىق
 چىقارىشگە جدا ھم ايتتىق اېدى.

او، بىر عمللېب كىيىملىرىنى المىتىردى - دە، بارىپ ياستىققە تىەنىپ
 اياقلىرىنى چۈزىپ، ياقىملى بىر حالت سېزدى. بىراق، بو كۈپ چۈزىلمەي،
 شو زھاتى بالەلەرى قاشىگە كېلىپ، بقىر - چقىر و اوستىگە چىقىپ -
 توشىپ، سقال - بروتلىرى بىلن اۋىنپ، تىنچىنى بوزدىلر. بىراق چرچاغىگە
 قرەمەي، بالەلەرنىڭ برچە قىلىق و بقىر - چقىرلىرى اونگە ياقىملى اېدى!
 شو پىت، اوى نىڭ ۱۲ - ۱۳ ياشلى اېنگ كتە قىزى كېلىپ، آبدان،
 بشكە و بقىر (سطل، چىلك)لردە سوو يۇق دېپ ايتدى. آتەسى اېسە:
 - قىزىم، مېنگە ايتىڭدن كۈرە اكەنگ نەمت الله گە ايت، تۇلدىرسىن
 دېدى!

- نەمت الله ھالى ايشدن كېلگنى يۇق، دېدى، قىز!
 شۇندە، چرچىپ كېلگن انجىر تىلى نىڭ تگىدە غوت - غوتلېب،
 نەمت الله نى بىر نىمەلر دېپ، كۈكسى نىڭ اوستىگە چىقىپ، سقالى بىلن
 اۋىنپ اۋلتىرگن ايكىتە بالە سىنى سېكىن بىرگە ئالېب قۇيدى و اۋرنىدن
 تورىپ برچە ايدىشلىرىنى سوودن تۇلدىردى!

كېچكى يېمكىنى قىزچە و آتەسى بىرگە بىر عمللېب تيارلەدىلر.
 دسترخوان تۇشەلىپ، تېگرەگىگە اۋلتىرىشە بالەلر آرەسىدە جنجال
 چىقدى. آتە بارلىگىدە بونداق جنجاللارنى كۈرمەگن آتە حىران قالدى.
 چونكە او پىت، بو مسالەنى آتە الە قچان حل قىلىپ، برچەلر دسترخوان
 تېگرەگىگە اۋلتىرگن سۇڭ آتە نى چقىردىلر. بىراق بو آقشام اونداق
 بۆلمەدى. بالەلەرنىڭ ھەر بىرىسى آتە سىنىڭ قوچاغى يا يانىگە
 اۋلتىرماقچى اېدى!

انچە بقىر - چقىرلردن سۇڭ، اوچ - تۇرت ياشلى بالەسى بىشەلەردن
 زۇر چىقىپ، آتە سىنىڭ قوچاغىگە و بىشەلەرى اېسە يان - تېگرەگىدە
 اۋلتىردىلر.

قاشقارلىنىڭ چىرق - چوروقى، آغىزلىرىنىڭ چلپ - چولپۇلرى و
 بالەلەرنىڭ بقىر - چقىرلىرى بوتون اوى فضاىنى قمرەب، كېچكى طەمگە
 غلىحە مزە و كىفەت بىشەلەگن اېدى. بو جىرئەدە بىرى سوو دېسە،
 بىشەسى نان؛ ينە بىرى تركارى دېسە، بىشەسى تىشەب كېتماقچى
 بۇلدى! قىزىقى شو اېدى كە، بولرىنىڭ برچە سىنى آتە بىرىشى كېرەك
 اېدى و بالەلر بىشەنى اىستىمىس اېدىلر. شۇندە، بېچارە آتە گىرەڭ بۇلىپ
 قالدى!

دسترخوان يىغىلىپ بۇلگىدىن سۇڭ، تلوزىيون كۇرىشەدە كتە جنجال
 توردى. كارتون فىلمدن ئالېب، فوتبال اۋىنى، تورلى سىياللر، كچ كورەشى،
 حىوانلر عالمى، خىللىرى مېدە يو كتە بىر وقتە، اوى نىڭ فقط بىر
 تلوزىيونىدە كۇرماقچى اېدىلر! آتە لرىدن اۋزگە بىرارتە سى ھم اۋزى
 ياقىتەردىگن نرسەدن كېچمەدىلر! شۇنىڭ اوچون، رىموت كىتروول قۇلمە
 - قۇل بۇلىپ، ھەر دىققە و ئانىدە تلوزىيون پردەسى لىيىلىپ، كاناللىرى
 اۋزىگىر توردى...!

غىن ھالەدە بىر - ايكىتەسى كىتاب و كىتابچەلرىنى كېلتىرىپ، آتەسى
 بىلن اۋقىب يا اوى تاپشۇرىغىنى بىرماقچى اېدىلر. ايلگىرى بو نرسەلەرنى
 اساساً آتەلرى بىلن بىرلەيدىلر.

تون نىڭ بىر پىتىدە بالەلر اوخلەماقچى بۇلدىلر. اولرىنىڭ
 كىچىكلىرى يەكە اوخلەماقچى بۆلمەي، آتەلرىنى اېسلەدىلر. شۇندە آتە
 اولرىنى بىر عمللېب توشىتىرىپ، اۋزىم بىلن بىرگە اوخلەيسىزلر دېپ اولرىنى
 تىنچىتىدى!

ھەرقاشام اۋزى غلىحەدە و يەكە اوخلېب اۋرگىگن آتە، بو آقشام قطار
 تۇشك تۇشەلىپ، اۋرتەدە ياتدى.

آتە، چرچاغى طفىلى كۈزى يومولىپ، غرقاب اويقوگە كېتماقچى
 بۆلسە ھم، بالەلر اونى متل ايتىشگە مجبور قىلدىلر!...

شۇنداق قىلىپ، آتە و بالەلر آغىر اويقوگە كېتىدىلر. كېچە نىڭ بىر
 پىتىدە بالەلەردن بىرى نىڭ يىغىسى بېچارە آتەنى شىرىن اويقودن
 اويغاتدى، او اويقو ارەلش شاشىپ سۇرەدى:

- ھە، بالەم نىمە بۇلدى؟

- آتە، سوو اىچەمن! دېدى بالە.

بېچارە آتە توريب، آشاخاندەن سوو كېلتىرىپ ايچىردى.
 او، اېندى اويقوگە كېتگىدە، يىنە يىرى يىغلب توردى و تشناب
 كېتەمن، دېب زارلندى!
 شونەدە آتە يىنە توريب، بالەنى تشناب ايلتىپ، كېلتىردى.
 بونداق ايشلر تون بۇيى نېچە قتله تكرارلىنىپ، آتە نىنگ ھردايمىكى
 تىنچى و اويقوسىنى بوزدى!
 بىر وقت بالەلرنىنگ قىو - چىولرى باشلىنىپ، آتە نى شىرىن اويقودن
 اويغاتىپ يىباردى. قرەسە، تانگ آتگن اپكن. بىراق او تونگى اويغاقلىكلر و
 ناتىنچىلىكلر طفىلى تانگ پىتى اoxلب قالىپ، حتى اېرتە نمازىگە ھىم
 تورالمەي قالگن اېدى.

انجنير، اوغلى نعمتاللهنى اويغاتماقچى بۇلىپ:
 - آو نعمتالله، تور چاى - ماى نى تيارلە، كېچ بۇلدى، دېدى!
 بىراق، نعمتالله دن نە حركت كۇرىلدى و نە بىر سېس اېشيتىلدى!
 نعمتالله نى اويغاتىشەدە انجنيرنىنگ برچە اورىنىشلىرى فايدەسىز
 بۇلىپ، او كم اويقولىكنى بھانە قىلىپ، تورمەدى. شونەدە، بېچارە انجنير
 اۋزى بارىپ چاى - پاى و دسترخواننى تيارلەدى!
 قىزىغى شو بۇلدى كە، ھركون ايشدن وقت كېلەدىگن نعمتالله،
 اېندى بۇلسە شامدن كېين، ھىمە نرسە دسترخوان اوستىگە تېرىلىپ
 قۇيىلگندىن سۇنگ، تاپىلىپ كېلدى! او، حتى بىركونى ھىم وقت توريب،
 چاى تيارلەمەدى و اتەىلپ اويقودن قالىيىمن، دېب آتەسى ايشگە جۇنپ
 كېتگندىن سۇنگ تورردى!
 بېچارە انجنير، نعمتالله ھرگل كېچ كېلگىدە يا كە وقت توريب،
 چاينى سرشتە قىلمەگىدە، اونى اوروشىپ، گاھىدە الە نىمەلر دېب سۇكىپ:
 - آتەلرئ عجب ياردمچى نى مېنگە قۇيىپ كېتكن اپكن - دە! دېب
 كويىنىپ گېپىردى.

اېرتە نىنگ چاى - ناننى ھىم تورلى بقىر - چقىرلر و جنجاللر بىلن
 صرفلىنىپ، بىر نېچە لرى اېرتەراق مەكتەپ كېتىشلىرى كېرەك اېدى. قىز و
 آتە ايكەلسى بىر عمللپ بالەلرنى كىيىنتىرىپ، مەكتەپ كېتىشگە تيارلەدىلر.
 شونەدە بالەلر آتەلرىدن خرچ پولى تىلەدىلر. آتە بو گېلردن خبرسىز حىران
 قالدى. چونكە بالەلرنىنگ برچە ايشلىرى، جملەدن خرچ مسالەسىنى ھىم

دايم آتەلرى اېپلر اېدى و آتە اېسە بالەلرى قىتارى اېرتەلب ايشگە جۇنپ
 كېتەردى!
 آتە بالەلرنىنگ اىستەگن پوللرىنى بېرىپ، جۇنتىدى. كېين بىلسە،
 بالەلر آتەلرى نىنگ يۇقلىگىدن فايدەلىنىپ، ھىر يىرى آتەلرىدن ايكى برابر
 پول آلگن اېكنلر!

انجنير كېچقرون ايشدن اويگە كېلگىدە، بالە لرى نىنگ مىدەدن
 كتەسىگچە كون بۇيى اوروش - جنغىشلىرى ھىمە او - بو يېرلرى نىنگ
 يەرسى و قاتىپ قالگن قانلرىنى كۇرستىپ، اونى سوو - سىماب قىلدىلر!
 ھە، عزيز اۇقوچىلر، آتە نىنگ اويىدەگى ھىركونگى فعالىتى انە شوندىن
 عبارت بۇلدى. خاتىن نىنگ سفرىدن ۲ - ۳ كون اۋتگچ، تىلفون ارقەلى
 اېرى و بالەلرىدن خبر آلدى. اېرى اېسە بالەلرنى يخشى ارداقلپ، گلدېك
 اسرەب اۋلتىرگىنىنى ايتىپ، خاطرجمع قىلدى!

بىراق نېچە كون اۋتىپ، بالە باقىش و اوى يوموشلىرى جانگە تېگىپ،
 آتە نىنگ حوصلەسىنى تاق قىلدى. نوبتەدىگى تىلفوندا برچە عايلە اعضاسى
 تىلفوننى اورەب آلىپ، ھىر يىرى آتەسى بىلن سۇزلاماقچى بۇلىپ تالاشر
 اېدىلر. مىدەلرى يىغلب، آتە جان تېزراق كېلىنگ، ساغىندىك، دېب
 زارلندىلر! شونەدە آتە بشقە لرىنى ھىم بىر عمللپ، يىغلەتىپ، تىلفوندا
 سۇزلىدى و شو بىلن خاتىنى گە تېزراق قىتىشنى بىلدىردى!
 سۇنگىكى تىلفوندا بالەلرنىنگ مىدە - كتەسى آتە لرىگە يىغلب، اۋز
 ساغىنچلرىنى سۇزلەدىلر. شونەدە حتى آتە لرى نىنگ كۇزلرىدە ھىم
 ساغىنچدن مى يا بالەلرنىنگ عذابىدن مى، ياش قلقىپ تورگن اېدى! او،
 بالەلرىدن كۇرە كۇپراق خاتىنىگە ايلەنىپ، تېزراق كېلىشنى تاكىدلەدى.
 اخىر بالە باقىش و اوى يوموشلىرى قىيىنچىلىگى طفىلى، پىچاق سويككە
 بارىپ باتگن اېدى - دە!

بونى قرەنگ كە آتەسى بىلن بىرگە سفرگە كېتكن تونغىچ اۋغىل
 قىتىپ كېلىشى بىلن قزان - تباق ايشلىرى اونىنگ بۇيىنىگە توشىدى. بىر -
 ايكى كون اۋتىپ، رۇزگارنىنگ آغىر ايشى و بالەلر نىنگ بقىر - چقىرى
 حوصلەسىنى پىر قىلىپ، بىركونى آتەسىگە بقىردى:
 - آتە سىزگە يوز قتله بالەلرنى كۇپەيتىرمىگلر، دېب ايتىدىم، سۇزىمگە
 قولاق سالمەدىنگىز. منە اېندى برچەنى عذابگە قۇيىپ، اۋلتىرىپ سىز!

ايشخانەدە بىز بو ھىمكارىمىز بىلن تېگىشىپ:
 — ھە، انجنىر صاحب، بۇيىداقلىك دىملرىنى مزە قىلىپ اۋتكىزىپ
 تۇرىبىسىز مى؟ دېلىگندە، او كىشى اېسە باش ايلغىب:
 — اې عزيز دۇستلر، بالە باقىشدېك قىين ايش دىيادە يۇق اېكن — كو.
 بونداق آغىر ايشنى فقط بىر آنە اېلىپ آلر اېكن — خلاص! مېن اېندى
 خاتىنىم نىنگ دايم نالىب ايتەدىگن بىر سۇزى نىنگ معنى سىگە توشونىپ
 يېتىدىم. او، گاهىدە بالەلرنىنگ بقىر — چقىر و شۇخلىكلرىدن بېزىپ:
 — آتەسى، بالەلرىنگىز نىنگ شۇخلىكلرى جانىمگە تېگدى. قىسى كون
 بو چورپەلرىزدى تشلب، باشىمنى آلىپ بىرار ياققە كېتەمن، دېب
 نالىردى...!

كابل — ئور ۱۳۸۷